

月方備藥

包學善署

第六冊



朔方備乘卷第一

聖武述略一

東海諸部內屬述略敘○臣秋濤謹案東海諸部今屬吉林省統轄地周二萬餘里古靺鞨諸國也前代朔漠未賓幅幘不廣以靺鞨蒙古爲北徼我○聖朝○德教覃敷○天威遠震舉凡靺鞨蒙古悉屬內地以俄羅斯爲北徼恭查○盛京通志載○盛京統部北至俄羅斯界五千一百餘里然○盛京北距吉林實不與俄羅斯相接惟吉林東北隅三姓副都統地與俄羅斯密邇三姓所屬打牲採捕諸部落卽舊時東海諸部慕○德嚮○化入爲編氓是則爲○盛京屏障者吉林也爲吉林根本者東海諸部也康熙年間羅刹侵擾至恒滾等地卽吉林所屬東海諸部舊壤此可見論北徼邊防不可不留意於東海矣欽惟我○朝○列聖柔遠綏民開疆益地凡最强最大之部落如蒙古喀部準部回部胥隸○旃幪設官莅治其事昭著惟東海諸部止設姓長鄉長未立專官是以○列朝戡定撫綏之偉績罕有知者曩時道員臣趙翼撰○皇朝武功紀盛自康熙中征討三藩之役以後悉有述略而東海之事闕載厥後知州臣魏源撰○聖武記於征東海諸部事亦祇附見而未有專紀之篇臣秋濤不揣固陋敬考羣書以述其略誠知○大烈耿光昭垂億禩卽欲繪天賦海末由形似萬一竊以紀述○聖德自附於清廟生民之篇頌揚○神功追擬於軍攻常武之什斯則歡忻抃舞之懷所不能自己者爾○東海諸部內屬述略○東海諸部皆在長白山以東長白山爲我○朝發祥之地松花江出焉北流至吉林又北轉東流合黑水爲混同江逕甯古塔三姓以入東海水勢環抱拱衛○神京古肅慎渤海女

真諸國相繼居此至明萬歷年間諸國分建滿洲之部五曰蘇克素護河臣秋濤謹案一作蘇克蘇許河曰渾河曰完

顏臣秋濤謹案一作王甲曰棟鄂臣秋濤謹案一作董鄂曰哲陳長白山之部二曰納殷曰鳴綠江東海之部三曰窩集臣秋濤

濤謹案亦曰瓦爾喀曰呼爾哈魏源曰一作虎爾喀一作庫爾喀臣秋濤謹案滿洲源流考庫爾喀與呼爾哈並列疑非一部俟考扈倫之部四臣秋濤

作呼曰葉赫臣秋濤謹案一作也合曰哈達曰輝發曰烏拉皆金代部落之遺城郭土著射獵之國非蒙古行國

倫比也各主其方爭相雄長強凌弱眾暴寡而扈倫四部最強皆在○興京之北今○盛京吉林兩將軍

所轄境內至東海三部本明野人衛地皆在甯古塔以東或瀕江海或居島嶼距明邊絕遠多役屬於

扈倫之烏拉部厥後我○朝奄有東海設吉林將軍統之亦以烏拉為治所仍舊貫也○太祖高皇帝

受命於天削平諸國於是滿洲五部長白山二部以及扈倫四部以次收入版圖其用兵最勤且征且

撫者莫如東海三部及黑龍江之索倫等部蓋此諸部種族散處山林非有會豪為之雄長亦非如四

扈倫之抗衡上國而○兩朝勞徠招攜之故則見於天聰八年○太宗諭諸將之征黑龍江者曰茲地

人民語言騎射與○我國同撫而有之即皆可為我用攻略時宜告以爾我先世本皆一國之人載籍

甚明毋甘自外是故屢次用兵皆未嘗興大眾其收服之人即校射藝區等第編旗披甲與兼弱攻昧

之師不同茲謹依○欽定開國方略諸書詳考東海諸部內屬之事稽年月綴故實臚列於篇以便覽

觀云其索倫諸部內屬事詳見次卷○太祖高皇帝戊戌年春正月招降安楚拉庫路先是大臣費英束初征瓦爾喀

部取噶嘉路殺部長阿球降其眾以歸至是以安楚拉庫路舊屬瓦爾喀部○太祖命長子褚英幼弟

巴雅喇與費英東噶蓋統兵一千征之星馳而往取屯寨二十餘招降萬餘人而還於是褚英○賜號

洪巴圖魯巴雅喇○賜號卓哩克圖

臣秋濤謹案滿洲源流考云安褚拉庫內河○太祖丙申年征之取屯寨三十餘與方略所記年分不同俟考

正月東海窩集部之呼爾哈路長二人曰旺格曰彰格率百人來朝獻黑白紅三色狐皮黑白二色貂

皮自是呼爾哈部朝貢時至其長博濟哩乞婚○太祖嘉其率先歸附因以大臣女六配其六長丁未

年春徙東海瓦爾喀部斐優城之眾於內地先是丙申年陣獲烏拉布占泰釋歸主其國未幾布占泰

以珍物銅錘送葉赫貝勒納林布祿又以我國所屬瓦爾喀部之安楚拉庫路內河路眾所推服之三

人送葉赫引其使人招誘安楚拉庫內河二路適有東海瓦爾喀部斐優城長策木特赫來朝告曰吾

等因地方遙阻久附烏拉國今其國主布占泰遇吾等虐甚乞移家來附至是○太祖命弟舒爾哈齊

長子褚英次子代善大臣費英東扈爾漢率兵三千至斐優城徙之時夜陰晦軍中大霧之上有光眾

以為異捫視無有復樹之光如初舒爾哈齊曰吾自幼從○上征討所見多矣未有此異其非吉兆耶

欲還兵褚英代善曰或吉或凶兆已定吾等遽還將何以報○命耶遂決意前進至斐優城盡收環城

屯寨凡五百戶令扈爾漢率兵三百護之先行烏拉貝勒布占泰發兵萬人邀諸路扈爾漢見之令五

百戶結寨山巔以兵百人衛之使人馳告後隊諸貝勒是夕烏拉兵萬人扈爾漢所率兵僅二百人各

據山一面結營相持翼日烏拉以萬人來攻我大將揚古利馳至先眾奮擊斬烏拉兵七人我兵止傷

一人烏拉兵退渡河登山畏懼不敢前兩軍相向駐營日過午我後隊諸貝勒率兵齊至見烏拉兵甚

多褚英代善策馬而前諭軍士曰吾○父每有征伐無不摧堅陷敵今雖未親行而我等奉○命來此

爾眾何憂昔布占泰侵我國我國擒而縛之吾父宥其死復養之歸主其國為時未久人猶是人會

從吾手而釋非有天幸得脫也今豈不能再縛之耶彼兵雖多我國荷○天眷仗○天威吾○父威名夙著破敵兵必也眾軍士皆曰願効力遂渡河褚英代善各率兵五百分二路緣山奮擊烏拉兵大敗代善追及烏拉統兵貝勒博克多從馬上左手攫其胄而斬之時天氣晴明忽陰晦大雪寒冽被傷敵兵棄甲逃者僵仆甚眾是役也陣斬博克多及其子生擒貝勒常住與貝勒瑚哩布斬三千級獲馬五千匹甲三千副師還○太祖賜舒爾哈齊號達爾漢巴圖魯以褚英遇大敵率先擊敗其眾○賜號阿爾哈圖圖們以代善陣斬博克多又與兄並進克敵○賜號固英巴圖魯先是東海窩集部之赫席赫路鄂謨和蘇嚕路佛納赫托克索路並附烏拉○太祖遣人招之降弗從五月○太祖命貝勒巴雅喇大臣額亦都費英東屠爾漢率兵千人往征遂取三路屯寨俘二千人而還戊申年九月窩集部之呼爾哈路千人侵我甯古塔城我駐防薩齊庫路兵百擊敗之斬百人生擒十二人獲馬四百匹甲百副餘眾悉降既而降人有逃至窩集部之瑚葉路者匿弗以獻己酉年十二月○太祖遣屠爾漢率兵千人討之屠爾漢取瑚葉路二千戶而還○太祖嘉其功○賜號達爾漢賚甲胄馬匹時有歸附我國之窩集部綏芬路長圖楞爲窩集部之雅蘭路人所掠庚戌年十一月招降窩集部諸路長時○太祖遣額亦都率兵千人往窩集部之那木都祿路綏芬路甯古塔路尼瑪察路招其路長曰康古哩曰喀克篤哩曰昂古曰明安圖曰烏魯喀曰僧額曰泥喀哩曰瑯松阿曰葉克舒等來歸令其挈家口前行額亦都旋師至雅蘭路遂擊取之收萬餘人而還辛亥年秋七月取烏爾固辰穆稜二路先是窩集部來歸路長僧額尼喀哩二人以○太祖所賜甲四十副置綏芬地爲窩集部之烏爾固辰穆稜二路兵掠

去○太祖遣呼爾哈部長博濟哩

方略曰卽己亥往

二路宣○諭歸還所掠弗從乃○命第七子阿巴

泰同大臣費英東安費揚古率兵千人征烏爾固辰穆稜二路俘千餘人而還冬十一月攻克扎庫塔

城先是東海呼爾哈路扎庫塔人來降○太祖賜之甲三十副其人以所○賜甲送黑龍江濱之窩集

部人被於樹以試射又食烏拉國布疋受其貝勒布占泰招撫至是○太祖遣額亦都何和哩扈爾漢

率兵二千往征扎庫塔城諭降弗從圍三日攻克其城斬千人俘二千人並招降環近路長曰圖勒伸

曰額勒伸令率五百戶來歸癸丑年平烏拉國甲寅年冬十一月征雅蘭錫琳二路先是窩集部之雅

蘭路人掠我所屬之綏芬路長圖楞我師征之有俘獲

係庚戌年事

至是○太祖遣兵五百征窩集部之雅

蘭錫琳二路收降二百戶俘千人而還乙卯年冬十一月征克額赫庫掄先是窩集部東額赫庫掄人

寄語我國之人曰人謂爾國驍勇可來與我等決一戰○太祖遣兵二千至固納喀庫掄招之不服遂

布陣鳴螺越壕三層毀其柵攻克其城陣斬八百人俘獲萬人收撫其居民編戶口五百乃班師天命

二年春二月丙申朔遣兵收海邊部眾時東海沿邊諸部尙多未附○太祖遣兵四百往征凡散處部

眾悉收之其島居負險不服者乘小舟盡取之而還四年正月庚戌○太祖遣大臣穆哈連率兵千人

征東海呼爾哈路六月己未收其丁壯二千以還○駕出城撫之椎牛二十列筵二百來降路長分二

等○賜賚上等者男婦十馬牛各十衣五襲次等者男婦五馬牛各五衣三襲其田廬器物具備馬十

年三月辛未征東海瓦爾喀部諸將曰喀爾達曰富喀納曰塔裕攜降附之眾三百三十人以歸四月

初○太祖命族弟旺善大臣達珠瑚徹爾格統兵一千五百人征東海瓦爾喀部俘獲甚眾是月己卯

○駕出城迎之庚寅至必音地行獵凡四日會于穆瑚覺羅地封牛八祭蠶畢旺善達珠瑚徹爾格率軍士朝謁○太祖問曰爾等所向俱利耶旺善對曰仗○皇上洪福所至皆利因叩首○太祖與三臣行抱見禮以獵獲獸百餘及所攜酒二百甕饗從征士卒及降附戶口還至瀋陽城北岡復以牛羊四十酒四百甕分列四百筵大宴勞之既入城又○賜從征士卒銀各五兩八月丁丑朔勞征克卦勒察軍初○太祖遣大臣雅護喀穆達呢率兵征東海卦勒察部俘獲二千人至是凱旋○駕出城宴勞之十月己卯勞征克呼爾哈軍初○太祖遣第三子阿拜第六子塔拜第九子巴布泰率兵一千由北路征東海呼爾哈部侍衛博爾晉備禦曰倬齊曰扎努曰塞紐克曰衷諾曰通貴曰尼堪率兵二千由南路征東海呼爾哈部博爾晉等招降五百戶先還○駕至津河○御行幄出征諸將率招來頭目朝見○賜宴而還至是阿拜等俘獲一千五百人以歸○駕復出城宴勞之十一年十月丙辰往征東海卦勒察部大臣達珠瑚等以俘獲人口百餘及馬牛百餘還○太宗文皇帝天聰元年十二月長白山迤東濱海呼爾哈部三人來朝以黑貂皮入貢二年五月長白山迤東濱海呼爾哈部頭目曰禮佛塔曰布克善曰喀秀曰克伊克拉來朝各○賜鞍馬緞衣并弓矢囊韃三年秋七月乙未庫爾喀部頭目九人來朝以海豹皮入貢四年五月呼爾哈部二十一人來朝以貂皮入貢十一月那堪泰路之呼爾哈人瑪爾圖等攜家屬來歸○命於甯古塔邊地駐放五年○命大臣蒙阿圖率官八員兵三百人往征瓦爾喀○諭之曰爾等行軍宜嚴紀律毋妄殺毋劫掠歸附之眾皆編爲民戶攜還其所產貂皮及一切諸物毋得纖毫私取若克建功績自加陞賞五年二月甲戌蒙阿圖自甯古塔遣人奏報俘降男子

千二百十九名婦女千二百八十四口幼丁六百三名獲人獲貂狐槍狽等皮及牛馬甚多三月甲午○駕出城十里外拜○天畢○御行幄凱旋主帥蒙阿圖遙拜一次近前復拜行抱兒禮副帥武巴海行禮同○詔獎蒙阿圖武巴海善於用兵出征勞苦設大宴特撤御膳賜之六年冬○命大臣武巴海率兵征烏扎拉部武巴海分八旗兵爲四路並趨渥赫河斬三百三十八人俘五百餘人獲馬三百七十貂狐槍狽獾貉虎狼等皮千餘張裘二十餘領七年正月乙卯凱旋以所俘分○賜將士有差十一月○命大臣吉思哈武巴海率官八員兵三百人征朝鮮接壤之瓦爾喀部○諭之曰爾等勿專以俘獲爲念致降順之人復叛逃而去所俘婦女當擇謹厚人守護若有姦淫事覺從重治罪至將領士卒身欲休息止許弛弓晝寢若昏夜務擐甲上弦不可怠忽其八貝勒家人遇用兵處皆令人伍聽調遣凡所俘獲令各自立營以無父母之子女分給守視爾領兵諸將嚴飭軍士不許任意乘馬馬正行時勿飲以水駐營時須散放滾塵先令食草然後飲以水其甯古塔拉發二處人可分爲三以二分留守一分隨征烏扎拉部落編戶人等亦令隨征有所俘獲任其自取八年五月甲辰吉思哈武巴海還至甯古塔遣人奏捷俘男子五百五十婦女幼稚一千五百獲馬一百九十四牛一百八十三貂狐貉獾槍狽獾黃鼠青鼠灰鼠等裘一百六十三領皮二千二百五十張貉皮褥三級四布一百二十人獲八十斤初八旗每旗分隸牛泉二十五後漸增至三十至是九月甲戌○太宗諭貝勒大臣以吉思哈等俘獲之瓦爾喀人戶不必均隸八旗察明不足旗分撥補十一月使犬部蓋青屯頭目價格率五十人來朝貢貂皮十二月癸卯遣大臣武巴海荆古爾岱率每旗將領一員每牛泉甲兵一名共四百

人往征瓦爾喀○太宗命管兵部貝勒岳託傳○諭曰茲命爾等往征瓦爾喀所至務謹慎從事各副委任不可怠忽聞尼滿地方有千餘人在彼築城屯駐爾等宜往略之至各屯戶多少武巴海盡知可取者量力取之有分達哩所居之屯宜率鄉導往前先取餘可次第略定凡此諸屯非有統帥哨防不過泄泄然散處各村落然其人雖愚耳目頗眾爾等自寧古塔啟行之日即行防範毋令彼知覺伺其所在以智取之所有俘獲當加意守視時其衣食勿令凍餒前遣達珠瑚以疎忽遇害念其効力年久著有勞績方令承襲世職爾等未能如達珠瑚之功儻不自慎欲希格外之恩不可得也夫攻略之後或俘人遁逃或自被戕害皆由與彼同處日久漫無防範以及戮辱其婦女所致前者正紅旗輝滿征瓦爾喀時所為多不義爾等慎勿效尤亦毋以其物力豐足妄行多取彼既服從秋毫無可犯爾等其毋違朕命臣秋滿謹案方略曰

達珠瑚於天聰元年征瓦爾喀為俘卒所害故此大諭旨及之九年正月使大部索瑣科來朝四月武巴海荆古爾岱等自寧古塔遣

鳴爾珠奏報收撫瓦爾喀壯丁五百六十八人婦女五百口幼稚九十口又俘獲婦女六十口馬六十牛百

貂貉狢獾等皮六百六十有奇裘三十八領六月丙戌遣章京日塞紐克日沙努日喀克日徹尼日郎格

日穆爾泰日佟阿圖日昂金等八員率各旗每牛象兵一名往迎所降戶口是月丁酉武巴海荆古爾岱

等攜所招降瓦爾喀部人至○命禮部諸臣出迎大宴之○賜屯長分達哩蟒緞朝服并緞褂其餘諸人

依次分給房屋衣服諸物仍以所獲○賜將士有差敘功陞武巴海荆古爾岱等世職並加世襲二次十

月癸未復發兵征之每旗派官一員每牛象兵五名漢軍二名分八旗為四路兩旗合進一路兩黃旗武

巴海為帥其副日昂金日謨默里日叟塞日鄂屯日伊里布日蒙格率兵二百九十七名進兵之地二日

額赫庫掄曰額勒約索取其地壯丁七百五十人兩紅旗多濟里爲帥其副曰方金曰布爾薩海曰雅

爾堪曰聶努克曰瑚什率兵三百五名進兵之地三日雅蘭曰錫琳曰瑚葉取其地壯丁七百五十七

人兩藍旗扎福尼爲帥其副曰特穆祿曰諾穆齊曰多蘭曰托密善曰塞格率兵二百九十八名進兵

之地二曰阿庫里曰尼滿取其地壯丁四百八十人兩白旗武什塔爲帥其副曰塘糾曰和勒多曰拜

斯哈爾曰瑚新泰曰滿岱曰宜爾海率兵三百三十七名進兵之地二曰諾囉曰阿萬取其地壯丁一

千一十四人仍各攜鄉導人以往出征主帥各授軍律一道其應取壯丁及鄉導人姓名俱載四主帥

軍律中武巴海武什塔軍律內增一款云烏扎拉部

方略曰即天聰六年武巴海征服者

百壯丁家勿得侵擾並往招伊

兄弟塞亨布克沙等之現居寧古塔者啟行之日兵部承政曰徹爾格曰伊遜率出兵大臣進見○太

宗諭曰此番馬匹較前肥壯自京城以至出邊須令緩行休息旣久即可兼程以進四路兵或有脫逃

者同時當記其數爾多濟里所往之地島嶼甚多有可取者造船取之知不可取當識之以爲後圖至

其中有從我國逃去者可遣人往招之諭以昔時爾等逃亡因年歲不登之故今諸蒙古俱傾心內附

爾等宜速來歸如此開諭自當輸誠恐後也○諭畢遂行十年

臣秋濤謹案
即崇德元年

三月庚申武什塔等奏言

八旗將士共俘獲壯丁一千一百六十名婦女一百四十口馬三百三十七牛百八十所獲貂狐狍獾

獐等皮及人襪無算比還○命禮部官迎宴於五里外諭功擢武巴海鄂屯等世職並○賜諸將士人

口馬匹貂皮布疋有差崇德二年正月癸亥○太宗於朝鮮軍營遣外藩科爾沁扎嚕特敖漢奈曼諸

部兵出朝鮮咸鏡道往征瓦爾喀○命蒙古衙門承政尼堪甲喇章京吉思哈牛象章京葉克舒率每

旗甲士十人導之以行道出會宵擊敗朝鮮平壤巡撫兵一千人餘兵悉降五月十九日至烏拉地方
遣還蒙古十六旗兵七月己巳復○命諸將曰喀凱曰塔克珠曰來虎曰舒書曰翁愛曰尼噶禮曰克
布圖曰輝山曰恩古里曰雅薩諸巴曰巴爾噶曰遜綏曰赫德曰珠瑪喇曰綽貝曰塔哈布曰海塞曰
蒙格曰哈什屯曰雅布喀曰棟果爾曰滿都祐曰占楚喀曰音達禮等率兵一千二百分爲四路往征
瓦爾喀兩黃旗一路率阿庫里尼滿地壯丁一百名穆稜地壯丁四十名烏爾固辰地南濟蘭牛袋下
喀克篤哩兄弟等壯丁三十名共一百七十名以先來歸人曰圖必善曰分達哩曰瑪哈達爲鄉導兩
紅旗一路率綏芬壯丁七十名雅蘭壯丁四十名瑚葉壯丁三十名烏爾吉壯兵七十名共二百名以
先來歸人曰圖球曰恰塔曰齊什訥爲鄉導兩藍旗一路率額赫庫掄壯丁六十名額勒以東塞木克
勒以西壯丁五十名共一百十名以先來歸人曰愛韜曰多爾周曰常濟里曰濟布楚爲鄉導兩白旗
一路率諾囉阿萬壯丁三百名以先來歸人曰雅爾布曰佛得密曰封濟達曰蘇布特赫爲鄉導十月
癸亥諸將遣六人奏捷言兩黃旗舒書塔克珠率甲士六十人入烏爾固辰所獲曰塞約曰愛塔哈曰
佛珠曰武克星額曰塔克圖男子三十名家口八十馬七十有三兩紅旗恩古里克布圖率甲士六十
人入綏芬所獲曰剛球曰畢爾哈木曰巴爾珠男子二十八人家口六十五兩白旗哈什屯滿都祐至
所入汎地所獲曰吉木善曰伊訥肯曰索畢伯得根曰哈里瑚曰阿爾珠曰克木訥曰畢爾珠男子一
百二十人家口三百二十馬八十有三並獲貂狐猓獾水獺等皮張甚多於次年四月師還○賜新
獲瓦爾喀男婦幼稚等衣服居室器用牲畜等物并○賞喀凱等從征兵丁銀兩有差十二月○太宗

率諸王貝勒等西獵於大草灘及卓索圖爾格尼等處○命葉克舒爲右翼大臣星訥爲左翼大臣與其下曰阿福尼曰赫葉訥曰瑪喇希曰喀木齊哈曰喀爾喀瑪曰鄂謨克圖曰薩哈納曰穆成額曰叟塞曰阿林曰巴雅爾圖曰塞赫曰哈喇勒岱曰訥爾特曰穆圖曰希福等率兵六百往征卦勒察部葉克舒星訥等師至薩哈勒察俘獲男子六百四十名家口一千七百二十名馬一百五十六匹牛一百有四頭三年四月○盛京留守諸王遣兵部啟心郎占巴等齋疏以○聞遣禮部承政庫魯克達爾漢阿賴祝世昌姜新等迎宴之尋以所獲薩哈勒察等衣服○賜兩翼大臣并○賞從征將士銀兩有差四年七月先是東方瓦爾喀部衆叛入熊島至是○太宗命朝鮮國王李倬以舟師攻熊島擒其首嘉哈禪等縛送○盛京將同謀叛逃之人分別議罪仍遣四將曰薩爾糾曰英古曰納爾泰曰錫圖等率兵百人往瓦爾喀收其餘黨○諭曰爾等可於拉發地方牧馬前進兵少宜合爲一隊以行勿貪得輕殺勿妄取爲俘抗拒者諭降之殺傷我兵者誅戮之歸附之人編爲戶口令貢海豹皮諭以棄惡從善勉爲良民軍行往返勿侵擾朝鮮境地薩爾糾英古等遂攜嘉哈禪同往收捕餘黨五百人五年閏正月甲申○命戶部行文朝鮮國王令所在官員計口給糧俟我軍回時報明數目於額貢鳳凰城米內開除奏報並○敕諭薩爾糾英古等曰爾等所率軍士及收獲人口並嘉哈禪等所需口糧已諭令朝鮮計口給予勿令多索至所獲人口內有強暴不可信者約束前來餘俱仍留彼處擇其中可任使者一人統之如無可任使之人卽付與先降之嘉哈禪賴達庫分管二月丙辰○太宗遣多濟里喀珠等率八旗甲士八人嚮導四人往宵古塔會同章京曰鍾果兌曰達敏等酌帶兵三四百名往征烏扎拉

部○諭曰爾等此行或由水路或由陸路往返宜速務以兵扼其重地若得其地將遲誤貢獻及欺誑之人執之以歸凡事公議而行毋得怠忽五月甲辰戶部啟心郎布丹等自○盛京至錦州○御營奏薩爾科等征瓦爾喀部俘獲男子三百三十六人歸降男子一百四十九人內有捕海豹二百四十三人捕貂鼠一百九十八人仍居彼地攜來者四十四人俘獲家屬七百九十六口歸降家屬四百八十一口攜來者八十三口又來朝者曰羌都曰蘇拉庫曰塞木得三人輝克地方朱吉喇一人及先降之賴達庫與嘉哈禪之子曰奇喇納曰艾都曰達松阿曰託和訥俱至尋以所獲壯丁四十二人充補各旗披甲之缺額者其歸降一百四十九人及新獲二百九十二人俱留置鄆朱屯中令每年貢貂皮海利等物時多濟里等至烏扎拉俘獲百有十人於六月癸酉師還○命於五里外迎宴之以烏扎拉壯丁四十三人補各旗披甲之缺額者○賜多濟里喀珠鍾果兌等各貂皮五十布三十其從征將士各論功分○賞貂皮布疋有差七年九月○太宗命二將曰沙爾琥達曰珠瑪喇率將士往征松阿里江之呼爾哈部閏十一月沙爾琥達等遣人還奏喀爾喀木屯遮克特庫屯塔圖庫屯福提希屯鄂爾琿屯翰齊奇屯庫巴察拉屯額提奇屯薩里屯尼葉爾伯屯十屯人民俱已招降於月之初十日自松阿里江旋師八年正月辛亥師還○命禮部官迎宴入城計獲男婦幼稚一千六百十九人牲畜六百三十有奇○命給新獲男婦衣服房屋及所用器皿分補各旗人丁缺額者敘功○賜沙爾琥達珠瑪喇等各緞布有差自是東海諸部悉隸版圖順治十年始於甯古塔設昂邦章京副都統以鎮守之康熙元年改昂邦章京爲鎮守甯古塔等處將軍十五年移將軍駐吉林烏拉留副都統鎮守甯古塔三十

年設白都訥副都統雍正元年設甯古塔值年御史一年而更三年設阿勒楚喀協領一員四年於吉

林設永吉州於甯古塔設泰甯縣於白都訥設長甯縣俱隸奉天府七年罷泰甯縣設三姓副都統乾

隆元年罷長甯縣併歸永吉州九年設拉林副都統十二年罷永吉州改設吉林理事同知二十一年

設阿勒楚喀副都統二十二年改甯古塔將軍為吉林將軍自是始稱吉林省三十四年罷拉林副都

統此設官莅治之大略也按東三省駐防兵有老滿洲有新滿洲猶史言生女真熟女真也○國初收

服諸部往往遷其家屬於○盛京選其壯丁入旗披甲故凡種人之能成數佐領數十佐領者咸歸於

滿洲若瓦爾喀若呼爾哈若葉赫若輝發若烏拉若哈達今皆無此名目蓋已歸入滿洲故也其順治

康熙年間續有招撫壯丁願遷內地編佐領隸旗籍者則以新滿洲名之○國語所謂伊徹滿洲也至

東北邊部落來甯古塔納貢者或謂之伊徹滿洲或仍其部落之名每年四月至六月以次入貢自甯

古塔東北行四百餘里居呼爾哈河松花江兩岸者曰諾雷臣秋滿謹案一作開雷一作挈耶勒天聰五年朝貢曰克宜克勒秋

滿謹案一作革依克勒一作臣秋滿謹案一作挈耶勒天聰五年朝貢曰克宜克勒秋克益克勒崇德二年朝貢

曰祐什哈哩臣秋滿謹案一作挈耶勒天聰五年朝貢此三喀喇臣秋滿謹案喀喇屬久其頭目壯丁漸移家內地編甲入戶有服官於○京師者初以魚皮為衣後被○德化冠服修飾

柳邊紀略曰俗稱窩臣秋滿謹案伊徹一作伊車皆稱伊徹滿洲一作伊車其地產貂三姓城即因三喀喇為名也自甯

稽達子即窩集部一作伊車古塔東行千餘里居烏蘇里江兩岸者曰木掄臣秋滿謹案一作木輪一作木倫俗類窩集產貂又東

二百餘里居尼滿柳邊紀略河源者曰奇雅喀喇會典圖作奇雅喀喇其人黥面地產貂無五穀夏

食魚冬食獸以其皮為衣自甯古塔東北行千五百里居混同江黑龍江兩岸者曰赫哲喀喇臣秋滿

從滿洲源流考柳邊紀略作剃髮黑
金喀喇通志作赫錦喀喇一作赫真

俗類窩集產貂以上皆每年入貢又東北行四五百里居烏蘇里
江混同江黑龍江三江匯流左右者曰額登喀喇

臣秋濤謹案此從通志柳邊紀略作不剃髮黑
金喀喇滿洲源流考亦曰赫哲喀喇一作赫真其人

披髮鼻端貫金環衣魚獸皮陸行乘舟或以舟行冰上駕以犬
立舟上若水行攔頭者然所謂使大國

也其語與窩集異無文字筆墨裂革以記事知古之結繩然地產貂
通志曰自甯古塔水路至其
部東北界共四千五百餘里又東

北行七八百里曰飛牙喀臣秋濤謹案
一作費雅喀俗與額登喀喇同而赤股無禡以皮蔽其前自甯古塔東北行

三千里曰奇勒爾臣秋濤謹案
一作欺勒爾濱大東海俗產與奇雅喀喇同以上各部皆三年一貢

柳邊紀略曰凡
歲貢者除○賜
衣冠什器之外宴一次固山達以下陪宴二
年一貢者宴三次甯古塔梅勒章京陪宴又有使鹿鄂倫春使馬鄂倫春二部

臣秋濤謹案鄂倫春
一作俄倫春一作鄂
樂春皆在混同江北岸使鹿部在使馬部之外使馬鄂倫春距
齊齊哈爾城五六百里使鹿鄂倫春距齊齊哈爾城千餘里又有遠在海中不能至甯古塔之庫葉

一部每年六月遣官至距甯古塔三千里之普祿鄉收貢頒賜

魏源曰又有不編佐領之使鹿部曰奇
勒爾曰費雅喀與海中之庫頁島皆更
在鄂倫春之外每歲不能以時至甯古塔則以六月期集於三千里外之普祿鄉而章京舟行如期往
受之斯則不惟非滿洲亦非索倫等部幾同土番羈縻矣臣秋濤謹案庫葉島所居凡三種曰庫葉曰
費雅喀曰鄂倫春所居既遠自與海以內各部習俗稍別紀載未能
詳也普祿鄉當即普隆靄噶珊亦作蒲蘆噶山在庫葉島之西偏凡此諸部皆滿洲所屬故會典不

列於理藩院然赫哲費雅喀來京娶婦則禮部光祿寺供筵燕○盛京工部供薪藁略如蒙古儀蓋皆

遵用○國初撫循東海諸部舊典也異域錄載俄羅斯伊聶謝柏與有一種人乘鹿者呼鹿曰俄倫此

可見俄倫春命名即以鹿之故而東北濱大拉該海諸地壤接俄羅斯習俗大略相同康熙初年羅

剌犯境自牛滿河東抵恆滾侵擾赫哲奇勒爾等部又有自北海來之羅剌與費雅喀人戰又脅取鄂

倫春部質子勢甚蔓延我○聖祖仁皇帝神武布昭勦撫並施始臻平定二百年來東海諸部共樂昇

平定二百年來東海諸部共樂昇

平以自古荒遠不聞之地遠至邇安億兆蒙福如此○聖德○神功復乎莫並矣

朔方備乘卷一

東海諸部內屬述略

拔貢張惇德初校
知縣吳壽坤覆校

予既自去冬不暇文影重王應文謝六家書成具○是書○備載數事其詳

朔方備乘卷第二

聖武述略二

索倫諸部內屬述略敘○臣秋濤謹案黑龍江為東三省之一其地居人不盡索倫也有滿洲有漢軍則徙自吉林有巴爾呼一作巴爾虎有鄂勒特即額魯特則歸自蒙古有達呼爾有俄倫春有畢喇爾則其

同鄉而別為部落者世於黑龍江人不問部族概稱索倫而黑龍江人居之不疑亦雅喜以索倫自號

說者謂索倫驍勇聞天下故藉其名以自壯茲記黑龍江諸部事蹟以索倫冠之職是故也我○太祖

高皇帝開國之初多用兵於○盛京吉林之境然尼堪外蘭築城鄂勒歡實今齊齊哈爾之地蓋遁居

僻遠思道天誅而○聖皇親御桴鼓即日蕩平征討及於龍江實自茲始厥後○命帥奏功則有若黑

龍江之薩哈連呼爾哈等部薩哈連即黑龍江之別名呼爾哈即布特哈之音轉與東海之呼爾哈部族同而地域異也

及○太宗文皇帝續緒詰戎屢征索倫並取雅克薩鐸陳諸城於是諸部畏○威懷○德來享來王幅

員有截式廓日增誠亘古未有之盛事也自索倫諸部既平而俄羅斯國亦以是時略地而東遂於順

治年間竊據雅克薩地侵擾索倫等部垂四十年賴我○聖祖仁皇帝廟謀先定築城運糧屢奏克捷

察罕汗上書請和立石定界索倫諸部遂得並臻清謐而黑龍江之建為省會肇基於此敬述原委於

以見○列聖謨烈萬世永賴云

索倫諸部內屬述略○索倫諸部者黑龍江省土著之民也黑龍江省以水為名地在吉林之北東西三

千餘里南北四千里後魏時為黑水部屬勿吉唐曰黑水靺鞨跨江分南北部黑水部之北為思慕靺鞨

郡利鞞窟說鞞鞞近西北者為室韋部唐會要言思慕等部南與渤海德里府接東至大海北至小

海今考黑龍江極北有小海即泰西人所謂大拉該海也北史所云于已尼大水即北海者當即指此

其地溟渤遠環興安層抱重江疊嶂控扼諸藩雖遼金之盛亦止統轄其南境至其北境則歷代皆羈

縻之地不能列入版圖也○國初時有薩哈連部臣秋濤謹案薩哈連部雖屬東海然其地實在黑龍

江地皆類載於此卦爾察部薩哈勒察部呼爾哈部索倫部又有音達理塔庫喇路諾囉路錫拉忻

路皆附近薩哈連部者又有博和里屯諾爾噶勒屯都里屯小噶里達蘇屯大噶里達蘇屯綽庫禪屯

能吉勒屯皆呼爾哈部之別也又有瑚爾布爾屯臣秋濤謹案一作扈爾布爾沃呀屯臣秋濤謹案烏魯蘇屯塞布

奇屯臣秋濤謹案一作色布奇郭博爾屯臣秋濤謹案一作果博爾額蘇哩屯阿里岱屯臣秋濤謹案克音屯臣秋濤謹案海倫

屯裕根屯固濃屯昆都倫屯烏蘭屯皆濱黑龍江又有多科屯噶勒達遜屯穆丹屯臣秋濤謹案一作納木丹都

孫屯臣秋濤謹案一作尼都遜烏爾堪屯臣秋濤謹案德篤勒屯臣秋濤謹案鐸陳城阿薩津城雅克薩城多金城

及博木博果爾暨使鹿之喀木尼堪部皆索倫部之別也我○太祖高皇帝於癸未年征尼堪外蘭克

圖倫城尼堪外蘭遁於嘉班越兩月○太祖復率兵征嘉班尼堪外蘭攜其子及兄弟數人逃於鄂勒

歡地築城居之鄂勒歡臣秋濤謹案一作鄂勒暉在齊齊哈爾城西南三十餘里周二里許丙戌年秋七月○太祖

率師往征鄂勒歡克其城尼堪外蘭遁入明邊境旋伏誅此我○朝用兵黑龍江地之始天命元年七

月丁亥○太祖遣大臣安費揚古扈爾漢率兵二千征東海薩哈連部二臣行至烏勒簡河剝舟二百

水陸並進取沿河南北三十六寨八月丁巳駐營黑龍江南岸江水常以九月始冰是日眾見他處未

冰獨我營近地距對岸二里許結冰如橋約廣六十步皆以爲異安費揚古扈爾漢曰觀此冰橋○天佑我國也遂引兵以渡取薩哈連部十一寨及兵還舊所過冰橋已解其西偏復如前結冰一道我兵旣渡冰盡解後至九月仍應時而冰遂又招服音達琿塔庫喇路方略曰即諾囉路錫喇忻路師於使大路九月甲午凱旋三年二月音達琿塔庫喇諾錫喇忻三路路長四十人率百餘戶來歸○太祖命以餼糧及馬百匹迎之授官有差各給與奴僕牛馬田廬衣服器用無妻者並令婚配十一月乙亥東海呼爾哈路長納喀達率百戶來歸○太祖遣二百人迎之○御殿受朝設宴○諭令挈家口願留我國者爲一行未攜家口而願歸者爲一行分別聚立○賜願留者爲首八人各男婦二十口馬十匹牛十頭錦裘蟒服并四時之衣田廬器用諸物畢具部衆大悅其願歸之人感激乞留甚衆乃因還家者寄語曰他國之軍士欲攻伐以殺我等俘掠我家產而○上以招徠安集爲念收我等爲羽翼○思出望外我鄉兄弟諸人其卽相率而來無晚也十一年十二月黑龍江二十六人來朝貢犬及黑白紅三色狐皮黑貂捨狝獾水獺青鼠等皮○太宗文皇帝天聰五年六月黑龍江有五頭目曰伊扎納曰薩克提曰伽期納曰鄂哩喀曰康柱來朝七月諾囉路呼爾哈部頭目曰薩達蘭曰伊扣曰扎濟喇曰瓦爾禪四人來朝貢貂捨狝獾水獺皮又有頭目額克星格攜家來歸又黑龍江濱呼爾哈部四頭目曰託思科曰羌圖禮曰恰克謨曰察球亦皆來朝俱貢貂狐捨狝等皮七年十一月丙申薩哈勒察部頭目曰費揚古曰滿岱率四十六人獻貂皮一千七百六十九張青布二千六百三十三匹朝見畢宴之○賜鞍馬囊韃蟒衣帽靴銀器緞布等物有差八年時有呼爾哈所屬之黑龍江濱頭目曰羌圖禮曰

瑪爾罕率六姓六十七人來朝貢貂皮六百六十八張○太宗以羌圖禮等自歸附以來貢獻不絕宴之○賜鞍馬緞布有差○諭之曰呼爾哈慢不朝貢將發大兵往征爾等勿與往來以致誤殺此次出師不似從前兵少必集大眾以行爾等如有舊相識者欲見之不爾禁也五月丙戌朔黑龍江濱索倫部頭目巴爾達齊率四十人來朝以貂皮一千八百一十八張入貢丙申○命大臣阿什達爾漢伊拜往科爾沁調兵隨征大軍西發之次日渡遼河抵陽什穆河沿河立二十營伊拜從科爾沁至奏言噶勒珠塞特爾方略曰科爾沁貝勒額爾濟格之子海賴句布延岱句白固類句塞布類等託言往取北方索倫部財賦自給各率部眾叛去科爾沁土謝圖濟農扎薩克圖杜稜句秉圖貝勒句卓哩克圖貝勒句已率兵往追之矣○太宗遣戶部承政英固爾岱文館舉人敦多惠回○盛京傳○諭留守貝勒曰可亟令索倫部來朝頭目巴爾達齊速還國恐致噶勒珠塞特爾等襲取其地宜善言訓諭而遣之又○命巴克什希福同伊拜往科爾沁傳○諭曰法律所載叛者必誅爾科爾沁貝勒若獲噶勒珠塞特爾等欲誅則誅之不誅欲以其人民爲奴者聽六月乙亥希福還奏土謝圖濟農等已追殺噶勒珠塞特爾等五人盡收其戶口冬十月壬辰索倫部巴爾達齊又與同部日景古齊曰哈拜曰孔恪泰曰烏都漢曰訥赫徹特白曰哈爾塔等率三十五人來朝以貂狐皮入貢十二月壬辰○太宗命大臣巴奇蘭薩木什喀分左右翼率官四十一員兵二千五百名往征黑龍江地方○諭之曰爾等此行道路遙遠務奮力直前毋怠毋忽至俘獲之人須善言撫慰飲食甘苦一體共之則人心歸附必衆且此地人民語言與我同攜之而來可以爲我用攻略時宜諭之曰爾之先世本皆我一國之人載籍具在爾尙未之知是以甘

於自外我皇上久欲收服時有未暇耳如此諭之有不翻然來歸者乎爾等其勉體朕意○諭畢○賜食又○諭曰入喀之後或奏捷或送俘必由錫伯特爾門方略曰科爾沁所屬地地方經過將來遣使往還及

運送軍糧亦必於此處相待其應略地方須問鄉導人有夏姓烏音屯長喀拜及從役二人庫魯木圖

屯長都爾敦及從役二人方略曰本月喀拜都爾敦等率從者六十九人來朝貢貂皮又納屯一人適已借至今俱令從軍爾等率

之往經行道路詢彼自知若彼處已經略定此歸附三屯不可稍有侵擾宜令留於本處並諭以因爾

等輸誠來歸故使復還故土嗣後宜益加恭順償往來稍間必謹責立至矣若所略不獲如願則不必

留此三屯當盡攜來凡器用之屬有資軍實者無使遺棄軍還務使結隊而行不可分散又○召屯長

喀拜都爾敦等及其從人進宮○賜食既出○命沙爾琥達穆成額傳諭喀拜等令其引我軍前行凡

各屯寨善為指示復○命貝勒薩哈璘杜度大臣納穆泰額駙達爾漢兵部承政伊遜徹爾格並參政

等官送於二里外按旗分列簡士卒閱器械宣讀○敕諭給諸將各一道遂令起行九年三月丁巳○

特遣甲喇章京瑚什布率每旗二人往迎之四月癸巳巴奇蘭薩木什喀令兵部啟心郎二人曰額色

赫曰伊木布奏報收服呼爾哈編戶壯丁二千四百八十有三人口七千三百有二馬八百五十有六

牛五百四十有三駝八辛丑○詔貝勒阿巴泰率眾官迎凱旋將士於蒲河之岡大宴之五月乙卯巴

奇蘭以所招降頭目人等至○太宗御殿凱旋諸臣率眾朝見○太宗以諸臣出師勤勞○命主將巴

奇蘭薩木什喀二臣行抱見禮巴奇蘭薩木什喀出班叩頭抱○上膝見次招降二千人叩見次索倫

部長巴爾達齊等方略曰四月壬寅黑龍江索倫部長巴爾達齊率二十二二人來朝貢貂獺皮叩見○命招降軍士俱較射設大宴○召巴

奇蘭薩木什喀以金卮酌酒○親賜之次飲各旗出征署旗務大臣次飲以下諸臣並招降頭目宴畢

○上回宮陞巴奇蘭薩木什喀等世職加世襲二次隨征之吉思哈等三十六員各陞世職一級翼日

巴奇蘭等籍俘獲人口一百十六名馬二十有四牛十有七貂狐狍獾水獺等皮共三千一百五十

皮盜十五領以○聞○太宗念將士勞苦即分賜右翼五旗主帥巴奇蘭左翼五旗主帥薩木什喀其

章京以下各賞賚有差招降之七千三百人俱○賜房屋田地衣食器皿等物九年九月○諭出征諸

貝勒曰又黑龍江貢貂者塞布奇屯十六人噶勒達蘇屯四人郭博爾屯二人額蘇哩屯二十四人阿

里岱屯八人克音屯四人烏魯蘇屯二人此皆舊往還之人又新至者海倫屯二人裕爾根屯固濃屯

昆都倫屯烏蘭屯各一人又索倫部內先至者四人其因馬疲留於科爾沁地方者兩起共六十七人

皆革心向化不似先時執拗矣十年臣秋濤謹案是年即崇德元年也○太宗命阿賴達爾漢率外藩蒙古諸貝勒兵

往追茂明安部下逃人至使鹿部喀木尼堪地方招集葉雷舍爾特庫巴古奈土古奈等及其從役家

口來獻俱○賜官服藥鞭等物有差葉雷等旋往盜科爾沁部占巴拉方略曰天聰八年秋七月與其弟塞爾固楞率兵來朝部

下馬八百匹及乘圖王方略曰即洪果爾部下馬四十五匹而逃是時乘圖王及伊勒都齊貝勒方略曰即伊棟果爾

爾登方略曰即布木巴哈坦巴圖魯方略曰即固穆二人皆郭爾羅斯部長等所屬有四五家散處及出外採捕約五十人皆被

殺乘圖王部下十七人追及之逃人還擊殺三人又奪馬十七匹而去經○與京守將奏○聞○命下

甲喇章京錫特庫執信牌往甯古塔會同守將武巴海率甯古塔兵追之又遣正黃旗牛錄章京噶爾

糾執信牌率卦勒察兵沿烏拉地方追緝又遣蒙古衙門撥什庫博羅執信牌往科爾沁部令土謝圖

親王巴達哩卓哩克圖親王武克善發兵躡追兼令防失牲畜錫特庫等率二十二入躡逃入蹤跡自多爾博庫地方行至烏拉駐防邊城武巴海率四十五人來會時科爾沁部土謝圖親王下鄂爾多木

卓哩克圖親王下託和泰奉○命率兵二百往尼喀善城駐防聞信即簡甲士四十人往追占巴拉之

弟塞爾固楞貝勒亦率所部兵橫截追之鄂爾多木追至博木博果爾地方臣秋濤謹案博木博果爾乃黑龍江頭目行月

餘會遇武巴海錫特庫同行途次見天鵝三鄂爾多木射中其一帶箭而飛遂取忽不見乃見逃人營

中遺火遂星夜馳往至溫多地方圍之諭降不從因攻殺九十四人生擒八十七人獲馬五十六匹問

葉雷安在葉雷殺鹿為食攜妻子遁去矣錫特庫武巴海即率兵前進葉雷聞知乃殺其妻子遁入山

中我兵追至與葉雷縱矢交射忽有白狐躍起觸葉雷弓而馳因射殺葉雷有葉雷兄弟率四十人攜

妻子欲歸我國途遇葉雷留之亦被殺五月癸未奏○聞錫特庫等凡七閱月始還○太宗命管旗大

臣出城五里迎宴之臣秋濤謹案崇德四年○諭曰葉雷復逃錫特庫追至北海斬之閏七月始還知

年五月阿賴達爾漢追毛明安部下逃人至使鹿部喀木尼漢地方獲男女二十九來獻至今未通朝

貢無由見其國人但聞其駕車耕田使鹿若使牛馬而已又異域錄云自厄爾庫城至伊聶謝相與地

方其間水程三千餘里沿途河岸寬闊之處間有田畝俄羅斯與布喇特及索倫人等雜處又曰伊聶

謝柏與俄羅斯呼索倫為喀穆尼漢又呼為通古斯俱畜鹿以供乘馭載其鹿灰白色形似驢騾有

角名曰俄倫所謂喀穆尼漢即喀木尼堪也據此則喀穆尼堪即索倫別部無疑今其地屬俄羅斯考

總記言俄羅斯於崇德四年始得白哈兒湖附近之地則當崇德元年尙未屬俄羅斯也由此北行數
月直抵北海按之方崇德二年二月黑龍江地方額蘇里屯內鄂倫扎爾固齊克訥布魯達爾漢率九
人至奏言額蘇里屯東約計六日程有從未通我國者三十九屯今欲來貢不知進貢禮儀特遣人來
求我等同○皇上使臣一人至彼即備方物隨使入貢並藉其所貢貂狐等皮數目以○聞閏四月黑

龍江索倫部博木博果爾等來朝貢貂皮等物六月辛丑敘遠追喀木尼堪部逃人功擢武巴海錫特庫噶爾糾世職加○賜衣服馬匹奴僕莊田○賜鄂爾多木號卓哩克圖庫魯克達爾漢子孫世職其隨征將士並○賞銀兩衣服有差冬十月丙午黑龍江巴爾達齊率五十七人朝貢又精格里河琿春屯內扈育布祿初未入貢至是亦來朝貢貂皮俱令禮部迎宴之○賜扈育布祿及其從人蟒緞朝衣冠帶囊韃弓矢鞍轡等物有差十二月己丑朔○賜朝貢諸外藩宴時黑龍江諸部至者曰黑龍江薩哈連方略曰額駙巴爾達齊之弟曰瑚爾布爾屯費揚古曰沃喀屯武第堪曰烏魯蘇屯莽古珠等五十一人曰索倫部博木博果爾透特等九人曰呼什哈禮氏納木達哩等十人曰巴雅喇氏滿第特喀下二人曰布克圖禮等五人曰賴達庫等四人均以貢貂朝見○太宗御崇政殿賜宴○命七家以次宴之○賜綠緞銀兩衣服鞍馬等物有差三年十月黑龍江索倫部博木博果爾等來朝貢貂皮既而叛去四年十一月辛酉遣諸將曰索海曰薩木什喀曰穆成額曰葉克舒曰永順曰拜曰伊遜曰羅奇等率官兵征之○命貝勒多鐸額駙英固爾岱傳○諭曰爾等所經屯內有已歸順納貢之屯又有博木博果爾取米之屯毋誤行侵擾行軍之際勿忘紀律新附之人令該管大臣以下各官查核其有兄弟及殷實者方令從征爾等亦應詳驗之左翼軍薩木什喀領之副以伊遜右翼軍索海領之副以葉克舒兩翼軍分行則聽該翼將令同行則聽兩翼將令凡事俱公議行之五年三月己丑索海等遣章京二人曰法譚曰宜爾格得奏言臣等至呼瑪爾河分兵各旗派定地方攻取因道遠定期四十日至廂藍旗所派烏蘭海倫屯乃令承政伊遜率每旗官一員每牛彘兵二人往拉里闐地方伊遜等既行有四木城曰

鐸陳曰阿薩津曰雅克薩曰多金四城之人抗拒不降令右翼將領葉克舒拜阿哈尼堪譚布藍拜武
巴海率每旗官二員每牛象下有俘獲之兵丁二人無俘獲之兵丁三人助之遂克雅克薩城當攻城
時綏赫德所守汛地先舉火焚燒城南關廟八旗將領各率兵二十人前進和託率轟先入珠瑪喇繼
之俱以火攻克之有四人曰達爾布尼曰阿恰勒都瑚曰伯庫都曰漢必爾岱四人聚七屯之人於烏
庫爾城薩木什喀伊遜穆成額拜令眾軍乘旦攻之日暮克之至鐸陳城力攻一日次日聞各路報博
木博果爾以兵來援恐傷我軍遂還烏魯蘇屯之索倫鄂爾吞奇勒里精奇哩烏拉布丁屯以東烏木
內克巴哈納以西黑龍江額爾圖屯以東阿里圍以西兩烏拉兵共六千來襲正藍旗後隊索海以兵
設伏薩木什喀護輜重殿後二人率眾掩擊斬殺甚眾生擒四百人博木博果爾既敗遂攻取其營正
白正紅鑲黃三旗相繼馳入博木博果爾及餘眾二百俱遁薩弼圖卓布泰武班宜爾格得率眾九十
人往助薩木什喀鐸陳阿薩津二城人以兵四百阻截我軍擊敗之斬五十人薩木什喀令伊遜率章
京五員兵一百三十於鐸陳設伏斬七人又遣阿哈尼堪巴山耶圖薩祿等往攻卦喇勒屯屯內人來
詣索海言屯內有索倫兵五百索海喀喀木幹都等率兵往攻奪柵而入斬二百人生擒一百三十人
據額駙巴爾達齊於三月十八日來會云惟我多科屯人未曾附逆其小烏拉各處兵皆往助博木博
果爾及大兵所向克捷於是七屯之人曰郭博勒屯之溫布特曰博和哩屯之額爾噴曰噶勒達遜屯
之科奇納曰穆丹屯之諾奇尼曰都孫屯之奇魯特曰烏爾堪屯之博卓戶曰德篤勒屯之科約布魯
俱已歸附巴爾達齊別屯雖現在逃竄不久終必來歸也并藉所獲人口皮張等細數以○聞癸巳○

太宗命每旗官一員率兵往迎出征索倫大軍○諭之曰爾等此行如能過錫伯地方至克勒朱爾根處相會可謂神速矣會後由哈爾必雅勒回軍沿途宜加意防護入境時須從法庫門入不可由葉赫行以伊等習知路徑恐再至逃亡也兵丁早晚放馬務令解鞍休息尤須官為察看勿用外藩蒙古驛馬供應乙巳薩木什喀索海復遣二人曰當習日郭查奏言前次俘獲人口二千二百五十有四後自額蘇哩屯以西額爾圖屯以東又獲九百人共計男婦大小六千九百五十有奇馬四百二十有四牛七百有四又先後獲貂獬狢狐狼青鼠水獺等皮五千四百裘二十領四月乙亥凱旋○命禮部承政滿達爾漢及安平貝勒杜度饒餘貝勒阿巴泰等先後迎宴將至○盛京○太宗復率親王以下大臣迎至實勝寺北館祭纛行禮宴勞之敘功分別加授世職○賜領翼主將索海及穆成額各貂皮七十七人口四葉克舒永順拜譚布藍拜等各貂皮四十七人口三其從征軍士按功分○賞貂皮人口並以所獲男婦五千六百七十有三人分隸八旗編為牛衆○賞給衣服布疋復令較射分別等第一等視甲喇章京二等視牛衆章京三等視半個牛衆各照等第賜朝服袍褂等物臣秋濤謹案通志言俄羅斯於崇德四年據雅克薩俞正燮俄羅斯事輯諸書皆沿之今考○開國方略記此五月戊戌分編來降索倫戶口初事知是年據雅克薩者乃索倫非俄羅斯也觀此可知通志之誤

薩木什喀等征索倫部時未降者三百三十七戶共壯丁四百八十一人至是來降○太宗命理藩院參政尼堪率八旗護軍將士攜蟒緞素緞梭布往迎之○諭之曰爾等可令索倫來歸之衆同郭爾羅斯部衆於烏庫瑪勒格稜額呼蘇昂阿察喀地方駐劄耕種任其擇便遷移視其中有能約束衆人堪為首領者授為牛衆章京分編牛衆爾等將攜去緞布以次給賞之尼堪等遵○諭給賞分編八牛衆

乃還六年春正月壬辰錫特庫等自索倫部擒獲博木博果爾凱還先是五年三月索倫部博木博果爾敗而遁走七月丙午○太宗命錫特庫濟什哈率護軍並徵兵外藩往征之○命內大臣巴圖魯詹理藩院參政尼堪等○諭外藩蒙古曰敖漢奈曼烏拉特阿魯科爾沁四子等部從征將士俱彙集扎嚕特部內齊地悉令較射選壯勇者二百四十名令錫特庫將之以行以伊爾鞏固圖哈納綽隆爲嚮導其從役駝馬甲冑器械糗糧俱細加檢閱毋忽十二月庚申錫特庫等遣三人曰歸亨岱曰青蒙格圖曰艾達漢邁圖以擒獲博木博果爾報次日○太宗遣貝子洛託齋○敕往錦州○諭鄭親王濟爾哈朗等曰博木博果爾自叛後抗拒我軍彼時朕已定計欲令其北遁以便擒獲故揚言我軍將於黑龍江牧馬必擒博木博果爾彼聞此言果北遁朕已知之未及與爾等共議卽令錫特庫濟什哈率外藩蒙古兵從蒙古北邊追躡錫特庫等越兩月十三日至甘地獲其弟及家屬又閱十四日至齊洛台地方遂獲博木博果爾及其家屬男婦幼稚共九百五十六人馬牛八百四十有四特諭知之至是凱旋遣官迎宴於北驛館次日○召錫特庫濟什哈及從征之護軍四十人外藩台吉等三十三人○賜宴仍○命諸王貝勒各宴一次擢錫特庫世職一等三月庚戌○命護軍統領阿爾津哈宵阿等率將士往征黑龍江之呼爾哈部所向克捷攻克三處日博和哩日諾爾噶勒日都里又招降四處日小噶爾達蘇日大噶爾達蘇日綽庫禪日能吉勒並籍俘獲戶口數目自軍中奏報五月己丑迎宴索倫歸降部眾索倫部蒙塞爾瓦岱之子巴爾達齊於是月丁亥率其戶下二百四人來降越二日己丑又有索倫部一千四百七十一人來降俱○命迎至北驛館宴之七月戊戌征黑龍江呼爾哈之師凱還○

命將歸順男子一千四十九人披丁披甲編補各旗缺額者其餘俘獲分○賜出征將領○賜阿爾津哈甯阿等貂皮銀兩其從行軍士廝卒及陣亡被傷者分別○賞給銀兩有差八年十一月○命梅勒章京鄂羅塞臣巴都哩往征黑龍江呼爾哈部順治元年正月又○命甲喇章京沙爾琥達征之五月鄂羅塞臣沙爾琥達等凱旋參政明安達禮往迎宴勞之以所獲人口分隸八旗其餘○賞給出征將士於是黑龍江全境索倫諸部皆稱臣妾奉正朔我疆我理盡東北海矣至順治初年俄羅斯所屬之羅刹始吞併尼布楚地又東竊據雅克薩築城以居索倫達呼爾諸部皆被其侵掠由是索倫達呼爾南徙於嫩江之濱當是時尚未分設黑龍江省所部軍務皆屬甯古塔章京統轄順治五年羅刹之伍朗格里自拔來歸九年甯古塔章京海色擊羅刹於烏扎拉村失利十一年大臣明安達禮統兵征羅刹敗敵於黑龍江十二年明安達禮進兵至呼瑪兒攻其城頗有斬獲旋以餉匱班師十四年甯古塔章京沙爾瑚達破羅刹於尙堅烏黑之地十五年又彼之於松花庫爾翰兩江之間十六年沙爾瑚達卒以其子巴海爲甯古塔將軍討羅刹十七年巴海大破羅刹於古法壇村十八年設船廠於吉林○命昂邦章京薩兒吳代監造船艦將以水師征羅刹也康熙四年羅刹入索倫部取貂皮淫婦女將軍巴海襲而殲之七年羅刹宜番等自拔來歸八年秋羅刹復來寇九年羅刹奉表投誠十年○諭巴海日羅刹雖云投誠亦當加意防禦毋墮狡計十三年自吉林移水師分駐黑龍江地方十五年俄羅斯察罕汗遣尼果賴等進貢○詔諭察罕汗嚴禁羅刹勿擾邊陲二十一年以羅刹蔓延益甚○命副都統耶坦公朋春等率官兵往索倫等處因至雅克薩城下偵探情形以後用兵勦撫諸事詳見○欽定

平定羅利方略二十二年○命將軍巴海留鎮烏拉副都統薩布素等領兵移駐額蘇哩九月○命官
兵永成愛瑋以薩布素爲將軍此黑龍江設將軍之始自是分吉林西北隅之地爲黑龍江省築愛瑋
即今黑龍江城卞魁墨爾根等城設立台站屯田積穀增置副都統佐領以下員額將軍初駐愛瑋後移駐墨
爾根最後移駐卞魁卽今齊齊哈爾城也先是索倫達呼爾諸部皆以採捕打牲爲業未設額兵故順
治康熙間用兵羅利皆調○京師及他省官兵以往迨薩布素鎮守其地所統之兵亦自吉林甯古塔
調至官爲移其家口所費甚鉅至康熙三十年○聖祖諭曰齊齊哈爾地方以索倫達呼爾之眾酌量
令其披甲駐防遣滿洲兵二百人往彼教訓之伊等居址附近亦心樂披甲如此既無違徙之苦亦不
致需用糗糧矣自是遂爲定制今黑龍江將軍所屬八旗兵滿洲漢軍之外有索倫兵達呼爾兵俄倫
春兵畢喇爾兵皆土著之戶而附以自蒙古遷往之巴爾呼兵鄂勒特兵是爲黑龍江八部落云說者
謂索倫本遼之後裔散處山谷挽強命中洞兇虎跡奔獸龍沙紀略曰索倫者近蒙古問雜漢語挽弓
十石能自縛於樹射熊虎洞穿負之而歸馬
有逸失者雖數百里
外皆能蹤跡得之雄於諸部自康熙以來編旗給精訓以紀律平時自應其役軍興皆聽調撥往往
以勇猛敢戰取翠翎珊頂及巴圖魯名號如寄此海內所以稱勁旅也又索倫族類至繁有敖喇都喇
爾布喇穆等姓多居布特哈呼倫貝爾境而齊齊哈爾等三城較少亦有流寓俄羅斯者其國謂之喀
穆尼漢又謂之通古斯蓋羅利作亂劫去者西清黑龍江外紀云數十年前嘗有願歸故土之請今不
聞矣達呼爾一作達瑚哩一作打虎兒臣秋溥謹案或作打著姓有克因精奇里瓦蘭果布勒等氏多
狐狸皆譯字不同也
占籍於齊齊哈爾等三城及布特哈而呼倫貝爾則不過數家俄倫春者索倫達呼爾類也黑龍江以

北精奇里江源以南皆其射獵之地其眾夾精奇里江以居亦有姓都喇爾者似與索倫為近其隸布特哈八旗為官兵者謂之摩凌阿俄倫春其散處山野僅以納貂為役者謂之雅發罕俄倫春

臣秋廣謹案摩

凌阿雅發罕者滿洲語猶云馬上步下也雅發罕俄倫春有布特哈官五員分治三歲一易號曰諧達諧達歲以徵貂至其境其人先期畢來奉命維謹過此則深居不可蹤跡矣畢喇爾亦然有驍騎校四員分治之其人有姓

默訥赫爾者有姓都訥亨者乃畢喇爾之著族也呼倫泊以南喀爾喀以西巴爾呼居馬巴爾呼本外蒙古喀爾喀屬部其戍此者闖入俄羅斯境我軍征俄羅斯時來歸遂編入八旗即以其人為佐領

黑龍

江外紀曰巴爾呼亦有新舊之別在齊齊哈爾者舊巴鄂勒特一作厄魯特征準部時徙其降人於此爾呼也在呼倫貝爾者新舊巴爾呼相間而新者盛也鄂勒特

多居呼倫貝爾而卜魁城亦間有之呼倫貝爾布特哈呼蘭三處皆無城郭而設兵駐防號為重地呼蘭之設城守尉也始於雍正十二年呼倫貝爾遣內大臣或侍郎一員為統領始於雍正十年至乾隆八年改設副都統銜總管一員

臣秋廣謹案其下按部設官有索倫總管巴爾呼總管新巴爾呼總管鄂勒特總管其下又各設副總管佐領等官焉

布特哈初

設索倫達呼爾總管二員副總管八員謂之打牲頭目副頭目康熙三十年以後陸續增設滿洲總管一員副總管八員蓋布特哈為打牲部落之總稱故東北數千里內處山野業採捕者悉隸之總管駐

劄處在伊伯河西岸地名扎克丹每歲五月大會於齊齊哈爾城納貂互市號曰楚勒罕譯言盟會也呼倫貝爾之西北境以額爾古納河為俄羅斯界布特哈之北境以興安大嶺為俄羅斯界觀諸部之

土俗民情其歸嚮○德化敵愾奏功出乎天性考其原委而防邊之道思過半已

教諭劉莊初校
知縣吳壽坤覆校

朔方備乘卷第三

聖武述略三

喀爾喀內屬述略敘○臣秋濤謹案瀚海亘地中央不毛者數千里天以界中外漠南水南流入內地漠北水北流達俄羅斯我○朝○太宗文皇帝既平察哈爾林丹汗內扎薩克四十九旗咸入版圖而北有喀爾喀爲屏蔽故未與俄羅斯相接然崇德年間土謝圖汗車臣汗並以俄羅斯烏鎗爲獻俄羅斯之名聞中國實始於此至順治年間喀爾喀時擾邊陲屢經○命將撻伐蓋以朔漠險遠羈縻待之雖九白之貢已頻登於○闕廷而五等之封尙未盟於帶礪迨康熙年間噶爾丹構釁喀部潰敗內徙○聖祖仁皇帝撫綏安輯出水火而衽席之於是○錫爵秩編佐領莅會盟咸視內蒙古例龍沙雁海之圖億潼萬彘之民獨峯駝無尾羊之部奔湊萬里臣妾一家而我○朝拓境直抵楚庫河布爾古特山與羅利爲鄰界矣庫倫設辦事大臣二人其一卽以喀爾喀之王公扎薩克爲之故欲考俄羅斯不可不先考喀爾喀爰述○列聖戡定撫卹之事具著於篇

喀爾喀內屬述略○外蒙古喀爾喀本元太祖裔以在漠北故謂之外蒙古大部四曰土謝圖汗部爲喀爾喀後路曰車臣汗部爲東路曰扎薩克圖汗部爲西路曰賽因諾顏部爲中路分左右翼距○京師各三數千里舊服屬於察哈爾○太宗文皇帝天聰九年大軍平察哈爾車臣汗碩壘借烏珠穆沁蘇尼特諸部長上書通好貢駝馬崇德元年春以車臣汗部私與明市○諭責之曰明朕仇也前者察哈爾林丹汗貪明歲幣沮朕伐明且欲助之朕故移師往征天以察哈爾爲非故以其國予朕今爾與

明市馬是助明也爾當以察哈爾為戒冬碩壘遣偉微喇嘛等來朝請與明絕市○上嘉之○命察罕喇嘛往賚貂服朝珠弓刀金幣此喀爾喀部通好之始自是土謝圖汗袞布扎薩克圖汗素巴第賽因諾顏部長圖蒙官相繼至初喀爾喀無汗稱袞布祖阿巴岱赴唐古特謁達賴喇嘛迎經典歸眾服之稱汗至袞布始號土謝圖與碩壘素巴第同時為三汗喀爾喀有所謂紅教者與黃教爭圖蒙官尊黃教為之護持達賴喇嘛賢之授賽因諾顏號令所部奉之視三汗圖蒙官尋卒次子丹津喇嘛復受諾捫汗號於達賴喇嘛居翁吉河霍岳爾克為喀爾喀八扎薩克之一二年車臣汗碩壘獻所產獸曰獺喜二年扎薩克圖汗素巴第謀掠歸化城○上親征之所部遁遣使謝罪並貢馬及獨峯駝無尾羊○諭曰朕以兵討有罪以德撫無罪惟行正義故上天垂佑蒙古察哈爾諸部皆以畀朕爾等皆其所屬當即相率歸誠否則亦惟謹守爾界乃反與兵構怨謀肆侵掠豈以遠處西北即為征討不及之區耶今與爾約嗣後慎勿復入歸化城界重貽罪戾是年土謝圖汗袞布遣使貢駝貂皮雕翎及俄羅斯鳥鎗車臣汗貢馬及甲冑貂皮雕翎俄羅斯鳥鎗回部弓箠鞍轡阿爾瑪斯斧白鼠裘唐古特元狐皮臣秋貢○世祖章皇帝順治三年車臣汗碩壘誘蘇尼特部長騰機思叛豫親王多鐸率師追勦至扎濟布喇克碩壘遣子本巴等土謝圖汗袞布遣其屬喇瑚里等合丹津喇嘛兵五萬餘援騰機思大軍敗之棄駝馬而竄有楚琥爾者袞布族也復私掠巴林部人畜師旋○詔責碩壘曰蘇尼特本察哈爾屬部向化來歸爾誘之使叛朕遣兵追勦時猶誠勿加兵於爾詎意爾反稱兵抗拒以致上蒼降譴立見敗

清謹案此俄羅斯名聞中國之始

○詔歲貢白駝一白馬八謂之九白之貢以為常他物毋入獻賽因諾顏亦遣使通

鯁儻非朕飭令班師大兵既壓爾境何難長驅直入耶今爾若知自悔欲贖前愆其速擒騰機思來獻并詰責袞布丹津喇嘛協擒騰機思歸所掠巴林人畜扎薩克圖汗素巴第聞○詔欲代解罪偕同族俄木布額爾德尼上書乞好○上因其書不稱名辭近悖慢切責之五年騰機思乞降車臣汗碩壘遣使獻駝百馬干入謝土謝圖汗袞布等並上表引罪○詔各遣子弟來朝不從七年扎薩克圖汗部人俄木布額爾德尼等詭稱行獵私入歸化城界掠牧產○詔遣官飭歸所掠會其汗素巴第卒子諾爾布嗣稱畢錫喀勒圖汗遣使入貢○諭曰朕本欲許爾等和好故命察歸所掠以贖前罪今反以朕留爾逃人爲辭是何心耶朕統一四海爾等彈丸小國勿恃荒遠勿聽奸辭致隕爾緒尋賽因諾顏部長丹津喇嘛遣子額爾德尼諾木齊上書乞好○詔偕土謝圖汗袞布約誓定議八年土謝圖汗袞布不歸巴林人畜僅獻駝十馬百入謝○嚴諭詰責九年以車臣汗部妄爭歲貢賞○諭責之十年○命侍郎畢哩克圖往土謝圖汗部察巴林被掠人畜袞布等匿不盡給會其屬喇瑚里子台吉本塔爾攜衆來歸封扎薩克親王駐牧張家口外塔嚕渾河因詭言巴林人畜本塔爾攜往應就被取并乞遣本塔爾等還○諭曰不遣子弟來朝不進九白常貢不盡償巴林人畜冒此三罪反請遣還來歸之人是何理也今卽遵旨釋此三罪朕亦弗使本塔爾等還爾等其自擇之秋袞布遣使補貢九白至張家口○詔弗納十一年扎薩克圖汗部人額爾德尼諾木齊復表至○諭曰爾奏言喀爾喀左翼四旗皆爾統攝凡有敕諭罔弗遵行今卽如所請可速飭爾部長遣子來朝有不遵者卽行奏聞十二年夏土謝圖汗袞布子察琿多爾濟車臣汗碩壘子巴布並繼其父稱汗偕扎薩克圖汗諾爾布賽因諾顏部長丹

津喇嘛各齋表遣子弟來朝○諭曰爾等遵旨服罪朕不咎既往其應歸巴林人畜缺數悉從寬免嗣有逃人來此當卽遣還冬土謝圖汗等復遣使乞盟○許之賜盟於宗人府是年設喀爾喀八扎薩克仍分左右翼○命察琿多爾濟巴布丹津喇嘛及察琿多爾濟同族墨爾根諾顏各領左翼扎薩克之一諾爾布及同族俄木布額爾德尼車臣濟農昆都倫陀音各領右翼扎薩克之一○命丹津喇嘛歲貢九白如三汗例十五年○遣大臣齋服物資諸扎薩克○敕曰朕觀爾等審知天命誠心誓好凡一詔下靡不敬從自茲以往其益勵忠貞仰膺寵眷以慰朕懷柔至意果克恪慎罔懈以獲天眷以承國恩奕世永享太平之福矣十八年○賜賽因諾顏部長丹津喇嘛遵文順義號給之印○聖祖仁皇帝康熙元年先是扎薩克圖汗諾爾布卒子旺舒克襲稱汗同族扎薩克俄木布額爾德尼卒子額琳沁襲號羅卜藏台吉至是額琳沁以私憾襲殺旺舒克土謝圖汗察琿多爾濟賽音諾顏部長丹津喇嘛並發兵擊之奔就厄魯特其叔父裘布伊勒登避難來歸封扎薩克貝勒駐牧喜峰口外察汗和朔圖三年○詔賽音諾顏所部毋越界游牧尋丹津喇嘛卒子塔斯希布襲頃之塔斯希布卒子善巴襲○賜信順額爾克岱青號九年○命旺舒克弟成裘襲扎薩克圖汗號先是旺舒克被戕兄綽墨爾根自立爲汗以未請於○朝衆弗附多歸土謝圖汗察琿多爾濟至是○詔廢綽墨爾根以成裘襲扎薩克圖汗輯其衆十六年厄魯特部鄂齊爾圖汗爲同部台吉噶爾丹所襲土謝圖汗察琿多爾濟救之會鄂齊爾圖汗被戕因與噶爾丹搆難遣台吉色稜達什引兵三百劫其貢使事聞○諭罷兵誓好十八年噶爾丹自稱博碩克圖汗虐附近諸部土謝圖部扎薩克畢瑪里吉哩諦偵知其謀侵喀爾喀遣使

來告○上嘉賚之畢瑪里吉哩諦者賚音諾顏圖蒙旨第九子也號巴圖爾額爾德尼諾顏十九年扎薩克圖汗成袞遣使貢喀爾喀舊俗汗最貴濟農次之諾顏又次之有多爾濟者爲右翼扎薩克之一以濟農號表貢尋成袞與之隙奪濟農號授其從昆弟薩瑪第俾代貢九白理藩院請卻其使○詔納之噶爾丹屬額爾德尼和碩齊私掠內扎薩克烏喇特部界畢瑪里吉哩諦以所居哈嚕特山距烏喇特六日程慮還掠偵額爾德尼和碩齊竄處額濟內河以聞○詔設汛防禦二十一年○詔遣大臣分賚諸扎薩克冠服佩帶弓刀器幣內大臣費揚古等往土謝圖汗部散秩大臣博洛特等往車臣汗部副都統班達爾什等往賽因諾顏部都統阿密達等往扎薩克圖汗部各入朝謝扎薩克圖汗部以額琳沁之亂屬衆潰多依土謝圖汗成袞旣襲汗遣告察琿多爾濟索逃衆匿弗子至是厄魯特台吉噶爾丹送額琳沁歸成袞以其舊列八扎薩克令隨已入貢額琳沁懼前罪弗從反約俄羅斯來攻成袞覺之遣子沙喇率兵萬餘襲執額琳沁尋逸復奔厄魯特成袞盡收其尸畜復遣赴察琿多爾濟所索逃衆會達賴喇嘛遣阿爾布奈召察琿多爾濟與成袞盟卒弗聽成袞自是與察琿多爾濟交惡車臣汗以所屬巴爾呼人私掠烏珠穆沁部界議增汛兵防禦會貢使至○諭曰朕聞爾屬衆與界內蒙古互相竊奪彼此效尤恐乖生計朕已飭界內人毋許出境滋擾爾亦當約束所部守分安居違者卽拘治之毋稍姑息尋又○詔車臣汗部毋越噶爾拜瀚海游牧大軍征俄羅斯絕弗與通市先是俄羅斯部人散居雅木薩尼布楚諸地車臣汗諾爾布屬巴爾呼與接壤時以牲畜及貂互市其黠者闖入黑龍江沿邊肆掠人因呼之爲羅刹至是大軍往征○詔車臣汗諾爾布飭所屬與絕市諾爾布巴布子

也二十二年○詔車臣部賽因諾顏部毋越噶爾拜瀚海舊界游牧先是都統畢哩克圖奉○命勘喀爾喀與內扎薩克游牧以噶爾拜瀚海爲界久之多越界互竊議置哨至是善巴以蒙古舊俗逐水草居疏乞免置哨○詔舊界毋越二十三年○命內大臣阿齊圖格隆偕達賴喇嘛赴扎薩克圖土謝圖二汗諭和會達賴喇嘛所遣參巴陳布呼圖克圖至歸化城病卒○詔阿齊圖格隆還二十五年○詔理藩院尙書阿喇尼齋○敕與達賴喇嘛使噶爾旦西勒圖會未至成衮卒○詔其子沙喇襲扎薩克圖汗隨阿喇尼赴庫掄伯勒齊爾與察琿多爾濟盟察琿多爾濟不親至使弟哲卜尊丹巴呼圖克圖往受盟令盡遣所收逃衆告沙喇亦如之旣而察琿多爾濟僅歸其半於沙喇復交惡是盟也察琿多爾濟長子噶爾旦多爾濟弟西第什哩威與並授扎薩克扎薩克圖汗部人朋素克喇布坦嗣薩瑪第稱額爾德尼濟農遣使貢○詔歸導其汗睦鄰修好○賜珊瑚朝珠二十六年土謝圖汗察琿多爾濟偕車臣汗諾爾布疏請給印且上○尊號○諭卻之曰爾等恪恭敬順具見悃忱但宜仰體朕一視同仁無分中外至意自今以後親睦雍和毋相侵擾永享安樂庶慰朕懷勝於受尊號也亦不允給印尋察琿多爾濟長子扎薩克噶爾旦多爾濟率宰桑額爾德尼額爾克等來貢會大閱扈○駕往觀命之射秋土謝圖汗與噶爾丹構兵先是庫掄伯勒齊爾之盟哲卜尊丹巴呼圖克圖與達賴喇嘛使噶爾旦西勒圖抗禮噶爾丹聞之怒其不尊達賴喇嘛也又怨察琿多爾濟嘗助鄂齊爾圖汗攻己且以女妻其孫羅卜藏衮布阿喇布坦貽書詰責揚言率衆來攻察琿多爾濟奏請往擊○詔守前約勿復與兵端有噶爾丹戚屬曰阿喇布坦沙喇女兄之夫也噶爾丹因誘沙喇攻察琿多爾濟爲會於固爾班

赫格爾台吉卓特巴德克德赫從察琿多爾濟惡沙喇迎附噶爾丹追擊之殺沙喇及德克德赫卓特巴遁事聞○命傳諭達賴喇嘛召還噶爾丹而先遣學士拜哩等諭察琿多爾濟罷兵比至察琿多爾濟已執殺沙喇等復偕其婿羅卜藏衮布阿喇布坦追斬噶爾丹之弟多爾濟扎卜進屯喀喇額爾奇克察罕額爾奇克地與噶爾丹相拒噶爾丹尋遷沙喇妻布尼特達喇子巴朗恭格居阿爾台山陽二十七年春內大臣索額圖等率兵赴色楞額河與俄羅斯議界道出喀爾喀○詔所部安堵無恐尋噶爾丹引眾三萬由杭愛山入掠察琿多爾濟暨子噶爾旦多爾濟禦之於特穆爾敗績奔翁吉噶爾丹偵哲卜尊丹巴呼圖克圖居額爾德尼昭遂分兵越圖拉河東趨克嚕倫掠車臣汗牧地別遣將丹津鄂木布由喀喇卓爾渾攻額爾德尼昭哲卜尊丹巴呼圖克圖攜察琿多爾濟孛避居額古穆爾時噶爾丹鋒銳甚喀爾喀眾洵懼有議北奔俄羅斯者哲卜尊丹巴呼圖克圖曰俄羅斯素不奉佛不可投也宜歸順○大皇帝以圖安全耳因南走蘇尼特部界馳告急○詔發阿巴哈納爾部兵沿瀚海防禦之秋噶爾丹自克嚕倫還掠圖拉察琿多爾濟悉眾由尼列圖至鄂羅會諾爾慶戰三日眾潰遂自察衮庫勒踰瀚海會哲卜尊丹巴呼圖克圖籲請內附噶爾丹上書訴其棄好興兵妄殺無辜請勿納○上弗許○命入居蘇尼特界內鄂林圖於是察琿多爾濟悉族來歸弟曰西第什里○賜牧蘇尼特界內阿嚕額塔蘇台從弟曰巴朗曰岱青諾顏洪果爾牧蘇尼特界內烏納齊族子曰禮塔爾附牧右翼親王諾內部族弟曰固嚕什喜牧四子部落界外洪果爾發歸化城倉粟賑之尋○命與噶爾丹會盟議和噶爾丹既遷沙喇妻子沙喇弟策旺札布隨母扎爾穆轉徙年餘遂相失至是策旺札布偕同族

色稜阿海等相繼至○詔附牧烏喇特諸部是時車臣汗部賽音諾顏部並避噶爾丹難率屬來歸初車臣汗諾爾布卒伊勒登阿喇布坦嗣稱汗駐牧克嚕倫河北巴顏烏蘭伊勒登阿喇布坦卒子烏默客襲○上遣侍衛阿南達往賻會噶爾丹敗察琿多爾濟偵烏默客幼弱由圖拉踰克嚕倫謀掠巴顏烏蘭所部聞之懼欲遁烏默客叔父納木扎勒倡議內附眾始定因白烏默客母率眾來歸阿南達以聞○詔附牧烏珠穆沁界外阿爾圖地先是烏珠穆沁及浩齊特蘇尼特阿巴噶阿巴哈納爾皆舊爲車臣汗屬部後相繼南徙隸內扎薩克獨阿巴哈納爾諸台吉有留故土者曰根敦額爾克曰阿海烏巴什曰伊克岱青額爾克烏巴什凡千餘戶仍隸車臣汗至是隨烏默客至并所部十餘萬戶均於界外○賜牧安置有車布登者亦烏默客叔父號額爾克台吉駐牧克嚕倫河之南烏純地隨烏默客來歸以烏純距邊近遣歸牧○命烏默客襲汗號如故烏默客幼○詔納木扎勒駐牧烏珠穆沁界外布哈和賴距烏默客居一日程兼領其眾代掌旗務賽音諾顏部長善巴嘗以兵助察琿多爾濟禦噶爾丹於鄂羅會諾爾不敵兵潰攜孥來歸○賜牧烏喇特部界外其再從弟丹津額爾德尼仍駐牧哈嚕特山丹津額爾德尼者畢瑪里吉哩諦之孫也其借至之伊勒登楚琥爾烏巴什居烏蘭布拉克地諾木齊岱青居都什地喀喇庫蘭居奧吉碩曠地木札勒墨爾根居茂金口地阿玉什額爾克阿海居蘇巴爾罕地阿喇布坦岱青阿海居楚布魯洪郭爾地烏巴什居喀喇和碩地皆附牧烏喇特界有扎薩克圖汗部人曰索諾木曰伊斯札布者額爾德尼濟農朋素克喇布坦從弟也率屬由和碩託輝來歸○命居歸化城理藩院奏降衆日多請授納木扎勒等爲扎薩克轄之○報可○命科爾沁親王沙津

等往示內地法度○諭曰朕因爾等爲厄魯特所掠憐而納之今觀爾等並無法制約束部曲恐劫奪不已離析愈多爰命增置扎薩克分掌旗隊禁止盜賊各謀生業爾等果能遵而行之寇盜不興禍亂不作庶副朕撫育歸降愛養羣生之至意是年爲噶爾丹故○上幸塞外駐蹕紅川車臣汗部人洪俄爾岱青率衆來降先是洪俄爾岱青世爲琿台吉駐牧克魯倫河之南穆壘和碩瑪塔特諸界以時入貢最恭順噶爾丹掠所部誘達賴宰桑授之檄令還誘其主洪俄爾岱青弗從遣使乞內附○召覲行幄○諭曰爾喀爾喀與厄魯特世世通貢朕一體優禮從無偏私今聞互相結怨亟遣使諭令和睦使臣未至而喀爾喀敗遁悉至汎界朕以亂尙未定故留之未遣朕昔遣兵討羅刹時爾母達賴達喇納豫備糗糧牛羊資送大軍今爾又率屬歸誠朕甚嘉之特賜爾御用朝珠一以示優獎尋○命附牧札賚特界外環圖塔什海授扎薩克二十八年土謝圖汗察琿多爾濟疏乞免與噶爾丹會盟○諭廷臣曰朕統御天下窮者救絕者繼離散者使之完聚交惡者使之和協恆欲中外生靈羣底安樂察琿多爾濟與噶爾丹交惡朕屢遣使諭止不肯罷兵以致屬衆潰散窮困來歸朕因其昔日職貢維謹憐而納之留置邊境頒給米粟但念兵端未息生民何日可安是以敕令議和今伊旣以會盟爲難朕亦不强其諭使知朕意○詔授察琿多爾濟族弟固魯什喜濟農號○諭曰墨爾根諾顏固魯什喜係喀爾喀舊扎薩克職貢有年今因所部潰亂卽率衆內附洵不愧墨爾根號朕甚嘉悅着晉號濟農居三汗之次尋以固魯什喜與諾顏呼圖克圖爭產互訐○遣官諭解並○諭諸部輯所屬潰散者土謝圖汗族岱青諾顏洪果爾至○命巴朗兼領其衆洪果爾者巴朗族弟順治初巴朗之父喇嘛塔爾及洪果

爾之父額爾克岱青嘗貢方物蒙○頒賚會騰機思叛逃衮布碩壘皆遣兵迎獨喇嘛塔爾與額爾克岱青不可且遣送前使至○世祖嘉悅○諭曰爾等自通好以來悃忱甚摯今復不肯舉兵助逆忠順如此朕豈有不報之理耶嗣是朝貢不絕○賜賚便蕃既聞噶爾丹肆掠岱青諾顏洪果爾因避居楚克地巴朗亦徙牧色楞額河近俄羅斯之地巴朗先內附至是岱青諾顏洪果爾亦攜屬七百餘戶來歸同族台吉諾木齊岱青子齊巴克額爾克及鄂齊爾子達什敦多卜等相繼至○命察琿多爾濟轄之車臣汗部台吉額爾克綽克圖暨包爾呼巴特瑪達嚕噶索諾木達嚕噶等攜屬踵至○命烏默客轄之尋授烏默客叔父車布登扎薩克時大軍征噶爾丹車布登捐助弁兵乏馬者有阿南達者車臣汗碩壘第十子烏默客會叔祖也駐牧克嚕倫河之北索和尼至是率子貢楚克暨台吉札布伊勒登等來歸○詔阿南達所攜戶屬分牧錫喇什寶台及烏珠穆沁界內之都什多羅特浩齊特界內之固都哩呼而令阿南達留牧阿嚕科爾沁界內之呼嚕蘇台往來防護會其屬泰賴等糾眾肆劫○命嚴懲之○授賽因諾顏部長善巴扎薩克○詔隸內扎薩克之喀爾喀右翼親王諾內往示內地法度并○遣官發殺虎口倉粟賑其眾扎薩克圖汗部人根敦者世居和託輝特其地爲喀爾喀極邊西近厄魯特北近俄羅斯俗喜鬪烏梁海復錯處其間捕貂射獵依木而居納賦和託輝特有事則藉之爲兵故和託輝特雖隸扎薩克圖汗實自爲一部尙書阿喇尼於二十五年奉○命赴庫掄伯勒齊爾泣喀爾喀盟時根敦從兄子額琳沁狀其汗旺舒克西奔厄魯特久無統屬阿喇尼承○制授根敦扎薩克使領其眾迨噶爾丹侵所部徙屬避色楞額河自引兵擊走噶爾丹將濟喇克偉徵哈什哈等既而所

部齊巴克塔爾及諾木齊札朗阿伊爾札海等附噶爾丹逸走根敦追執之收其戶畜乘勝由杭愛山趨阿爾台斬噶爾丹將察罕台吉及烏爾裘而還十二月善巴等請赴甯夏互市○許之是年秋土謝圖汗部減收○遣內大臣伯費揚古往賑○諭廷臣曰朕聞土謝圖汗屬衆有乏食致斃者深爲軫念費揚古採買牲畜尙需時日著速發張家口倉粟運往散給計支一月牲畜繼之則衆命可活矣二十年春○詔察土謝圖汗所屬貧戶遣就食張家口故扎薩克圖汗沙喇子巴朗等由阿爾台逃歸遇故台吉卓特巴偕內附聞同族岳蘇圖阿海游牧烏爾往依之三月土謝圖汗族人昆都倫博碩克圖昆布爲噶爾丹所掠集衆來歸○命同族扎薩克噶爾丹多爾濟選兵借車臣汗部兵隨尙書阿喇尼侍郎溫達赴圖拉河援之謀衮布居額爾古納河遣郎中馬迪往迎渡克噶倫河而南時噶爾丹居阿爾坦額默爾在克噶倫河北由烏爾順喀喀爾喀二河來追衮布敗走大軍迎擊噶爾丹遁○諭成衮移牧內汎賽音諾顏部人托多額爾德尼素勇悍噶爾丹之自杭愛山轉掠克噶倫所部多潰走托多額爾德尼獨拒戰殺傷略相當賊衆稍衰有兩人共一騎及削木爲杖者至是偵噶爾丹居巴顏烏爾偕同族素泰伊勒登以兵三千赴圖拉遏噶爾丹歸路五月巴朗率所屬來朝乞襲汗號○上憫其父無辜被殺欲俟會閱以雪其冤而後命之襲未許也授卓巴特扎薩克○賜居歸化城同族台吉日喇布坦曰納木札勒鄂齊爾曰冰圖岱青等相繼降○命轄之發粟賑所屬貧戶十月托多額爾德尼自軍營入○覲優賚之士謝圖汗部人敖巴私縱屬千餘劫驛騎○上憫其無知不忍治檄察哈爾兵制之車臣汗部人洪俄爾岱青及達賴宰桑爲噶爾丹所掠不獲歸洪俄爾岱青兄子罕篤代領其衆肆劫

內地○命尙書阿喇尼遣罕篤攜衆入科爾沁界附親王沙津游牧罕篤至仍肆劫遣出界其兄車布登乞留牧○諭飭屬毋爲盜扎薩克圖汗部扎薩克博貝來朝先是博貝奉貢至奏喀爾喀習尙偷情必敗亡彼時臣必來歸至是○上憶前奏嘉其先見○賜賚甚厚三十年正月○上以噶爾丹服罪立誓上書請降慮其狡詐○命賽音諾顏部扎薩克善巴隨侍郎瓦岱赴圖拉河偵禦路由克嚕倫土謝圖汗從弟錫布推哈坦巴圖魯率諸弟迎瓦岱降初噶爾丹由杭愛山肆掠錫布推哈坦巴圖魯逆擊之有和托輝特二台吉誓相戮力旣而背盟怒而拘之會噶爾丹誘降又執其使避走克嚕倫河至是來歸○上嘉之○諭曰爾於察琿多爾濟爲兄弟行職貢有年當噶爾丹誘爾時獨知大義雖敗不降今隨大軍募化歸誠朕甚嘉悅特封爾爲扎薩克輔國公爾其勛之仍歸巴顏烏蘭游牧尋徙圖拉河○上以察琿多爾濟來歸後喀爾喀全部內附封爵官制宜更定且降衆數十萬錯處應示法制俾遵守將○巡幸多倫諾爾行會闋禮○詔三汗及賽因諾顏諸部長隨四十九旗扎薩克先集以俟尙書馬齊奉○命往議禮定賞格九等坐次七行以察琿多爾濟爲之首夏四月○駕至喀爾喀汗濟農諾顏台吉等三十五人以次朝見○諭曰爾等以兄弟之親自相侵奪啟釁召侮致全部潰散其時若令四十九旗扎薩克將爾人衆收取爾部早已散亡朕好生之心出於天性不忍視爾滅亡置附界內給與贍養自古以來未有如朕拯救愛養如此者也用是親臨教誨普加賞賚會同之時見爾等傾心感戴特沛恩施俾與四十九旗同列以示一體撫育罔分中外爾等其知朕意○命土謝圖車臣扎薩克圖三汗仍留汗號如故改諸部濟農諾顏舊號封王公貝勒台吉等爵有差各授扎薩克編佐領一如

內蒙古之制三十二年土謝圖汗部人車稜札布集屬六百自俄羅斯來歸乞附巴顏烏蘭牧○允之尋授一等台吉仍兼扎薩克三十四年車臣汗部鎮國公罕篤誘奪錫喇布所屬懼討執郎中音札納以叛脇台吉札木巴拉等遁附俄羅斯既而札木巴拉等謀擒罕篤不克乃自拔歸謀罕篤由博爾濟河走俄羅斯弗納攜五百餘眾棲額克阿喇勒勢甚億八月俄羅斯擒罕篤以獻伏誅三十五年○聖祖親征噶爾丹大將軍費揚古等大破賊眾於昭莫多三十六年噶爾丹竄死朔漠悉平○詔遣喀爾喀諸部並歸舊牧加封有功諸台吉增編爲五十五旗屯田於鄂爾昆河左右並徵其兵防秋於阿爾泰山○世宗憲皇帝雍正五年以庫倫恰克圖爲土謝圖汗部與俄羅斯互市地○詔非市期毋許俄羅斯踰楚庫河界○命賽音諾顏部郡王額駙策凌偕內大臣伯四格侍郎圖理琛等赴楚庫河與俄羅斯使臣薩瓦立石定界策凌陳兵鳴礮謝天四格歸劾奏議罪應削爵○詔罰俸三年免削九年以策凌奮擊準噶爾立大功○詔晉封超勇親王錫黃帶城塔密爾河居之佩定邊左副將軍印進屯科布多○授盟長便宜行事又分土謝圖汗部所滋息之二十一旗隸賽音諾顏部而析所留之十六旗爲二十仍隸土謝圖汗部由是賽音諾顏部始爲大扎薩克與三汗部並列共七十四旗云初準噶爾欺喀爾喀部兵不競屢闖其庭如出入無人之境及爲策凌所挫孕重墮殞始駭喙不敢窺塞○高宗純皇帝登極與準噶爾議和定界皆令策凌會議乾隆十五年策凌薨以功配享○太廟及平準噶爾策凌之子成袞札布車布登札布咸從征有功於是喀爾喀戶口蕃盛增至八十四旗建城烏里雅蘇台及科布多駐定邊左副將軍及參贊大臣鎮撫之永爲定制而定邊左副將軍節制喀

爾喀三汗一諾顏八十四旗及金山天山間烏梁海等數十部落為漠北第一重鎮云

朔方備乘卷三

舉人王樹枏初校
知縣吳壽坤覆校

朔方備乘卷第四

聖武述略四

準噶爾蕩平述略敘○臣秋濤謹案準噶爾舊爲西北強部其境與俄羅斯接壤其勢亦與俄羅斯埒大昔康熙間克魯倫河之役地近東方故悉發東三省兵令黑龍江將軍薩布素統之自是戰於烏爾會捷於昭莫多地皆在杭愛以東旣而窺青海寇西藏則邊警之來又在洮岷以西蓋沙磧之地號爲瀚海準部恃勢憑陵出沒靡定卽俄羅斯亦深憚之異域錄云俄羅斯東境城邑如塔喇斯利等處與策妄阿拉布坦相鄰每被侵擾足知準部剽劫之習犯天下之公怒也我○朝統一寰宇溥海內外罔弗臣服惟準部跳梁西陲勞○三朝廟算始克平之世咸知乾隆中取新疆闢地二萬餘里按準回二部東西六千餘里南北三千餘里以徑一圍三計之得周二萬餘里然康熙中因準部攻喀爾喀○聖祖撫而收之計喀部東西五千餘里南北三千餘里其周已逾二萬里矣迨準部寇西藏○聖祖發兵逐之收其地入版圖計藏地東西南北各五六千里其周又逾二萬里矣雍正中青海羅卜藏丹津蕃叛謀○世宗命將收其地東至甘肅西至藏地三千餘里北至沙州南至中甸五千餘里其周又逾二萬里矣因此三地悉入疆索而西北萬里外之俄羅斯業已講信修睦永相和好然後○高宗西伐成功於指顧之間卽阿逆叛逃終爲羅利執獻蓋外域之服○教畏○神非一日矣說者謂西北數萬里之版章○聖祖樹之○世宗培之○高宗穫之蓋惟有○善繼善述之美而後○文謨○武烈益顯著於天下固億萬世○聖子神孫所當永遠效法者已

準噶爾蕩平述略○準噶爾者厄魯特四部之一其先本元阿魯台部聲譌爲厄魯特後分爲四曰和

碩特曰準噶爾曰杜爾伯特曰土爾扈特其游牧在金山之西各有分地以伊犁爲會宗處東鄰喀爾

喀北鄰俄羅斯準噶爾兵力強於諸部○國初時其會嘗遣使通貢後有噶爾丹者臣秋濤謹案一作噶爾且一作額諾

德自立爲汗性兇狡攻滅和碩特鄂齊爾圖汗并其地遂侵掠其鄰喀爾喀部喀爾喀地在我四十九

旗蒙古之北與準噶爾接壤至是爲所侵擾勢不支康熙二十七年喀爾喀之上謝圖汗車臣汗等率

全部來歸並不敢游牧於故地避入我邊境○聖祖敕噶爾丹率衆西歸還喀爾喀侵地噶爾丹旣屢

勝益驕蹇遂據喀爾喀庭幕四出攻剽二十九年五月俄羅斯使人吉里古里伊法尼齊等至○京○

詔諭之曰噶爾丹揚言會爾國兵同侵喀爾喀喀爾喀已歸順本朝儻誤信其言是負信誓而閱兵端

也爾等可疾遣善馳者二人歸告尼布潮頭目令伊徧諭俄羅斯之衆當是時噶爾丹以追喀爾喀爲

名選銳東犯侵及烏爾會河尙書阿爾尼率兵備邊會厄魯特驅掠喀爾喀人畜過阿爾尼以蒙古兵

擊之而令喀爾喀奪還所掠喀爾喀務爭取陣遂亂厄魯特因而乘之反爲所敗乃以裕親王福全爲

撫遠大將軍恭親王常寧爲安北大將軍出師至烏蘭布通大敗其衆噶爾丹始以書來乞和然弗悛

也其兄子策旺阿拉布坦亦爲所凌虐嘗遣間使來附我使者往爲厄魯特所害三十三年約其來會

盟不報而擾喀爾喀益甚○聖祖仁皇帝念喀爾喀爲我外藩不庇之使安游牧勢將以近邊蒙古地

處之則蒙古生計亦受害自非大創噶爾丹不可乃決計用兵又恐我兵至而敵先遁也三十四年圖

謝圖親王沙津來覲于木蘭具言噶爾丹約其爲內應將入邊○聖祖仁皇帝命沙津僞與相結誘其

兵來是秋噶爾丹果掠喀爾喀之納木扎爾陀音所部駐兵於土喇及克魯倫河之間自秋徂冬不去亦不犯漠南遣使往激之賊令使者徒步歸且大言借俄羅斯烏鎗兵六萬將大舉內犯蓋以烏蘭布通之役火器不如中國而敗故伴假西洋火器以張其軍其實俄羅斯並無意助寇且噶爾丹懲前敗亦未敢深入也三十五年春三路出師○聖駕統禁旅由中路出獨石口向克魯倫河進發黑龍江將軍薩布素率東三省兵出東路遏其衝撫遠大將軍伯費揚古率將軍孫思克總兵康調元等出西路向土喇進發五月五日大兵至克魯倫河噶爾丹已遁追之不及○聖駕回鑾費揚古兵至昭莫多探知噶爾丹在特勒克濟相距僅二十里遣碩岱誘之孫思克陣東阜康調元陣西阜以待賊果大至我軍擊之自未至酉噶爾丹大敗追殺三十餘里斬數千級生擒數百人牛二萬餘羊四萬餘軍資器械無算噶爾丹之妻阿奴哈屯亦死於亂軍其他台吉宰桑陣歿者不可數計投費揚古軍者二千餘人投馬思喀軍者五百餘人噶爾丹既敗與台吉會於塔米爾噶爾丹欲往翁金丹濟喇欲往阿爾台阿賴卜灘臣秋濤謹案一作阿拉布坦及丹津俄木布欲往俄羅斯邊境皆無定議已而丹津俄木布之人盜噶爾丹部內羊馬噶爾丹責之遂有隙丹津俄木布叛去惟丹濟喇及阿賴卜灘尙隨之又有諾顏格隆及吳爾占扎卜等亦率其屬以從然所屬各不過千人少僅數百人○聖祖仁皇帝欲乘勢遂滅之秋九月○聖駕再發京師往歸化城經理其事檄諭青海諸台吉協擒噶爾丹論策妄阿拉布坦亦如之又多遣間使招其黨與時翁金有我軍所餘糧噶爾丹欲資以度冬使丹濟喇來劫我副都統祖良璧敗之其遣往達賴喇嘛之使人喇克巴過青海亦爲我副都統阿南達所擒有台吉厄爾克巴圖等皆承檄

與策妄阿拉布坦會於阿爾台約共擒噶爾丹噶爾丹聞之遂向白格爾西去十二月○聖駕回京三十六年春噶爾丹之子塞卜騰巴爾珠爾捕獸於巴爾思庫爾我哈密回日都拉達爾罕遣子郭帕擊擒之俘送京師二月○聖駕啟鑾往寧夏時噶爾丹竄於薩克薩呼里克資野獸以給勢益蹙諸台吉咸出怨言噶爾丹於三月十三日仰藥死丹濟喇攜其屍及其女鍾濟海來降○聖祖仁皇帝以噶爾丹餘眾界策妄阿拉布坦無何狼子野心漸狂悖五十四年來擾哈密我駐防哈密之遊擊潘至善拒之肅州總兵路振聲出兵應援敵始去自是常發兵備邊五十六年以內大臣傅爾丹爲振武將軍駐阿爾台尙書富寧安爲靖逆將軍駐巴里坤散秩大臣祁里德爲協理將軍在西路策應是年冬策妄阿拉布坦遣大策零敦多卜侵西藏藏中酋長曰拉藏汗與達賴喇嘛及班禪厄爾得尼退守布達賴五十七年侍衛色楞額率西寧兵會同青海王台吉等進援總督額倫特繼之未至而拉藏汗已爲敵所殺額倫特敗賊於齊諾郭勒色楞額敗賊於喀喇烏蘇尋合兵進勦八月朔日賊大至額倫特中槍殞我師敗績於是撫遠大將軍允禩率重兵駐西寧五十八年平逆將軍延信由青海定西將軍噶爾弼由打箭爐兩路進兵收復藏地傅爾丹富寧安祁里德等亦由西北兩路襲擊以分賊勢富寧安在僻展降回眾三百餘至吐魯番降番眾千餘祁里德亦降厄魯特宰桑塞卜騰等二千餘傅爾丹至格爾額爾格殺厄魯特二百餘擒宰桑貝肯等百餘然皆未深入也八月延信兵與大策零敦多卜戰於密諾郭勒綽瑪喇等處皆捷噶爾弼由南路乘虛入聞春丕宰桑以兵來拒及其未至先克墨朱工喀所至望風歸款朱貢之胡土克圖獻地降第巴達克咱及喇嘛鍾科爾亦降卽令聚皮船渡河乘勢直抵西

藏藏中大小頭目及各寺喇嘛俱歡迎恐後盡擒獻準噶爾喇嘛百餘人其大策零敦多卜所授爲總管者俱斬於軍前西藏遂復雍正元年青海王羅卜藏丹津叛以陝督年羹堯爲撫遠大將軍提督岳鍾琪爲奮威將軍入平之羅卜藏丹津走投策妄阿拉布坦○世宗憲皇帝遣使索之不卽獻惟不敢入犯乃撤兩路兵量留兵哈密護其耕作五年策妄阿拉布坦死子噶爾丹策零襲凶狡好亂過於其父又集兵窺邊乃復以傅爾丹爲靖遠大將軍駐阿爾台岳鍾琪爲寧遠大將軍駐巴里坤噶爾丹策零遣小策零敦多卜以二萬衆犯關合圖掠駝馬總兵樊延副將冷大雄拒退之九年六月傅爾丹出師敗績於和通淖爾兵二萬得歸者僅二千餘岳鍾琪聞傅爾丹被圍急出師遙爲聲援亦不能大獲賊得志益猖獗大策零敦多卜駐華額爾齊斯小策零敦多卜駐喀喇額爾齊斯日伺釁擾邊時方築城於科布多以地遠難守移營於察罕瘦爾以順承親王錫保爲靖邊大將軍鎮之降傅爾丹仍爲振武將軍又以馬爾賽爲綏遠將軍駐歸化城爲犄角兩策零敦多卜一由郭多里一由杭愛來掠喀爾喀公通廉克兩佐領人畜爲所擄通摩克率所部內移小策零敦多卜自率大眾屯蘇克勒達錫保令喀爾喀親王丹津多爾濟及額駙策凌與戰於鄂登楚克敗之時議以推河翁金河拜達里克河三處皆要地乃各築城爲大營犄角馬爾賽率兵移守拜達里克城以扼山南之衝十年又有塞卜騰策零那木扎爾由烏魯木齊來擾哈密岳鍾琪遣總兵曹勳副將紀成斌拒之秋噶爾丹策零傾國入寇至額駙策凌所部策凌方入朝遂盡掠其貲畜一子一妾亦爲所得策凌在途聞之割辮髮及所騎馬尾誓以死復讐卽借各蒙古兵回救噶爾丹策零方酣飲爲樂策凌夜半由間道繞出山後黎明自山頂

大呼壓而下賊驚起人不及甲馬不及鞍棄其軍貨猝遁策凌追及之於額爾德尼招左阻山右限大水賊無路走我兵乘勢躡之擊殺數萬戶滿山谷河水數十里皆赤噶爾丹策零由鄂爾昆竄去策凌即檄馬爾賽出拜達里克城截殺臣秋濤謹案趙翼謂策凌急檄馬爾賽出歸化城邀擊魏源曰考方千餘里賊敗必西走何由轉繞大漠東南爲歸路乎副將軍達爾濟整兵待發馬爾賽不許副都統傅松筠新疆識略俞正燮癸巳類稿並沿其誤故辨之

副將軍達爾濟整兵待發馬爾賽不許副都統傅鼐至跪求出兵亦不許軍士登城望見賊騎由城下過如亂鴉投林紛雜無行列翌日將士不稟命自出追之噶爾丹策零已從前隊過僅截其零騎馬爾賽由是伏法而噶爾丹策零衰弱亦不敢擾邊尋遣人來議和十二年傅鼐及學士阿克敦報之尋以所議邊界不決使命往返至乾隆四年始定議厄魯特游牧不得過阿爾台喀爾喀游牧不得過札卜堪兩國各遵守已又許其通市易及進藏作佛事人馬貨物各限以數乃盡撤西北兩路兵十年噶爾丹策零死其子策妄多爾濟那木扎爾嗣位昏暴不恤國事十五年其姊夫賽音伯勒克弒之立其庶兄喇嘛達爾濟本噶爾丹策零外婦所生子也有大策零敦多卜之孫達瓦齊於喇嘛達爾濟爲近屬喇嘛達爾濟忌之輝特台吉阿睦爾撒納者最狡黠欲搆達瓦齊篡亂而已從後圖之乃與達瓦齊合兵突入伊犁弒喇嘛達爾濟達瓦齊自立爲汗阿睦爾撒納欲襲之而力不敵十九年遂與都爾伯特台吉訥默庫和碩特台吉班珠爾率所部二萬餘人來降且乞師往靖亂其意欲借我兵力滅達瓦齊而已得據其處也先是喇嘛達爾濟之立以台吉達什達瓦素爲策妄多爾濟那木扎爾所任用執而廢之欲以其部衆分賞各台吉其部有宰桑薩拉爾不肯他屬率千戶來降○高宗純皇帝授爲散秩大臣詢以準夷事情悉其內亂狀然尙未欲用兵

也迨達瓦齊之篡有都爾伯特台吉策凌

臣秋滿謹案一作車凌下同

及策凌烏巴什策凌蒙克率所部來降益得

悉其情形亡可企足待○高宗純皇帝念我朝數十年設斥埃議邊防厲兵秣馬欲殄滅準噶爾而未
能者今事會適有可乘時不可失於是用兵之策遂決方調兵籌餉以圖大舉而阿睦爾撒納來降尙
書舒赫德奉○命往撫率請留其壯丁於烏里雅蘇台軍營而部落悉徙蘇尼特斥罷之更以尙書班
第往輯其衆俾游牧於札卜堪阿睦爾撒納等至熱河封爲親訥默庫班珠爾皆封郡王寵賚甚至二
十年春兩路出師北路以班第爲定北將軍阿睦爾撒納爲定邊左副將軍副之西路以陝甘總督永
常爲定西將軍薩拉爾爲定邊右副將軍副之所至準夷各部落大者數千戶小者數百戶攜餽酪獻
羊馬跪迎恐後兩路兵行數千里無一人抗顏行者五月五日齊抵伊犁達瓦齊已遁於格登山阻淖
爲營衆尙萬餘我兵追及之侍衛阿玉錫等夜以三十二騎直薄其營呼噪突入賊萬衆驚潰達瓦齊
竄於呼爾滿回酋霍集斯承檄縛獻軍門並獲青海叛賊羅卜藏丹津及前歲已降復叛之巴朗先後
檻送入京行獻俘禮是役也出師僅百餘日不傷一兵不折一矢犁庭掃穴生縛名王沙漠萬里悉入
版宇信自古未有之駿烈也厄魯特之先故有四衛拉特華言四大部也部各有汗○高宗純皇帝之
初用兵也欲俟平定後仍其舊設四汗衆建以分其勢可以消亂萌息邊釁如喀爾喀之編七旗至今
長享太平而阿睦爾撒納志不在此也○高宗純皇帝預燭其情甫出兵卽密諭班第示以分封四汗
之意以消其妄念又以額駙色布騰巴爾珠爾本科爾沁親王與阿睦爾撒納語言相通氣類相近令
與阿睦爾撒納偕行俾耦居無猜實陰伺察之乃額駙反與之昵阿睦爾撒納遂恃爲奧援旣平伊犁

班第及西路參贊大臣鄂容安留伊犁與阿睦爾撒納薩拉爾共籌善後事宜阿睦爾撒納輒隱以汗自處事多不稟承將軍生殺任意置副將軍印不用用其國汗舊傳小紅鈴記發書鄰部哈薩克及俄羅斯之烏梁海又使其黨布流言謂不立阿睦爾撒納爲汗準部終不得安班第鄂容安密以其事馳奏得○旨卽軍中誅之毋濡忍貽後患而是時大兵已撤隨將軍者僅五百兵其餘皆厄魯特也班第等遂不敢舉事時先有○旨令阿睦爾撒納以九月至熱河行飲至禮班第等乃趣其入覲欲使入我境則易擒也先是六月中額駙先回阿睦爾撒納私以總統四部之意乞其代表並約略時日以七月下旬爲期及額駙歸不敢奏而阿睦爾撒納待信不至以入覲期迫班第又令喀爾喀親王額林沁多爾濟伴行阿睦爾撒納不得已自伊犁起行途次屢遷延迨八月中旬尙無信疑事中變十九日行至烏隆古距其舊游牧僅一日程詭稱歸辦裝以副將軍印付額林沁多爾濟使先行約一二日卽追及遂率所部逃去額林沁多爾濟久之始悟其紿已急追之已不及阿睦爾撒納寄聲伊犁衆厄魯特嗾其反又使其黨阿巴噶斯哈丹等掠西路軍台先已潛遣人迎其妻子及部衆於札卜堪賴先事已奉○聖諭烏里雅蘇台軍營得爲備其妻子遂不能去而伊犁宰桑克什木敦多卜曼集等蠶起爲亂二十三日班第鄂容安薩拉爾率五百兵奪路歸賊萬衆圍之至崆吉斯薩拉爾先遁五百兵皆散班第鄂容安自刎死定西將軍永常方駐木壘聞軍台被掠六七處恐賊大至乃退回巴里坤時新降諸台吉方覲於熱河噶爾藏多爾濟封爲綽羅斯汗沙克都爾滿津封爲和碩特汗巴雅爾封爲輝特汗其先降之策凌已封親王至是亦封爲都爾伯特汗其餘宰桑呢嗎丹津巴桑厄魯錐音哈薩克錫拉等

各授官賞銀幣皆願歸出兵協勦阿睦爾撒納○高宗純皇帝以額駙匿情不奏致誤軍事革其爵發軍前効力額林沁多爾濟與阿睦爾撒納偕行而聽其免脫立賜之死又以永常恆怯退兵逮問來京以公策楞爲定西將軍富德玉保達爾黨阿俱爲參贊大臣由巴里坤速進兵十一月師行玉保爲前隊諸降夷入覲後回游牧者亦各以兵從二十一年正月薩拉爾自伊犁脫歸迎大軍於吐魯番玉保至特克勒探知阿睦爾撒納僅距一日程急進可追及忽有報台吉諾爾布已擒阿睦爾撒納來獻者玉保遂駐兵待之先以紅旗報捷於策楞策楞亦不暇審虛實卽以紅旗報入○京而不知報擒阿睦爾撒納者卽阿睦爾撒納所遣慮我兵追及故以此緩師而已得逸去也二月策楞兵至伊犁阿睦爾撒納已逃入哈薩克乃褫策楞玉保職用達爾黨阿爲定西將軍富德副之以擒阿睦爾撒納事專任此二人直入哈薩克索取繼○命巴里坤辦事大臣兆惠爲定邊左副將軍往軍營應援諸降夷在軍前者皆撤歸使得休息夏六月忽有喀爾喀郡王青滾雜臣秋濤謹案一作青滾咱卜撤軍台之事北路郵驛本喀爾喀各部應役自用兵以來軍報絡繹需人馬頗多青滾雜卜苦之遂撤其所設台文報中所又以額林沁多爾濟之賜死謂我喀爾喀本青吉斯汗子孫例不治罪以此散流言衆喀爾喀惑之自十六台至二十九台一時盡撤乃以超勇親王策凌之子成衮扎布爲定邊左副將軍往勦捕又○命尙書納延泰侍郎阿桂等往各台旋即復設達爾黨阿等之追賊至哈薩克界阿睦爾撒納方借哈薩克兵來拒我兵擊敗之陣獲哈薩克人楚魯克等願說其會長阿布賚擒阿睦爾撒納來獻阿布賚遣人送馬並爲阿睦爾撒納乞命達爾黨阿不許使命往返迄數月未得賊時將冬寒○命達爾黨阿等撤

兵由北路歸與成袞扎布協擒青滾雜卜是年冬阿桂追獲之始伏誅而西路諸降夷巴雅爾呢噶爾藏多爾濟哈薩克錫拉等聞青滾雜卜之變亦羣起叛亂我副都統和起殲馬策楞玉保逮入京在途亦爲所害兆惠方駐兵濟爾喀朗聲息阻隔或傳其率兵途次爲賊所截者巴里坤大臣募人往探大風雪莫敢應有守備高天喜獨請行侍衛圖倫楚已由巴里坤率兵往兆惠方率千有五百兵轉戰而東自十一月起行戰於塔勒奇戰於鄂壘前後殺賊數千二十二年正月至烏魯木齊諸賊皆會自十二日至十七日數十百戰然軍中無馬皆步行雪淖中履襪亦多不完所食惟瘦駝疲馬且將盡二十三日至特納格爾今阜康縣不復能衝殺乃結營固守三十日圖倫楚兵至諸賊始解圍去兆惠得圖倫楚兵又往勦巴雅爾部落始回巴里坤是歲再出師擒阿睦爾撒納並勦沈諸叛者成袞扎布出北路兆惠出西路皆於三月中起行會諸賊自相吞噬扎納噶爾卜襲殺噶爾藏多爾濟呢嗎又欲襲扎納噶爾卜不果阿睦爾撒納自哈薩克歸會諸賊於波羅塔拉欲自立爲汗我兵將至又遁去諸賊皆竄匿於是兆惠擒原任內大臣巴桑鄂博什擒原任散秩大臣厄魯錐音圖倫楚擒原任貝勒訥奇木海蘭察擒巴雅爾烏爾登擒呢嗎扎納噶爾卜已病故台吉琿齊達瓦以其首來獻惟阿睦爾撒納尙未獲夏六月兆惠富德等又窮追至哈薩克阿布賚善擒以獻適阿睦爾撒納率二十人往投阿布賚約以詰朝相見先使人收其馬阿睦爾撒納驚又逃阿布賚執其兄達什策凌送軍門阿睦爾撒納徒步入俄羅斯爲樵者所得守卡之瑪玉爾送往其國察罕汗處理藩院行文俄羅斯索之阿睦爾撒納患痘死俄羅斯以其屍送入邊兆惠富德因擇地過冬明年再盡勦厄魯特之漏網者二十三年春兆惠由

博羅布爾噶蘇富德由賽里木如獵場中分兩翼合圍會於伊犁凡山脈水涯可漁獵資生之地悉搜剔不遺於是準部悉平設伊犁將軍以蒞治之建官屯田築城開渠遂爲西北一大都會億萬年被○聖澤於無涯云

朔方備乘卷四

拔貢張惇德初校知縣吳壽坤覆校

朔方備乘卷第五

聖武述略五

征烏梁海述略敘○臣秋濤謹案西北部族有居國行國之殊人人能言之至同一行國而有游牧採捕之別則知之者罕今漠北之地烏梁海業採捕散處山林而受役屬於喀爾喀準噶爾諸大部蓋自古漠北之俗以游牧者爲強國而捕貂打牲之人附之匈奴之興役屬丁零諸部突厥之興役屬鐵勒諸部以古準今若合符節康熙年間喀爾喀既內屬其所屬之烏梁海等亦皆歸順○天朝供賦聽役比於內地惟準噶爾所屬之烏梁海部人在烏里雅蘇台之北俄羅斯之南阻深負固未供貢役○聖祖初亦度外置之已而策妄阿拉布坦跋扈倚烏梁海爲援始議征烏梁海以殺準部之勢厥後北路大兵控扼要衝因以漸撫勦迨及乾隆年間又屢征之而卡倫外之烏梁海遂全歸版籍矣自定界以外直抵俄羅斯國別有屬彼之烏梁海人貢貂於彼國蓋風俗同而統轄異也烏梁海部落雖小然金山劍海之間古爲用武之地自○天威遠震疆以戎索而卡倫以外闊地數千里所謂無形之金湯也臣秋濤謹詳稽其事以志○聖世幅員之廣迥超前代云

征烏梁海述略○烏梁海卽明時兀良哈部族在蒙古諸部之北而役屬於蒙古諸部大抵蒙古事游牧非平原曠野弗便也烏梁海事採捕非深山密林弗便也瀚海以外迤南近內扎薩克多平原曠野喀爾喀蒙古居之迤北近俄羅斯多深山密林烏梁海居之以故烏梁海種人與俄羅斯尤爲密邇有我○朝所屬之烏梁海歲以五貂貢於我○朝有俄羅斯所屬之烏梁海歲以五貂貢於俄羅斯其附

近邊境者又有彼此各取一貂之烏梁海至雍正五年始議停止然俄羅斯仍私征一貂如故我○朝亦姑置勿問也又尼布楚城本我茂明安蒙古舊地其樹林中亦多烏梁海種人康熙二十八年議界割屬俄羅斯然此皆未嘗征所征者乃屬準噶爾之烏梁海也先是扎薩克圖汗部人根敦者世居和託輝特其地爲喀爾喀極邊西近厄魯特北近俄羅斯俗喜鬪烏梁海復錯處其間捕貂射獵依木而居納賦於和託輝特有事則藉之爲兵故和託輝特雖隸扎薩克圖汗實自爲一部康熙二十五年尙書阿喇尼菴監承○制授根敦扎薩克使領其衆四十四年根敦卒以其嗣子博貝襲扎薩克輔國公四十八年○諭口博貝與厄魯特接壤防守不可不嚴念伊力孤必得族中兄弟助之方克有濟納瑪琳藏布本和託輝特人著授扎薩克一等台吉與博貝同居尋○賜牧塔斯郭勒克木克木齊克地厥後遷烏梁海人於此因號克木克木齊克烏梁海云五十四年○上以準噶爾策妄阿喇布坦扇衆喀爾喀○命散秩大臣祁里德率大軍赴推河偵禦扎薩克博貝從往博貝因言準噶爾不靖恃烏梁海障之乞往招若抗卽以兵取扎薩克台吉濟納彌達阿哩雅及根敦羅卜藏兵俱習戰請與同往○上聽其議從之此征唐努山烏梁海之始九月烏梁海頭目和羅爾邁率屬降先是和羅爾邁居吹河嘗以越界射獵爲博貝縛獻○上宥其罪○諭還巢至是將遣子瑚洛虎納請降博貝至因遷其游牧赴特斯冬和羅爾邁遁博貝追至喀爾罕什巴爾執之還五十九年八月大軍自阿爾台分路進勦準噶爾博貝偕朋素克喇布坦隨征西將軍祁里德由布魯勒進勦至鏗格爾河偵宰桑色布騰率衆據山守大軍分擊之降其屬二千餘並擒烏梁海逃衆四百封多羅貝勒藉準噶爾降衆賜之六十年調車

臣汗兵防護烏梁海降衆於巴顏車爾克雍正元年有厄魯特羅卜藏錫喇布者烏梁海人初隸厄魯特和託輝特貝勒博貝擒降之置汗阿林後徙置察哈爾授佐領借藍翎侍衛春丕勒轄其屬至是攜衆叛逃土謝圖汗部扎薩克車木楚克納木扎勒偕同部扎薩克車布登車臣汗部貝勒旺扎勒偕同部輔國公車稜旺布扎薩克色稜達什等追擒之射斃賊衆阿玉什額博壘等○上嘉悅敘功晉封車木楚克納木扎勒爲多羅貝勒以車布登父原爵貝子晉封多羅貝勒封旺扎勒多羅郡王尋授副盟長二年正月貝勒博貝來朝○諭廷臣曰朕詢貝勒博貝管轄烏梁海何以資生據奏在將軍祁里德處借餉一萬八千餘兩買牲分給各得產業今勝於昔所借項伊自以貝勒俸逐年扣抵朕思博貝宣力戎行動績卓著且烏梁海均朕百姓豈有朕之百姓而借餉於朕之理所借銀兩著不必扣還諭祁里德知之三年和羅爾邁復遁由阿哩克竄準噶爾界博貝遣次子額琳沁由托濟邀擒而自赴克木克木齊克緝叛黨誅之四年正月博貝偕策凌奉○命勘阿爾台形勝初厄魯特與喀爾喀未構兵時錯處科布多烏蘭固木地噶爾丹旣滅喀爾喀西境直抵阿爾台故自唐努山陰之克木克木齊克至博木等處皆博貝及來歸之厄魯特貝子策稜旺布所屬烏梁海游牧其地至是策妄阿喇布坦奏克木克木齊克舊隸準噶爾乞還○上弗許慮伺間掠烏梁海○詔博貝率所部兵千隨前鋒統領定壽駐唐努山陽特斯地防護之尋○諭理藩院曰朕詳思克木克木齊克烏梁海皆博貝等所屬和羅爾邁旣已就擒交博貝撫恤居之公所但念此等人向在喀爾喀邊外林木中射獵爲生與準噶爾所屬烏梁海接壤又與俄羅斯連界宜令博貝等同大臣前往曉

諭令自爲豫備以防不虞著傳諭博貝知之五年博貝率子額琳沁追擒烏梁海逃人和羅爾邁於托濟降其衆雍正八年博貝卒康熙年間征烏梁海之議發自博貝厥後撫輯降衆殫竭心力而唐努山北之烏梁海遂入版圖皆博貝功也乾隆七年○賜扎薩克圖汗部一等台吉額琳沁公品級○命轄烏梁海降衆十四年烏梁海降人巴黨道有烏勒木濟者馳告旺布多爾濟追至貢贊伯勒齊爾盡擒還理藩院議雖擒獲究因疏懈所致停敘功○上以旺布多爾濟聞信疾追奮勇可嘉仍○賜幣旺布多爾濟額琳沁子也尋授二等台吉十六年三月博貝之孫青滾咱卜坐縱屬私與準噶爾互市罪削爵○諭曰青滾咱卜縱所屬人私出汎界與準噶爾回衆貿易以致潛居烏梁海甚屬疏懈且於特諭擒解之喇嘛札木闡尙未解到怯懦推諉深負朕恩著革副將軍及扎薩克貝勒爵朕觀額琳沁人材出衆著襲扎薩克多羅貝勒但念青滾咱卜係博貝長孫一旦全削朕心殊爲不忍著卽以額琳沁所遺公品級扎薩克台吉職令其調補○詔額琳沁議定烏梁海出入汎界例並飭禁所部越境與準噶爾及回衆私市十八年扎薩克圖汗部二等台吉達什朋素克隨北路軍營參贊大臣薩拉爾擒私入科布多汎之烏梁海人札木闡等薩拉爾者厄魯特人初爲準噶爾宰桑乾隆十五年準噶爾內亂薩拉爾率四十七戶投誠○授散秩大臣至是立功○高宗嘉獎之授內大臣尋○命薩拉爾收烏梁海及札哈沁衆此征阿爾泰烏梁海之始是年杜爾伯特部三車凌來歸十九年二月烏梁海人博羅特瑚圖克等擅入汎界土謝圖汗部扎薩克輔國公巴木丕勒多爾濟次子車登三丕勒隨參贊大臣薩拉爾擒之有○詔獎諭薩拉爾遂由喀格進屯卓克索招撫

烏梁海青滾咱卜額琳沁等並率兵從旋追擒禡木特黨札木闌等額琳沁尤奮勵薩拉爾以聞○詔封輔國公二月○諭成衮扎布曰前因軍營無事額駙策凌年老就近以塔密爾作爲軍營今有辦理烏梁海之事軍營應移駐烏里雅蘇台以塔密爾作爲內地尋與尙書舒赫德議防秋○詔來京面授方略三月以收撫烏梁海○詔桑齋多爾濟署所部副將軍偕車布登率諸部兵親隨成衮扎布駐防鄂爾海喀喇烏蘇尋偕參贊大臣安崇阿德甯等移駐庫克嶺九月青滾咱卜及土謝圖汗部扎薩克台吉三都布多爾濟各以兵千隨參贊大臣努三等赴阿勒和碩偵烏梁海宰桑赤倫遁吹河乃率兵由喀喇莽柰直抵所居降其衆四百四十五戶徙所屬台吉班札喇克察於特斯偉袞安置之薩拉爾又率額琳沁車布登札布貢格敦丹車木楚克札布等勦撫烏梁海宰桑達克車根等於察罕烏蘇尋復擊宰桑禡木特及通禡木特降之十一月敘功晉封青滾咱卜郡王品級復授所部副將軍二十年正月烏梁海降臣察達克招包沁種人來歸並察獲杜爾伯特所屬以獻○詔給所部敘功授察達克內大臣七月固爾班和卓等賊衆千餘戶潛通烏梁海誘同逃大軍猝與遇分路掩擊盡誅之先是班第之勦達瓦齊於伊犁也道出阿爾台以烏梁海潛附準噶爾遣車布登沿途勦捕至固爾班鼐塔克及烏蘭布拉克喀喇哈巴地遇烏梁海副都統察達克屬得木齊綽罕宰桑圖布慎屬得木齊喀喇曼濟等衆盡降之並獲叛賊巴明從賊二百餘戶師旋車布登偕副都統敦多卜率兵三百由薩噶勒巴什嶺往收汗烏梁海汗卽烏梁海所居地也宰桑郭爾卓輝鄂木布及布魯古特宰桑根都什特楞古特宰桑瓜齊楞皆率衆降青滾咱卜又招降宰桑齊巴漢等

自是烏梁海地略定編新降旗分補授總管以青滾咱卜習烏梁海情命總轄之先是巴朗叛逃青滾咱卜追至和通鄂博率兵還言巴朗由西路額琳哈畢爾噶遁故追不及至是巴朗就擒青滾咱卜言盡妄○諭責之尋烏梁海逸賊戕守汛侍衛貝多爾時齊巴克札布率兵駐防奇爾吉斯諾爾卽偕根敦往捕至察罕烏蘇遇青滾咱卜自伊犁歸與合兵赴巴斯庫斯收撫烏梁海時舊屬準噶爾之烏梁海散居汗哈屯等處青滾咱卜宣揚○上命於是各宰桑曰哈爾瑪什曰瑪濟岱曰納木札勒曰保衮曰莽噶拉克曰納穆克布曰珠庫鄂木等相繼降敘功車布登封多羅貝勒齊巴克札布公品級九月○諭青滾咱卜率烏梁海兵隨參贊大臣哈達哈勒阿逆方大軍之勦達瓦齊也青滾咱卜與阿逆同隊交甚暱定北將軍班第與參贊大臣薩拉爾密奏阿睦爾撒納逆狀青滾咱卜微聞之私以相告阿逆既叛青滾咱卜潛遣烏梁海人諾爾布丹津赴阿逆所至是事發○諭哈達哈擒解來京未幾○上追念其招撫烏梁海功○宥弗究會烏梁海賊郭勒卓輝博博等諂傳阿逆煽哈薩克阿布賚汗入寇仍○命青滾咱卜以參贊大臣隨哈達哈進勦二十一年三月以阿睦爾撒納煽烏梁海梗哈薩克道○詔札哈沁公札木禪從哈達哈勦烏梁海叛賊有固爾班和卓者奇爾吉斯宰桑也攜千餘戶潛赴烏梁海車布登札布及車登三丕勒等邀擒之因進兵哈薩克界五月達爾齊雅及納木扎勒齊蘇隴等由海喇蘭伯勒齊爾旺勦烏梁海之倡亂者追至庫楚克及哈達什伯根斬獲甚衆大軍抵烏梁海青滾咱卜私攜所部兵還牧搆逆且遣人赴烏里雅蘇台軍煽眾喀爾喀令散歸輝特逆賊普爾普德濟特等由固都爾格叛逃齊巴克札布追擒之復隨參贊大

臣納穆札爾捕烏梁海逃衆至阿固特賊逸尾擊之歿於陣事聞○諭曰齊巴克札布歿於行陣深堪嘉憫著追封輔國公賜銀三百兩治喪視一品大臣例賜祭葬入祀昭忠祠其子巴圖濟爾噶勒襲爵並授扎薩克○詔貢楚克札布由翁吉達什和碩解內扎薩克馬納烏里雅蘇台自青滾咱卜屢干重譴○上不忍置之法○恩宥者三至是叛蹟顯著不可復追○諭廷臣曰青滾咱卜受朕恩最深去歲將軍大臣參奏阿逆伊敢私自漏洩百計趨承以致阿逆趾高氣揚肆行無忌後於追緝之時觀望退縮妄言必得兩路出師五萬方可追擒種種乖謬指不勝屈前此屢欲掄治念伊祖博貝夙著勤勞施恩寬宥今無故自軍營擅歸又揚言額琳沁多爾濟達木巴扎布等治罪之後衆心疑懼而喀爾喀數年以來皆以用兵爲累以其怨望之私託爲他人之說妄行瀆奏藐法已極斷難姑容必當明正典刑以示懲戒著傳諭舒明阿蘭泰知已歸游牧可諭哈達哈等旋師往勦如至舒明所駐地方卽降旨擒解青滾咱卜之叛造僞符撤汎兵衆扎薩克多爲所惑延丕勒多爾濟子旺沁多爾濟等並棄汎歸牧士謝圖汗部貝勒達什丕勒亦慮所屬游牧被掠由烏里雅蘇台軍營私歸尋覺其詐督兵護台汎獨桑齋多爾濟飭所屬安伍察獲台吉阿雅喇所匿僞符扎薩克圖汗部台吉遜篤布與車臣汗部扎薩克台吉成袞扎布亦察其詐安堵如故初遜篤布等以檄由德沁札布所至疑與青滾咱卜通以聞○諭曰僞檄流傳或係他人假冒德沁札布之名亦未可定著加恩免究飭令速歸舊汎接理驛務毋自貽誤遜篤布督兵嚴守各汎誓以死拒事聞○諭曰喀爾喀王公等爲青滾咱卜所煽多擅離職守遜篤布等特一扎薩克台吉耳獨明大義不肖附逆誓死效力朕甚嘉之○賜公品級以示獎勵○詔獎

桑齋多爾濟之能授北路參贊大臣○命往諭烏梁海總管赤倫協擒青滾咱卜時汗哈屯烏梁海眾附青滾咱卜叛○詔杜爾伯特汗車凌率兵從勦自諸扎薩克棄汛後驛路中梗軍書旁午不得達經過官吏輒遇害車木楚克札布督兵續遞文報同部三等古吉噶瓦供給牲畜爲之護送且多捐馬助驛用諸汛之路始通○詔晉封車木楚克札布多羅貝勒○賜噶瓦公品級○諭達什丕勒曰昨聞達什丕勒私歸游牧朕卽料其不過爲浮言所惑今果知悔悟率兵接遞驛務前咎不足深責仍加恩晉封郡王品級但驛站既係新設非加意巡察恐有遲誤著達什丕勒會同總管達松阿等悉心辦理七月宣○諭喀爾喀王公等曰青滾咱卜係獲罪斥革之人復加恩令襲貝勒並授副將軍去歲從征伊犁封授郡王稍有人心自當圖報執意深負朕恩實出情理之外此次辦理烏梁海授爲參贊予以自新之路伊至烏梁海並未擒獲鄂木布郭勒卓輝等卽撤兵還雖自有哈達哈率兵往勦伊卽退還無關輕重但旣爲參贊並不奏請諭旨亦未咨報將軍率兵擅還律以軍法罪不容誅且妄造浮言煽惑衆聽其心實不可問試思辦理準噶爾一事原爲喀爾喀經理長久之計命將興師以期一勞永逸然選派爾部官兵俱經賞給錢糧米石購辦牲畜何次不給價值而伊乃以連年用兵爲累是誠何心至軍營賞罰乃國家憲典所必行達木巴札布係管理杜爾伯特游牧之人縱令巴朗遁走諱匿不報額琳沁多爾濟監視阿逆來京明知叛蹟已著袖手旁觀致令免脫二人情罪斷無可逭然猶不忍加以顯戮令其自裁此而曲爲寬貸國法何在伊乃謂成吉思汗裔向不治罪此語舛謬更甚如朕宗室中有犯刑章者朕又何嘗廢法耶至於稍知奮勉如巴雅爾什第桑齋多爾濟及車布登札布等則優封

顯秩賜賚便蕃伊寧不聞之耶本應除其屬衆削其封爵朕始終眷念舊勲不忍遽令漸滅所有貝勒
爵仍著施恩以額琳沁子輔國公旺布多爾濟承襲先是喀喀爾喀爲青滾咱卜所煽棄汛私歸或乘
間肆劫青滾咱卜又分遣其黨誘厄魯特貝子朋素克公丹拜及烏梁海總管赤倫察達克等與同叛
及聞○聖諭無不悔悟乞罪七月○詔旺布多爾濟就近擒獻青滾咱卜○諭曰逆賊青滾咱卜背恩
叛逆所襲之爵自不應復令承襲但念此爵本係博貝所襲且效力有年不忍遽削著加恩卽令旺布
多爾濟晉襲青滾咱卜所屬盡轄之會哲布尊丹巴呼圖克圖以青滾咱卜悔罪乞宥具奏○詔弗許
青滾咱卜窘懼爲擁兵自衛計脅所屬曰伊克和託輝特曰巴罕和託輝特曰明噶特曰哈柳沁曰托
斯曰奢集努特六鄂拓克及烏梁海十六鄂拓克附已大兵至皆棄去青滾咱卜攜孥由托濟走斯吉
特謀遁俄羅斯○諭旺布多爾濟爾必無與逆賊同謀之事朕可深信昨據貝勒車布登札布屬人告
稱逆賊令遷爾游牧爾雖聽從並非有心附之今大兵已抵和託輝特爾若能擒獻朕必加重賞否則
率屬速赴軍營既可求受朕恩且不墮爾祖博貝舊勲况青滾咱卜屬人不過脅從若棄之來歸概免
治罪爾其熟思審慮善自爲計毋貽後悔十一月成衮扎布遣參贊大臣納穆札爾輕騎往追青滾咱
卜旺布多爾濟亦率兵從至杭哈將噶斯擒青滾咱卜及其子曰車蘇隆多爾濟曰齊旺札布巴里械
送京師賊平解德沁札布參贊大臣職十二月○諭曰親王成衮扎布奉命討罪實心效力迅奏膚功
朕甚嘉之著賞杏黃帶封伊第四子占楚布多爾濟爲世子以獎忠勤成衮扎布奏和託輝特屬六鄂
拓克並烏梁海十六鄂拓克聞大兵至卽解向知感戴和託輝特輔國公旺布多爾濟係貝勒博貝嫡

嗣輔國公多爾濟車登台吉達什朋素克係博貝從子皆未附逆請令轄青滾咱卜屬至車登札布助逆時台吉諾爾布曾經諫沮弗聽乃率眾台吉馳赴烏里雅蘇台軍汛訴世受○國恩誓不從賊因率屬由博羅哈卜齊爾赴察罕托輝游牧供應駝馬亦極奮勉請授扎薩克令轄車登札布屬庶伊等不致離析各扎薩克知感自必嚴加鈐束○詔獎協機宜如議行二十一年正月青滾咱卜伏誅○特旨宥其幼子巴里八月車木楚克札布借唐喀祿奏言杜爾伯特貝勒巴圖博羅特公舍稜台吉阿喇善等通阿逆走額爾齊斯不從其汗車凌徙牧臣等偵得狀偕副都統瑚爾起馳赴輝巴郎山後擒巴圖博羅特並勦烏梁海賊五十戶乃旋兵赴塔爾巴噶台緝哈薩克錫喇○諭嘉其能和衷且協機宜以○御用佩飾賜之飭敘加級九月○諭車木楚克札布偕車布登札布招降烏梁海宰桑博和勒納木札勒等車布登札布奏請遣烏梁海內大臣察達克往招之並由布延圖軍選兵策應○上矧其議於是察達克率兵四百往招車木楚克札布檄布延圖兵百繼進盡降之有特勒伯克札爾納克者阿勒坦諾爾之烏梁海宰桑也聞之亦攜屬至○詔車木楚克札布定貢賞例宣示○德意此阿爾泰諾爾烏梁海歸附之始十二月○諭曰車木楚克札布數年宣力戎行勤勞懋著近復招降烏梁海善爲撫納著晉封多羅郡王二十二年先是杜爾伯特及烏梁海未內屬錯牧額爾齊斯後杜爾伯特諸台吉游牧札克拜達里克初徙牧額克阿喇勒再徙額爾齊斯烏梁海就撫以烏蘭固木地給之車凌等復請由額爾齊斯往徙遣都統納穆札爾往勸杜爾伯特及烏梁海牧界車凌復請以烏蘭固木爲屯耕地而游牧於科布多額克阿喇勒○允之○詔嚴禁所屬勿攘竊尋以錯牧不便宜定烏蘭固木爲杜爾

伯特牧別以科布多爲烏梁海牧車凌謀明噶特烏梁海衆叛竄哈喇爾榜復遣兵勦之○詔酌賞從軍弁兵免追從征達瓦齊所給駝馬有察袞者車凌婿也附阿逆叛聞追軍至竄和落霍斯河爲達什所擒獻論誅宥其妻給車凌準噶爾黨有額爾克勝者準噶爾二十四鄂拓克之一也既降尋叛謀竄俄羅斯有不從者二人中道脫歸至車凌所以告車凌以其一械送科布多軍以一給輝特扎薩克袞布爲導令率兵六十往勦袞布馳踰阿爾台遇賊於杭愛海圖擒斬其男俘妻女歸無脫者○獎賜茶幣二十三年春車木楚克札布奏偕察達克勘烏梁海戶口其得泰有十餘戶二十餘戶不等分置得木齊及收楞額等員請並戶少者約四十戶編得泰一○上知其悉烏梁海情○詔如所請四月烏梁海總管阿拉善攜戶百餘叛逃車木楚克札布率扎薩克圖部公多岳特追捕有車根者亦烏梁海總管也縛獻阿拉善收其衆又有烏梁海人恩克叛逃○命成袞扎布調諸部兵悉擒其屬衆並○賜銀幣尋○諭扎薩克圖部公多爾濟車登偕參贊大臣福祿緝烏梁海劫賊布爾古特布格等擒之並蒙○獎賚時烏梁海賊阿木古朗等劫馬扎薩克圖部扎薩克達什朋素克護所屬福祿劾之○詔削扎薩克留軍效力尋隨福保追擒阿木古朗等寘於法○詔宥前罪仍授扎薩克恩克等之叛竄也其屬已就擒惟恩克未獲九月車木楚克札布諜恩克竄哈屯河疏請暫歸阿勒和碩屯駐冬雪後賊必就擒○許之十二月車木楚克札布果擒恩克○賚幣是年烏梁海種人明噶特叛定邊左副將軍成袞扎布檄杜爾伯特扎薩克輔國公巴圖蒙克追勦之明噶特舊爲厄魯特屬以大軍定伊犁乞降○詔置之黑龍江之呼倫貝爾既而由納林喀喇泥叛遁巴圖蒙克追之遇諸烏蘭固木河環以兵不

卽降中夜圍稍懈賊乘間逸成衮扎布劾之○上以杜爾伯特部新附且聞檄卽以兵往○詔免飭責仍量加賞賚二十四年七月車都布多爾濟隨杜爾伯特郡王車凌烏巴什等追勦烏梁海宰桑庫克辛盡降其衆○詔嘉之○命乾清門行走先是烏梁海人郭木薩以擅殺懼罪遁俄羅斯車都布多爾濟追至和寧嶺縛之獻至是並○賚幣示獎八月○詔賽音諾顏親王成衮扎布安置新撫烏梁海衆是時烏梁海以科布多產貂無多生計艱難請徙就阿爾台山陽額爾齊斯之源採捕○上諭車凌烏巴什等曰額爾齊斯爲爾舊牧今爾移處烏蘭固木烏梁海察達克請游牧額爾齊斯地向會降旨爾等若願歸舊牧聽爾便今哈薩克已全部內附伊犁厄魯特賊衆復殲無子遺若爾果願歸舊牧可卽徙往額爾齊斯所遺烏蘭固木自可給烏梁海處之但哈薩克新附非爾等久爲內屬者比務宜嚴飭所屬安靜無事若爾部衆旣遵鈴束而哈薩克反來肆擾可卽擒誅之爾等或安土重遷則額爾齊斯地與其爲哈薩克俄羅斯所竊據不若令烏梁海往徙之也車凌烏巴什等奏察達克所請地係烏梁海舊牧距臣等牧遠且烏蘭固木地饒水草臣等游牧久請勿徙以額爾齊斯地給烏梁海○詔如所請十二月哈薩克襲烏梁海杜爾伯特以兵三百餘擊走之得○旨獎賚二十五年烏梁海爲哈薩克部人巴圖克巴圖爾所掠賽因諾顏部公額爾克沙喇獲被掠者詰之告以烏梁海游牧遠以故被掠且哈薩克汗阿布賚遣使至欲擒獻巴圖克巴圖爾○諭曰額爾克沙喇久駐哈薩克界可撤兵還卽以朕旨宣諭曰劫掠烏梁海係巴圖克巴圖爾一人所爲與其部長無涉使彼知之尋車布登札布偕車木楚克札布擒獲巴圖克巴圖爾二十六年三月賽因諾顏親王成衮扎布奏喀爾喀汎舊設阿爾

台今準夷回部底定向時戍區俱成內地請展札哈沁烏梁海喀爾喀等汛資耕牧奉○詔會勘二十八年奏奈曼明安至度濟察罕布爾噶蘇所設汛宜展至烏嚕木齊烏梁海內大臣察達克等勘巴顏珠爾克至烏拉克沁伯勒齊爾及烏嚕木齊可設汛十五俱相隔百里爲率軍機大臣遵○旨議奈曼明安舊汛應遠徙但千里長途喀爾喀難遙制應將附近烏嚕木齊之烏爾圖布拉克賽塔喇納里特濟木薩四汛令索倫綠旗兵駐防其蘇伯昂阿至烏拉克沁伯勒齊爾十一汛令成衮扎布督理○詔依議旣而成衮扎布來朝以督理烏梁海與哈薩克互市協夷情○諭獎之是年烏梁海叛賊庫克辛走俄羅斯道掠哈薩克馬土爾扈特親王車凌烏巴什率兵緝之偵匿和羅圖郭爾馳往擊賊潰竄尾至林際獲之斬庫克辛及從黨五十八人俘其孥及尸七十餘歸○詔賜幣並酌賞弁兵是後烏梁海感沐○聖化永遠綏謐迄今種人之著名者有三曰唐努山烏梁海凡四十五佐領曰阿爾泰烏梁海凡七旗曰阿爾泰諾爾烏梁海凡二旗分隸於烏里雅蘇台之定邊左副將軍及科布多之參贊大臣以地在卡倫之外密邇俄羅斯禁止商民前往貿易惟赴各城納貂之便許與民市仍禁賒借云

朔方備乘卷第六

聖武述略六

哈薩克內屬述略敘○臣秋濤謹案西北之國與俄羅斯爲鄰者曰哈薩克本回部之俗恃畜牧爲生東接塔爾巴哈台南接伊犁二城之境賴哈薩克爲屏蔽其分部大者有三曰左曰右曰北左右二部最近新疆右部之西卽俄羅斯始起地也阿睦爾撒納之叛遁也實與左部相犄角及○天戈進討權朽拉枯左部旣稽首稱臣右部亦舉國內附於是膺王公台吉之爵歲時朝覲納租賦悉與內地各蒙古相等自古康居大宛之地未有服屬中國若此者也至北哈薩克一部距中國最遠雖未受職納賦然其部當俄羅斯東俄南俄之中路通莫斯科僅三千里程實爲俄羅斯腹心大患故常宿重兵以防之然則講北徼邊防者詎可以蘇對小國忽不加察哉敬考○高宗純皇帝神武戡定之烈綴以地形山川爲哈薩克內屬述略一卷庶邊事有可稽云

哈薩克內屬述略○左部哈薩克東南與準噶爾接西與右部接北與俄羅斯接其常所會廷曰葉什勒傍葉什勒河東去塔爾巴噶台南去伊犁皆千里東南去鎮西府四千五百餘里其部曰鄂圖爾玉茲無城郭逐水草事遊牧冬夏別居無常處地廣人稠甲於他部境西北隅有獨樹一株其上五枝盤擎蔭廣可容二百騎名鄂喀引噶克又莫朵爲西域神物風俗物產大略與準噶爾等文字同言語稍異其君曰汗其汗族而爲首領者名蘇爾統相傳其地爲古大宛今詳考之蓋古康居國也其汗阿布賚初乘達瓦齊亂數侵擾準噶爾乾隆二十年二月準噶爾平○詔遣使往諭阿布賚言於使臣侍衛

順德訥達永阿日向問○大皇帝臨御中土以山川之故貢譯未通今 天威遠播掃伊犁興黃教俾與準夷俱慶昇平實無疆之福敢以誠心歸於○德化九月順德訥等以其使博洛布拜等歸伊犁阿睦爾撒納適以伊犁叛明年走哈薩克阿布賚納之○詔遣將軍達爾黨阿由西路哈達哈由北路先後以大軍進阿睦爾撒納之走哈薩克也有奈曼鄂拓克納拉巴圖者邀劫之不獲勦其眾阿睦爾撒納以三騎走附阿布賚其屬欲擒獻阿布賚不可乃遣和集博爾根以兵從阿睦爾撒納走努拉自率千騎西行會於蒿哈薩拉克鄂拉下以待我師七月將軍達爾黨阿兵至於雅爾拉與和集博爾根前隊二千餘兵遇賊設伏伴敗我師登於山俯其陰則伏在焉蜂屯蟻聚隨以號火乃堅壁壘繕營伍賊不敢出越宿遣烏爾登以輕騎致師分阿里袞鄂實哈甯阿明瑞爲左右翼將軍達爾黨阿副將軍扎拉豐阿執燾以中軍進齊努渾瑪瑞特通額爾登分部從之賊倉猝不及顧潰於山麓斬首五百七十餘級餘敗去我兵乘勝進努拉擒楚魯克是時和集博爾根方與阿睦爾撒納引二千騎西行我軍逼之列而陣出入廔戰良久獲其燾及礮賊乃亂斬三百四十餘級阿睦爾撒納易燻褱衣冠而遁初順德訥歸自哈薩克以阿布賚恭順狀聞復遣齋○勅往諭七月至博爾喀爾綽闊爲哈薩克兵所阻不得達至將軍哈達哈營乃遣扎薩克三都布等擊敗阿布賚兵於蒿哈薩拉克鄂拉下斬首百餘級奪其馬匹輜重無算阿布賚遁師從之復斬首百餘獲馬二百鎗械百餘獲昭華什由是三戰皆捷師至於伊什勒於是達爾黨阿哈達哈兩軍合楚魯克昭華什旣獲而見將軍極陳阿布賚之欲內附也將軍縱之俾往諭曰○大皇帝命將討叛爾從賊則死若能擒以來臣僕無二於是阿布賚亦稔知爲

阿睦爾撒納所賣將擒賊以求臣於我其謀泄阿睦爾撒納乃竊哈薩克馬十餘騎逃歸準噶爾二十二年將軍兆惠參贊大臣富德等復將兵西征阿睦爾撒納再走哈薩克六月阿布賚以兵三萬助擒阿睦爾撒納遣其弟阿布勒比斯爲前隊與我兵遇奉將軍馬一參贊馬一陳情請罪願受約束於是兆惠等復遣使往諭阿布賚乃遣亨集噶爾等奉良馬四表請內附其文曰自臣祖額什木汗楊吉爾汗以來從未得通中國聲教今祇奉○大皇帝諭旨加恩邊末部落臣暨臣屬靡不懼忭感慕○皇仁臣阿布賚願率哈薩克全部歸於鴻化永爲中國臣僕奏入○詔受之秋阿布賚使臣至○避暑山莊朝謁○賜宴萬樹園觀燈火阿布賚旣臣於我遂以其兵助擒賊與順德訥遇於途而言曰我哈薩克以阿睦爾撒納之故獲罪○天朝仰荷○大皇帝鴻慈不棄覆載爲臣爲僕願悉力擒賊庶贖前罪毋有二心阿睦爾撒納敢外幷幪是不祥人也是有天道其何能活乃以托忒烏珠克字印文導我師巡行諸部是月阿布賚將以計擒阿睦爾撒納於阿爾察圖不獲奔俄羅斯執其從賊額布濟齊巴罕來獻先是二十一年努拉之役和集博爾根以殘兵遁至是聞阿布賚降乃與喀拉巴拉特者親率其屬三萬戶款於軍門日外臣不識文字謹以身詣降將軍兆惠爲啟帳命東向坐將軍南向坐列筵食之牲體哈薩克俗必持咒破戒始食於是乃言爲○大皇帝臣豈敢稱禁因共飽啖畢引觀馬射懸鎖子甲射之徹其裊益大駭服約助擒賊叩首去左部咸服二十三年五月哈薩克拜濟格特部落之拜布拉克巴圖魯等獲布庫查罕六月哈薩克哈爾津等獲厄魯特和碩齊皆獻於軍械送○京師二十四年阿布賚復遣其兄子俄羅斯蘇爾統及其頭目伯克訥等來朝○賜宴○高宗較射於○御園得與

觀焉二十五年復遣使來朝宴之○命觀圖獵○賜勅諭俾約束所部毋越境游牧二十六年正月○賜勅諭寬所屬巴圖克巴圖爾侵掠烏梁海罪六月伴送使臣入○覲回程定派○乾清門侍衛禁哈薩克於烏里雅蘇台市易二十七年二月哈薩克阿布勒瑪木比特等遣使來朝值○聖駕南巡○覲於揚州○行在○賜冠服所屬哈喇圖魯什送歸厄魯特人口賞賚有加參贊大臣阿桂收取越界游牧之哈薩克等○諭寬其罪而還之五月弛烏里雅蘇台市易之禁仍禁私市七月阿布賚遣使來朝○命隨觀木蘭圖○賜冠服以陪臣烏默爾爲○乾清門侍衛令暫歸挈眷移居伊犁二十九年二月阿布勒瑪木比特遣使來朝○賜冠服三十四年正月阿布勒比斯遣子卓爾齊來朝三月阿布賚遣子幹里蘇爾統來朝三十八年正月哈薩克波羅特繼其父阿布勒瑪木比特爲汗遣使來朝阿布賚子卓爾齊亦來朝四十一年正月阿布賚遣使來朝俱宴賚如例哈薩克建廷葉什勒居客斯騰城其地北極高四十六度一十分至四十八度距京師偏西三十二度至三十七度當準噶爾北全境東西千里南北六百里四山環繞山脉亦自西而東其南境之山曰喀拉巴克喀爾海山又東爲喀爾克圖哈薩拉克山又東爲札拉圖哈薩拉克山又東爲勒克楞山踰皮而南入準噶爾境齋爾界又東爲鄂綽沁吉斯山又東爲阿爾津沙拉什保台山又東北爲阿爾輝西里入準噶爾境額米爾界自喀拉巴克喀爾海山西北行折而東爲厄勒伊們山葉什勒河源出焉又北爲尼雅克圖山又東爲尼滿哈濟克喀爾海山西北行折而東爲厄勒伊們山葉什勒河源出焉又北爲尼雅克圖山又東爲尼滿哈濟南山又東北爲喀爾瑪奇爾哈山又東爲阿克奇拉山又東爲巴顏山又東爲蒿哈薩拉克山卽將軍哈達哈敗阿布賚處又東南爲阿巴拉爾山又東至塔爾巴噶台而止羣山內外源泉經絡其最著者

爲緯多爾圖河出喀拉巴克喀爾海山東爲克巴什博爾濟爾河又東爲哈薩拉克布拉克又東爲博爾喀得克布拉克又東爲額特倫布拉克又東北爲什納噶布拉克沮洳渙散燦若列星又東爲奎蘇布拉克又東爲阿爾齊圖布拉克又東爲青吉斯布拉克又北爲阿林布拉克又東爲阿濟蘇布拉克又東爲烏爾圖布拉克又東北爲色爾格河又東爲罕拉海圖布拉克又東爲三察爾河又東爲楚庫魯克河又東南踰山入塔爾巴噶台界其在右哈薩克西北境者爲葉什勒河沿河西北行二百里爲哈薩克春吉素波藍地苦寒其汗盛夏常居此自是以西地益曠渺左部境內周阜層沓折而西北行二千里爲伊底克山當塔拉斯河東南境入右部右部哈薩克東去左部二千里北至俄羅斯界西南至塔什罕其部曰烏拉克玉茲汗曰阿比里斯其巴圖爾有三曰吐里拜曰輝格爾德曰薩薩克拜阿比里斯駐塔什罕城不事事受成而已惟吐里拜實專其政其俗大略與左部等其地在古康居國西境初阿布賚告於順德訥曰我哈薩克之有三玉茲如準噶爾之有四衛拉特也鄂圖爾玉茲則我爲政矣他如奇齊克玉茲烏拉克玉茲族兄爲政當與偕來作中土臣乃使其弟阿布勒比斯往而參贊大臣富德方以兵索逆賊哈薩克錫拉至右部遣蒙固爾岱赫善等往撫次軍於莽格特城外是時吐里拜等方與塔什罕回人吐爾古戰於河上兩不相下蒙固爾岱赫善因諭以睦鄰守土之道並宣示○聖主威德乃大感悟罷蠻觸之爭於是吐里拜等感○德畏○威詣軍門納款奉馬進表以降其文曰伏念臣者久思內附遠處邊末與左部阿布賚各長一方爲準噶爾阻絕末由自通近聞左部輸服被○恩優渥恭維○天使惠來祇領○宸訓得均隸臣僕誠謹誠忭謹遣臣子弟入○覲瞻仰○天顏

如天覆育之○聖人在上臣願竭衰驚奮勉自効永無二心倍于左部表聞乃受正朔列外藩焉二十三年吐里拜遣其子卓蘭及輝格爾德之弟博索爾滿朝○京師○賜宴盤山靜寄山莊並隨至○南苑與觀○大閱及燈火○恩賚甚渥今測其地北極高四十三度至四十五度距○京師偏西四十五度四十八分東與左部接東南與伊犁西北境接南與布魯特及安集延那木干諸部接西踰塔什罕西六百餘里北至依底克山接北哈薩克部界北哈薩克者以寇鈔爲俗時侵掠俄羅斯邊境俄羅斯設兵防之西南爲格根河又西南爲納穆爾河又南爲雅哈爾斯河又西南爲錫爾河又西爲薩哈斯河又北爲塔拉斯河格根河東近塔拉斯河者爲哈拉庫爾爲達布孫淖爾薩哈斯錫爾兩河之間闕巒綿亘爲穆呼札爾山爲哈拉綽克多嶺爲莽阿錫魯嶺爲柯格納斯嶺嶺北大澤名騰吉斯周數百里蓋小海也海之東南崖有部名沙爾又東北薩哈斯河南有達拉什城噶拉楚克城錫爾河西北有波拉克城其東有那幹喀特城又南有蒿達克城由蒿達克西踰錫爾河爲塔什罕其城寄居右哈薩克部內而別自爲部不相統也

朔方備乘卷第七

考一

北微星度考敘○臣秋濤謹案天體正圓地球之體亦渾圓周天三百六十度應大地七萬二千里是故論坤輿者必上考星度誠以憑地測天數緣理顯非如占驗祿祥之說多傳會亦非如考論分野之數有所窮也人居地而有南北則北極出地有高下面晝夜之長短因以不同是爲南北里差人居地而有東西則見時刻有早晚偏東一度見時應遲四分偏西一度見時應早四分是爲東西里差康熙年間○欽定皇輿全圖於直省各府州縣悉測北極高度以定緯並依○京師中線考偏東偏西之度以定經迨乾隆年間平定西域○特命推步之臣乘傳前往測量經緯度數補入全圖於是新疆回部各處星度皆可按籍而稽及奉○詔修西域圖志以晷度列爲一門而龍沙蔥雪之間準道里之遠近憑儀器之審求俯察仰觀弗踰銖黍洵可永爲後世地志諸書之架燧茲臣纂集北微彙編敬考○欽定皇輿全圖自喀爾喀以北直抵北海星度經緯粲然具在蓋○聖德洽乎遠邇以故夷情恭順自獻圖籍以備職方之掌閫內府有俄羅斯圖具載經緯度數○石渠天祿之藏非外臣所得窺見謹就○皇輿圖中恭錄北微星度悉以距○京師偏東偏西之度次其遠近以昭示掌之形徵拱極之義亦論邊事者所當知已

北微星度考○聖祖仁皇帝聖訓曰東方朔記北方有層冰千尺冬夏不消今年俄羅斯來朝其地去北極二十度以上名爲冰海堅冰凝結人不能至始知東方朔所言不謬○臣秋濤謹案輿地之圖自

唐以前者皆不傳於世宋以後之圖間有傳世者亦第有開方而無天度雖爲準望測量之法要不足爲憑也至外藩各部及邊徼之外自古無能詳言其境者無論圖矣惟我○聖祖於地圖一事極爲留心每○命人乘傳詣各部落詳詢精繪並○命精於推步之人測驗天度經緯或有不能身履其地者必周諮博訪而載之旣成鐫以銅版垂諸永久乾隆乙亥平定準噶爾各部○高宗命何國宗等率西洋人分道往各部測量星度占候節氣補入輿圖己卯諸回部悉隸版籍復○命明安圖等前往備繪地圖一如舊制蓋○皇輿圖內備載星度實由○兩朝○大聖人創制顯庸永爲典則誠自古未有之盛舉也謹附志於此以昭架燧云○聖訓曰推算天象中國與瀚海俱在赤道四十五度之內四十五度之南水皆向南而東流四十五度之北俱向北流此皆天文地理之相合者也○臣秋濤謹案俄羅斯自烏拉嶺以東訖於大拉該海凡近中國邊界發源之水在外興安嶺雪莪嶺金山以北者俱向北流入冰海蓋其緯線皆在赤道四十五度之北也○聖訓曰中國與西洋地方俱在赤道北四十四度內海洋行船中國人多論更次西洋人多論度數自彼國南行八十度至大狼山始復北行入廣東界嘗六閱月在海中不見一山又自西洋至中國有陸路可通因隔鄂羅斯諸國行人不便故皆從水路而行○臣秋濤謹案歐羅巴州緯綫自赤道北三十六度起至七十一度止經綫自○京師午綫偏西四十八度起至一百二十六度止與中國壤地相連本係一州而分爲二者歐羅巴人奉天主教似欲自爲一區以示別異也○聖祖御瀛臺召見尙書庫勒納等奏對畢庫勒納請曰黑龍江日夜短雖晚日落不至甚暗不知何故○聖祖諭之曰黑龍江極東北之地日出日入皆近東方所以黑

龍江地方日長夜短日落亦不甚暗○臣秋濤謹案夏至日長者冬至日必短此渾天之妙也黑龍江夏至晝六十四刻冬至晝三十二刻雅克薩汗山哈屯河唐努烏梁海夏至晝六十七刻冬至晝二十九刻此皆地方實測所及以九十六刻計者也以上黑龍江等處均與俄羅斯接界俄羅斯更在黑龍江等處之北北極出地愈高圖理琛云伊聶謝柏與晝長夜短夜亦不甚暗雖日落夜深猶可圍碁不數刻東方已曙正與唐書骨利幹國之北晝長夜短之說相合觀於黑龍江而餘處可以類推矣○黑龍江外紀曰土人言黑龍江地處極高去天較近故夜深不甚暗壹似日在地中返照者出關東行漸遠益高所過岡阜既上輒平坦有軌途法庫門又東岡起愈平無俯瞰低下勢土人謂之上天邊子可以驗地形矣地高則天愈近測量家惟依北極高度爲準日月出輪較大色亦深赤夜見斗杓橫屋角星點亦大手若可捫四時之氣多風四月猶霏雪霰夏日偶暄或南風作必雨不雨則江漲葢興安嶺一帶陰山中雨雪不常或冰澌融入谿澗所致惟雷至四月始聞伏天多雹大者如盃七月已霜八月則無不雪所謂高處不勝寒可以驗天時矣○臣秋濤謹案西清所記龍江風景甚詳北微星度高至五十度以上者大抵皆然也錄之可備參考

附近北微各處經緯度

均見會典欽天監事例

黑龍江城 北極高五十度一分偏東十度五十八分

尼布楚城 北極高五十一度四十八分偏西十七分

以上俱乾隆二十二年奏准

克魯倫河巴爾城 北極高四十八度六分偏西二度五十二分

圖拉河汗山 北極高四十七度五十七分偏西九度十二分 以上俱康熙五十二年奏准

烏里雅蘇台 北極高四十七度四十八分偏西二十二度四十分

唐努山烏梁海 北極高五十度四十分偏西二十四度二十分

烏蘭固木杜爾伯特 北極高四十九度二十分偏西二十五度四十分

科布多城 北極高四十八度二分偏西二十七度二十分

阿爾泰山烏梁海 北極高四十八度三十分偏西二十八度三十五分

阿爾泰諾爾烏梁海 北極高五十三度三十分偏西二十八度四十分

哈屯河 北極高五十一度十分偏西二十九度

額爾齊斯河 北極高四十八度三十五分偏西三十二度二十五分

齊桑諾爾 北極高四十八度三十五分偏西三十二度二十五分 以上俱乾隆三十七年奏准

哈薩克 北極高四十七度三十分偏西三十四度五十分

塔爾巴哈台 北極高四十七度偏西三十度 以上俱乾隆二十二年奏准

巴爾噶什諾爾 北極高四十七度偏西三十八度十分

特穆爾圖諾爾 北極高四十二度五十分偏西三十九度二十分

吹河 北極高四十四度五十分偏西四十二度 以上俱乾隆三十七年奏准 ○臣秋濤謹案以上經緯各度均係欽天監奉○旨測定凡○皇輿全圖及每歲頒行時憲書皆依以立算茲謹錄附近北徼諸地則俄

羅斯地之經緯度可以舉隅而得矣

俄羅斯境經緯度總載○俄羅斯本境在歐邏巴州之東緯綫自赤道北三十八度起至七十度止經綫自○京師偏西五十三度起至九十四度止其氣候南境與北境迥異北當冬時寒冽殊甚川有堅冰日光所不照常覺晦冥夏時溽暑逼人雲霧四塞有晝無夜西南則天朗氣清無疾風暴雨故其富庶之地多在西南之域○俄羅斯東藩西伯利部在亞細亞州北境緯綫自赤道北四十五度起至七十八度止經綫自○京師偏東七十四度起至偏西五十六度止氣候極冷冰雪凝積○俄羅斯南藩高加索部在亞細亞州西境緯綫自赤道北四十度起至四十五度止經綫自○京師偏西六十六度起至七十九度止氣候溫和俄羅斯屬地在亞墨利加州西北者緯綫自赤道北五十四度起至七十二度止經綫自○京師偏東七十七度起至百有三度止其地道光五年俄羅斯始議定疆界東至英吉利屬地西至白令海峽西南接太平洋北枕北冰海長四千里廣二千六百里○臣秋濤謹案右俄羅斯境經緯度本之西人地理全志其經度以○京師為中綫蓋外夷而知尊○王之義者亟錄之以備攷至西人艾儒略地圖以極西之福島為經綫第一度遞推而東至三百六十度止又西人瑪吉士地理備考以佛郎西國為經度中綫推偏東偏西度皆不足為訓概從刪斥不錄謹發其凡於此俄羅斯境各屬經緯度

○京師中綫偏東各度

偏東五十分北極高六十八度五十分 惹爾莽阿和屯

偏東一度北極高七十三度 作租和屯

偏東三度五十分北極高七十三度 郭列穆斯歸和屯

臣秋濤謹案即齊哥德斯科一作阿谷又按此卷地名悉依內府輿圖所列惟

於一統志異域錄諸書習見之地則注明以備考餘詳疆域考

偏東四度五十分北極高七十四度 德爾吉郭列穆斯歸和屯

偏東五度北極高七十四度五十分 佳達刮噶珊

偏東五度五十分北極高七十五度 博特錫倭爾斯歸和屯

偏東二十三度五十分北極高六十一度五十分 噶穆薩特喀和屯

臣秋濤謹案即岡札德加一作甘查甲

京師中綫偏西各度

偏西二度五分北極高六十八度四分 巴達爾斯歸和屯

偏西四度二分北極高六十九度五十分 邁歸和屯

偏西四度三十分北極高六十七度三十分 冬古爾斯歸和屯

偏西五度二十分北極高六十四度五十分 集敏噶噶珊

偏西五度五十分北極高五十八度二十分 巴爾古錫穆和屯

偏西五度五十分北極高五十七度 伊談珠拜商

偏西五度五十分北極高五十六度二十分 烏德拜商

臣秋濤謹案即烏的柏興

偏西六度四十分北極高六十七度三十分 列訥和屯

偏西六度四十分北極高五十一度三十分 伊拜商

偏西六度五十分北極高六十四度 鄂爾佛拉特噶珊

偏西六度五十分北極高五十一度五十分 鄂伯爾齊都勒拜商

偏西六度五十分北極高六十九度二十分 惹鞠斯歸和屯 臣秋濤謹案即亞古德斯科

偏西六度五十分北極高五十九度五十分 格勒噶珊

偏西七度十分北極高五十六度二十分 米德里斯克噶珊

偏西七度四十分北極高五十四度 楚庫拜商 臣秋濤謹案即楚庫柏興

偏西七度五十分北極高六十一度十分 倭爾郭任斯歸和屯

偏西八度二十分北極高五十九度十分 伊爾古斯歸和屯 臣秋濤謹案即義爾古德斯科亦作額爾口城一作厄爾庫

偏西十一度二十分北極高五十九度五十分 博拉斯歸和屯

偏西十一度五十分北極高六十一度十分 伊林斯歸和屯

偏西十一度五十分北極高六十六度五十分 希穆斯歸和屯

偏西十二度五十分北極高五十三度五十分 通肯圖拉

偏西十九度北極高六十度五十分 噶們噶噶珊

偏西十九度三十分北極高六十一度四十分 惹尼色斯歸和屯 臣秋濤謹案即也尼塞斯科一作伊聶謝柏興

偏西二十一度四十分北極高六十度五十分 瑪古斯歸和屯

偏西二十一度五十分北極高五十八度五十分 阿穆哈拜商

偏西二十一度五十分北極高五十六度五十分 烏邁圖拉

偏西二十二度二十分北極高六十度五十分 鄂羅錫金噶珊

偏西二十二度五十分北極高六十度五十分 穆納薩爾噶珊

偏西二十四度北極高六十八度十分 德羅伊特斯郭格珠克特亨

偏西二十四度四十分北極高六十八度三十分 多羅三色吉和屯

偏西二十四度四十分北極高六十一度二十分 色爾日噶珊

偏西二十六度五十分北極高五十九度十分 托穆斯歸和屯 臣秋濤謹案 即疴慕斯科

偏西二十七度北極高七十四度 烏格里達 臣秋濤謹案 此色楞格河入海處海船灣泊於此

偏西二十七度三十分北極高五十八度五十分 阿巴圖拉

偏西二十七度四十分北極高五十七度四十分 納生斯噶珊

偏西二十七度五十分北極高五十八度二十分 蘇斯德必噶珊

偏西二十八度五十分北極高五十八度三十分 博蘇噶珊

偏西二十八度三十分北極高六十九度 薩達里莽阿斯和屯

偏西二十九度二十分北極高五十八度十分 吉爾日斯噶珊

偏西二十九度五十分北極高五十九度十分 德勒尼特斯噶珊

偏西三十度四十分北極高六十一度五十分 格野斯歸和屯

偏西三十度五十分北極高五十三度三十分 僧博羅特圖拉

偏西三十度五十分北極高六十二度二十分 納隆和屯

偏西三十度五十分北極高六十二度三十分 瓦欣阿噶珊

偏西三十一度二十分北極高六十度十分 拉林斯歸和屯

偏西三十一度二十分北極高五十一度四十分 鏗格爾圖拉

偏西三十一度五十分北極高七十七度 伊策三布拉島 臣秋濤謹案此北海中大島俄羅斯之極北境也

偏西三十二度五十分北極高六十二度四十分 羅納郭昂噶珊

偏西三十三度五十分北極高五十九度三十分 巴拉彬斯歸和屯

偏西三十四度五十分北極高六十四度二十分 蘇爾古特和屯

偏西三十五度二十分北極高六十四度十分 瑪齊木噶珊

偏西三十五度五十分北極高五十八度 伊錫穆斯歸和屯

偏西三十六度北極高六十五度 格里穆噶穆噶珊

偏西三十六度北極高六十四度五十分 薩林噶珊

偏西三十六度五分北極高六十六度 郭斯郭薩和屯

偏西三十六度五分北極高六十四度二十分 薩瑪羅特和屯

偏西三十六度二十分北極高六十七度十分 色瑪斯噶珊

偏西三十六度三十分北極高六十六度五十分 索噶爾噶珊

偏西三十六度三十分北極高六十四度五十分 惹底噶珊

偏西三十六度五十分北極高六十六度五十分 訥特斯噶爾古噶珊

偏西三十六度四十分北極高六十七度十分 格倫錫甘噶珊

偏西三十六度五十分北極高六十六度十分 伯蘇噶珊

偏西三十六度五十分北極高六十八度五十分 惹薩克吉和屯

偏西三十七度北極高六十六度十分 郭特斯歸和屯

偏西三十七度二十分北極高六十七度五十分 巴拉索瓦和屯

偏西三十七度二十分北極高五十八度四十分 多拉和屯

偏西三十七度四十分北極高六十八度二十分 羅郭衛噶珊

偏西三十七度五十分北極高六十九度 阿布定噶珊

偏西三十七度五十分北極高六十三度三十分 倭克噶珊

偏西三十八度北極高六十二度十分 底穆彥斯歸和屯 臣秋譚謹案即狄穆演斯科

偏西三十八度北極高五十八度五十分 五噶噶珊

偏西三十八度三十分北極高六十三度 甘薩穆噶珊

偏西三十八度三十分北極高五十八度二十分 伊順斯歸和屯

偏西三十八度四十分北極高六十七度五十分 伊斯噶爾噶珊

偏西三十八度五十分北極高五十八度五十分 阿傅瑪克噶珊

偏西三十九度二十分北極高五十八度五十分 瓦都歸和屯

偏西三十九度二十分北極高五十八度三十分 多爾噶惹爾噶珊

偏西三十九度四十分北極高六十一度二十分 惹穆尼郭傅和屯

偏西三十九度五十分北極高五十九度十分 巴拉克和屯

偏西四十度五十分北極高六十九度十分 索布色噶惹和屯

偏西四十度五十分北極高六十六度二十分 巴必努郭羅特和屯

偏西四十度五十分北極高五十九度五十分 托博爾和屯 臣秋濤謹案即托波爾一作托博勒

偏西四十二度二十分北極高六十一度二十分 鄂達巴里噶珊

偏西四十二度五十分北極高五十六度四十分 達爾林斯歸和屯

偏西四十三度二十分北極高五十七度五十分 烏底多爾斯噶和屯

偏西四十三度五十分北極高六十四度四十分 達傅達噶珊

偏西四十四度北極高六十二度五十分 伊斯瑪和屯

偏西四十四度二十分北極高六十一度 郭蘇特斯歸和屯

偏西四十四度二十分北極高五十三度 都捫和屯 臣秋濤謹案即多木斯科一作圖敏

偏西四十四度三十分北極高六十五度五十分 伯色爾斯歸和屯

偏西四十四度五十分北極高六十六度五十分 布斯堆羅色爾歸和屯

偏西四十五度北極高七十二度 衛噶特島 臣秋濤謹案此北海中島

偏西四十五度北極高六十一度二十分 羅斯衛斯歸和屯

偏西四十六度十分北極高七十度五十分 色達登島 臣秋濤謹案此北海中小島

偏西四十六度十分北極高五十六度五十分 龍衛陽斯歸和屯

偏西四十六度三十分北極高五十九度五十分 雅班沁和屯 臣秋濤謹案即鴉班沁城

偏西四十六度五十分北極高六十二度二十分 古斯達雅噶噶

偏西四十七度二十分北極高六十一度五十分 博和穆噶珊

偏西四十七度五十分北極高五十七度五十分 烏特格和屯

偏西四十七度五十分北極高五十二度二十分 塔奇和屯

偏西四十八度五十分北極高七十一度 郭勒格惹島 臣秋濤謹案此北海中島

偏西四十八度五十分北極高七十度 多爾格島 臣秋濤謹案此北海中小島

偏西四十八度五十分北極高六十四度二十分 蓋郭羅特和屯 臣秋濤謹案即改郭羅多城

偏西四十八度五十分北極高六十二度五十分 索里噶穆斯歸和屯 臣秋濤謹案即索里喀穆斯科

偏西四十八度五十分北極高六十度五十分 五爾郭都里雅和屯 臣秋濤謹案即費耶爾和土爾斯科

偏西四十九度二十分北極高六十三度五十分 蘇爾頂和屯

偏西五十度四十分北極高五十四度五十分 鄂博和屯

偏西五十度三十分北極高五十九度五十分 博冷噶和屯

偏西五十度四十分北極高五十九度 巨古爾和屯

偏西五十一度四十分北極高五十九度五十分 鄂薩和屯

偏西五十一度四十分北極高五十六度五十分 薩瑪拉和屯 臣秋濤謹案即西穆必爾斯科

偏西五十二度十分北極高六十度四十分 薩拉布特和屯

偏西五十二度二十分北極高六十二度五十分 色羅博達和屯

偏西五十二度五十分北極高六十二度二十分 赫里諾傅和屯 臣秋濤謹案即赫林諾付

偏西五十二度五十分北極高五十六度二十分 德都爾噶珊

偏西五十二度五十分北極高五十七度二十分 烏薩噶珊

偏西五十二度五十分北極高五十四度十分 薩拉多博和屯 臣秋濤謹案即薩拉托付一作薩拉德夫

偏西五十三度十分北極高六十一度五十分 郭勒布特和屯

偏西五十三度五十分北極高五十七度五十分 巴達雅噶珊

偏西五十四度四十分北極高四十八度五十分 阿噶錫和屯

偏西五十四度四十分北極高五十度五十分 錫拉哈米斯和屯

偏西五十四度四十分北極高四十九度五十分 達里特薩拉斯和屯

偏西五十四度四十分北極高四十七度五十分 揚噶拉和屯

偏西五十四度四十分北極高四十六度四十分 色爾克斯和屯

偏西五十四度五十分北極高四十六度五十分 阿斯達拉罕和屯 臣秋濤謹案即阿斯塔爾漢一作阿薩塔干

偏西五十五度二十分北極高五十九度五十分 來索爾和屯

偏西五十五度三十分北極高四十九度五十分 索爾拉噶珊

偏西五十五度四十分北極高六十七度五十分 墨三和屯

偏西五十五度四十分北極高六十五度二十分 索魯歪特集岳克達和屯

偏西五十五度五十分北極高五十七度四十分 伊羅法和屯

偏西五十五度五十分北極高五十七度四十分 德都斯和屯

偏西五十六度北極高六十六度十分 雜里和屯

偏西五十六度二十分北極高四十九度四十分 郭壘斯和屯

偏西五十六度三十分北極高四十九度二十分 惹爾納雜噶珊

偏西五十六度四十分北極高四十九度四十分 薩爾噶珊

偏西五十六度四十分北極高四十九度四十分 索營克薩爾噶珊

偏西五十六度四十分北極高四十八度五十分 古里克三噶珊

偏西五十六度五十分北極高五十六度三十分 色菲阿斯噶噶珊

偏西五十六度五十分北極高四十九度三十分 巴達欣和屯

偏西五十七度三十分北極高五十七度五十分 噶贊和屯 臣秋濤謹案即喀什科一作加臣

偏西五十七度四十分北極高六十三度四十分 倭羅克達和屯

偏西五十七度五十分北極高四十四度 得爾集和屯

偏西五十八度北極高五十九度四十分 尼斯納和屯

偏西五十八度十分北極高四十三度二十分 特爾奔和屯

偏西五十八度四十分北極高六十七度五十分 必納噶和屯

偏西五十八度五十分北極高六十七度 郭爾謨郭羅特和屯

偏西五十八度五十分北極高五十二度十分 色羅克和屯

偏西五十八度五十分北極高四十一度五十分 沙馬吉和屯

偏西五十九度二十分北極高六十七度四十分 阿爾甘惹爾和屯 臣秋濤謹案即亞爾干日爾部一作亞干日

偏西五十九度三十分北極高六十七度十分 三尼郭拉和屯

偏西五十九度三十分北極高五十九度五十分 郭羅郭歪斯德和屯

偏西五十九度四十分北極高五十一度六十分 畢都克和屯

第一八傳 卷一
偏西六十度北極高六十一度五十分 惹勒斯拉傅和屯

偏西六十度十分北極高六十三度 羅瑪諾傅和屯

偏西六十度十分北極高六十一度十分 郭爾多斯瑪和屯

偏西六十度四十分北極高五十九度五十分 倭羅威謨爾和屯

偏西六十度五十分北極高四十一度五十分 額里旺和屯

偏西六十一度北極高五十七度五十分 巴斯多傅和屯

偏西六十一度十分北極高四十八度四十分 畢斯達賴惹噶珊

偏西六十一度五十分北極高四十八度四十分 格里博根和屯

偏西六十一度五十分北極高五十七度五十分 密科艾和屯

偏西六十二度三十分北極高五十六度五十分 薩特傅和屯

偏西六十二度五十分北極高五十七度 噶都穆和屯

偏西六十二度五十分北極高五十五度五十分 丹博傅和屯

偏西六十二度三十分北極高六十六度十分 噶爾噶噶博爾占噶爾斯歸和屯

偏西六十二度四十分北極高五十七度四十分 德拉特瑪和屯

偏西六十四度五十分北極高五十二度五十分 郭斯羅傅和屯

偏西六十五度北極高六十一度 博勒斯拉傅和屯

偏西六十六度三十分北極高五十七度二十分 羅散和屯

偏西六十六度三十分北極高五十六度二十分 勒斯科和屯

偏西六十六度四十分北極高四十五度五十分 郭達底斯和屯

偏西六十六度四十分北極高四十八度三十分 仄爾噶斯歸和屯

偏西六十七度五十分北極高五十八度十分 謨斯夸和屯 臣秋濤謹案即墨斯科一作莫斯科
窪一作莫斯廓瓦俄羅斯之舊都也

偏西六十七度五十分北極高四十八度五十分 噶蘭薩和屯

偏西六十八度三十分北極高五十三度 鄂羅尼和屯

偏西六十八度五十分北極高五十六度五十分 倭勒都瓦和屯

偏西六十八度五十分北極高四十五度二十分 佛德勒必宋達噶珊

偏西六十九度北極高五十三度五十分 達勒特斯和屯

偏西六十九度三十分北極高五十八度三十分 巴瑪拉噶珊

偏西六十九度四十分北極高四十八度三十分 阿索富和屯

偏西六十九度四十分北極高六十度二十分 多倭爾噶珊

偏西六十九度四十分北極高五十三度 舍勒特斯和屯

偏西七十度北極高五十三度四十分 延噶爾和屯

偏西七十度三十分北極高五十九度五十分 鄂羅克和屯

偏西七十度三十分北極高五十九度 謨來斯格和屯

偏西七十度三十分北極高五十七度四十分 德爾必郭傅和屯

偏西七十度五十分北極高六十度三十分 倭斯瑪和屯

偏西七十度五十分北極高五十二度三十分 多訥特斯和屯

偏西七十一度十分北極高四十六度四十分 達捫和屯

偏西七十一度五十分北極高五十五度 德班和屯

偏西七十一度五十分北極高五十七度三十分 多魯薩和屯

偏西七十二度二十分北極高五十五度四十分 都拉和屯

偏西七十二度三十分北極高五十五度二十分 烏巴和屯

偏西七十三度二十分北極高五十五度五十分 阿多岳傅和屯

偏西七十四度北極高五十六度五十分 古傅噶和屯

偏西七十四度四十分北極高六十二度五十分 色布留斯傅布魯克和屯

偏西七十四度四十分北極高五十二度五十分 澤爾訥和屯

偏西七十四度五十分北極高五十五度五十分 噶魯噶和屯

偏西七十四度五十分北極高五十五度三十分 博羅傅和屯

偏西七十五度三十分北極高五十九度二十分 索謨冷斯郭和屯

臣秋溥謹案卽司馬達斯科一作斯摩速一作斯摩

梭斯
科

偏西七十五度五十分北極高六十度三十分 訥倭郭羅特和屯

偏西七十六度四十分北極高五十八度五十分 圖古魯古傳訥和屯

偏西七十六度五十分北極高六十四度五十分 衛布爾和屯

偏西七十六度五十分北極高五十九度三十分 鄂爾薩和屯

偏西七十七度十分北極高四十五度三十分 喀法和屯

偏西七十七度二十分北極高四十七度三十分 博羅歸和屯

偏西七十七度五十分北極高六十二度二十分 散博德爾布珠克和屯
臣秋濤謹案即彼得羅堡一作三皮提里

普爾斯科俄羅斯之新都也

偏西七十七度五十分北極高五十八度二十分 因斯拉傅和屯

偏西七十八度十分北極高六十度十分 博勒斯古和屯

偏西七十八度二十分北極高六十二度 郭羅穆斯多托和屯

偏西七十八度三十分北極高六十一度五十分 若安郭羅特噶珊

偏西七十八度四十分北極高五十三度五十分 巴圖林和屯

偏西七十九度十分北極高六十一度五十分 訥爾瓦和屯
臣秋濤謹案即里窩尼亞部與瑞典國所屬之挪耳瓦部名同地異

偏西七十九度十分北極高五十七度五十分 斯郭羅傳噶珊

偏西七十九度五十分北極高五十二度五十分 訥生噶珊

偏西八十度十分北極高六十度五十分 德爾博特噶珊

偏西八十度十分北極高五十六度十分 郭賴噶珊

偏西八十度五十分北極高五十二度五十分 博色羅和屯

偏西八十一度十分北極高五十五度五十分 喀達克和屯

偏西八十一度五十分北極高五十二度 覺傅和屯 臣秋濟謹案即幾富部一作究部一作計由斯科

偏西八十三度三十分北極高六十二度十分 多爾斯布爾噶珊

偏西八十五度三十分北極高六十二度二十分 倭勒爾和屯

偏西八十七度三十分北極高六十一度三十分 博爾訥和屯

偏西八十八度二十分北極高六十度四十分 薩里斯噶珊

偏西八十九度四十分北極高六十度五十分 里噶和屯

朔方備乘卷七

拔貢張惇德初校
知縣勞乃宣覆校

朔方備乘卷第八

考二

北徼界碑考○臣秋濤謹案自古聖人之治天下尚仁而不矜智勇唐虞之際化洽四表然史臣紀聲教所漸被東不盡東海西不盡流沙夫東海流沙豈足以限聖人之聲教而必以是爲界何哉誠以德在安民不勤遠略非如好大喜功之主窮智黷武必欲俾遐荒絕域咸入版圖也三代以後亦有畫定疆界之事願銅柱漢標燿威稜之服遠玉斧宋畫夸智慮之察微從未有○智能取之而○大度兼容○威能制之而○神武不殺如○聖祖仁皇帝之宥羅刹立界碑洵所謂智勇有餘而益見其○至仁之不可及也夫如是故地有所弗取人有所弗臣九州之表聽其爲羈縻之國而○量符乎天地○德冠乎古今八紘之廣莫不起尊親之念迄今二百年來俄羅斯感沐○厚恩謹守成約界碑內外之民罔弗鼓腹含飴共享昇平之樂豈不懿哉敬考設立界碑之始末綴以遺聞著於篇

聖祖仁皇帝康熙二十五年七月○上諭議政王等向者羅刹侵犯雅克薩尼布潮諸地戕我居民邊境騷然會諭鄂羅斯察罕汗來使尼果來等撤回其衆自後竟不復奏反在在侵犯肆行擾害意尼果來未達前旨於察罕汗復令被擒羅刹持書從喀爾喀地宣諭之因遣發官兵前往雅克薩招撫羅刹不戮一人令其頭目額禮克謝等持書歸去羅刹聞我師言旋復回雅克薩築城以居朕思本朝頻行宣諭曾未一答而雅克薩羅刹又死守不去或尼布潮諸地阻隔前書未達或雅克薩羅刹皆彼有罪之徒不便歸國俱未可知今問荷蘭國貢使稱伊國與鄂羅斯接壤語言亦通其以屢諭情節備悉作

書用兵部印付荷蘭國使臣轉發鄂羅斯察罕汗處收回雅克薩尼布潮羅剎於何處立定疆界各毋得踰越則兩界民人均得甯居不失丞相和好之意察罕汗覆奏時令其使由陸路直來若陸路難通

卽以來疏付荷蘭國代奏再依此書發西洋國轉達之

臣秋濤謹案此我朝與俄羅斯國議界之始

○九月俄羅斯察罕汗遣使疏陳除嗣遣使臣議定邊界外先奏請撤雅克薩之圍○聖祖允之並○命喀爾喀土謝圖汗偵

探俄羅斯分界使臣消息二十六年七月土謝圖汗奏俄羅斯使臣已抵臣境二十七年五月時俄羅斯使臣費要多羅等至色冷格地方遣人來期我使至彼集議○聖祖命內大臣索額圖都統公佟國

綱尙書阿爾尼左都御史馬齊護軍統領馬喇往主其議並率漢翰林部屬等官暨西洋官二員兵萬餘人前往索額圖等奏言尼布楚本係我茂明安部游牧之所雅克薩係我達呼爾總管倍勒兒故墟

原非羅剎所有亦非兩界隙地也黑龍江最爲扼要又恒滾牛滿淨溪里等江俱合流於黑龍江環江左右均係我屬俄樂春奇勒爾畢喇兒等民人及赫真費雅喀所居之地不盡取之邊民終不獲安臣

以爲尼布楚雅克薩黑龍江上下及通此江之一河一溪皆屬我地不可棄之於俄羅斯又我之逃人根特木爾三佐領等悉應索還如彼皆聽從則我亦歸彼逃人定疆界許貿易否則不與彼和○聖祖

允之索額圖等率師啟行至喀爾喀境適喀爾喀爲噶爾丹所襲舉部潰走報至謬傳索額圖等全軍敗沒○聖祖亟遣侍衛夸塞關保等往追及之始知索額圖等尚在因卽傳○旨令退駐內蒙古之喀

倫以道阻緣由作書遣參領索羅希等前往色冷格曉諭俄羅斯使臣費要多羅等費要多羅答書稱

己遣人由尼布楚赴京聖祖隨召索額圖等還

臣秋濤謹案是役有漢理事官張鵬翮及常熟舉人錢良擇等同行張鵬翮著有使俄羅斯行程錄錢良擇著

有出塞紀略皆記此次往返程途事迹然張錄竟二十八年四月時費要多羅等由色冷格東至尼布云索羅和即索羅希等已定議而還則失其實矣

楚○聖祖乃復命索額圖等率官兵仗由黑龍江水路溯流赴尼布楚就議索額圖等奏請仍如前議

以尼布楚為界○聖祖諭曰今以尼布楚為界必不與鄂羅斯則彼遣使貿易無棲託之所勢難相通

爾等初議時仍當以尼布楚為界彼使臣若懇求尼布楚可即以額爾古納為界索額圖等既抵尼布

楚城與俄羅斯來使費要多羅額禮克謝等會議斥其侵犯之非宜諭○聖天子好生德意費要多羅

等歡呼誠服遂出其地圖議明分界事宜共相盟誓永歸和好臣秋濤謹案乾隆五十八年黑龍江將

摺內稱前經松鄂托與俄羅斯使臣議以雅克薩城內屬尼布楚城屬俄羅斯等語謹查康熙年間在

議大臣並無松鄂托其人或云松鄂托即索額圖蓋黑龍江檔案以清字書之故譯漢對音有不同耳

記以○聖祖命王大臣等集議奏言應於議定格爾必齊河額爾古納河諸地立碑以垂永久勒滿漢

字及俄羅斯字喇地訥字臣秋濤謹案○一統志作喇蒙古字於上今雖與俄羅斯和好邊界已定但

各省有官兵駐防之例仍照前議於墨爾根黑龍江等城設官兵駐防疏入○聖祖從之十二月丙子

命遣官立界碑於格爾必齊河諸地其碑曰臣秋濤謹案碑文○一統志○盛京通志所載多誤今依

同備注於下○大清圖遣大臣與鄂羅斯國議定邊界之碑○一將由北流入黑龍江之綽爾訥臣秋濤謹

志徐元文集訥皆即烏倫穆河相近格爾必齊河臣秋濤謹案○盛京為界循此河上流不毛之地有

石大興安臣秋濤謹案徐元文集此以至於海凡山南一帶流入黑龍江之溪河盡屬中國山北一帶

之溪河盡屬鄂羅斯臣秋濤謹案此依○平定羅利方略徐元文集云凡嶺南一帶流入烏龍江之溪

理藩院典屬清吏司云自興安嶺以至於海嶺以南為內地嶺以北為俄羅斯地又理藩院事例云康

熙二十八年議准自大興安嶺以至於海山之陽為內地山之陰為俄羅斯地皆節錄碑文之詞文雖

異而意則同也惟乾隆初年所修○一統志於黑龍江卷內載分界石碑云有石大興安以至於海凡
山南一帶之溪河盡屬鄂羅斯語意與事理全相矛盾殊不可解臣秋濤詳細校勘始知刊本○一統
志於碑文山南二字下脫落流入黑龍江之溪河盡屬中國十二字又脫去山北二字遂致文意舛誤
關繫匪細乾隆四十年重修○盛京通志關郵門載分界石碑全與○一統志同惟云循此河上流不
毛之地有石界興安以至於海凡山路一帶之溪河盡屬俄羅斯蓋覺其語意舛錯稍○一將流入黑
龍江之額爾古納河為界河之南岸屬於中國河之北岸屬於鄂羅斯其南岸之眉勒爾喀河口臣秋
案○一統志略作客○所有鄂羅斯房舍遷移北岸臣秋濤謹案○一將雅克薩地方鄂羅斯所修之
盛京通志作默勒肯河一統志移作徒

城盡行除毀雅克薩所居鄂羅斯人民及諸物用盡行撤往察漢汗之地臣秋濤謹案○盛
戶人等斷不許越界如有一二小人擅自越界捕獵偷盜者即行擒拏送各地方該管官該管官照所
犯輕重懲處或十人或十五人相聚持械捕獵殺人搶掠者必奏聞即行正法不以小故沮壞大事臣
濤謹案○一統志

通志沮皆作阻 仍與中國和好毋起爭端○一從前一切舊事不議外中國所有鄂羅斯之人及鄂
羅斯所有中國之人仍留不必遣還○一今既丞相和好以後一切行旅有准令往來文票者許其買
易不禁○一和好會盟之後有逃亡者不許收留即行送還臣秋濤謹案此條徐元文集與第五條合
裁分為

二條也○附錄擬撰分界碑序臣秋濤謹案崑山徐元文集中有分界碑前載此序考元文於康熙二
德廣大並可考遠人歸嚮之情與○平十八年官大學士此碑蓋其所撰原擬序文後未鐫刻覽之足知○聖
定羅利方略可以互證因附錄於此 ○皇帝撫有天下殊方重譯罔不賓服師武既揚文教亦訖蕩

蕩巍巍以成大一統之治惟鄂羅斯國在黑龍江西北陲夙嘗通使效貢後其邊人弗戢潛入雅克薩
築城以處擾我屬部獵戶使我獵戶弗甯厥居於是○廟謨柔遠先之以文告既不共命則移偏師攻

其城克之惟○皇帝德並天覆神武不殺所獲之俘悉縱悉遣且資之舟車餼糧俾返其所王旅旣旋

抄略未已用興師復圖其城彼乃遣使講好請定疆域康熙二十有八年夏○皇帝遣領侍衛內大臣
索額圖等至於尼布潮之地宣布德意鄂羅斯國使者費岳多羅臣秋濤謹案諸書皆作費要多羅要或作耀額里克謝等

皆悅服相與畫疆定界使我邊人與其國人分境捕獵期永永輯睦無相侵軼約既定勒之貞石以昭

大信垂諸久遠專條列如左○附石大興安考○臣秋濤謹案分界碑文第一條云將由北流入黑龍

江之綽爾訥卽烏倫穆河相近格爾必齊河爲界循此河上流不毛之地有石大興安以至於海昔人

多不解石大興安之語或改云大興安嶺或改云有石界興安以至於海於界字斷句以臣秋濤考之

諸說皆非也蓋興安卽邱陵之名乃滿洲語也或譯作孟安或譯作興安其實皆同蓋此嶺乃南北之

大分水嶺坡陀漸高不覺其峻故滿洲呼爲興安以是知碑文石大興安之下不必有嶺字至改大爲

界遷就其說則尤爲不知而作矣黑龍江外紀曰黑龍江省山爲北障山之大者曰內外興安嶺內嶺

環衛諸城外嶺限制俄羅斯岡巒起伏聯絡羣山諸水多出其下考分界碑文循興安嶺至海凡嶺陽

流入黑龍江之溪河盡屬中國又侍郎圖理琛異域錄言奉使土爾扈特出張家口六日度興安嶺則

嶺之東西縣亘約略可知臣秋濤謹案興安嶺有內外之分外興安嶺遼黑龍江之北其山脈西南自

肯特山北分支東北入俄羅斯界至尼布楚河源之北又東北入中國界遶精奇哩江源欽都河源恒

淡河源之北又東至大海內興安嶺卽自肯特山南遶黑龍江之南故黑龍江一省介乎內外二嶺之

間也若圖理琛等所度之興安嶺則爲正黃旗察哈爾所屬地與此內外二興安嶺皆不相涉且異域

錄言興安嶺處甚多出張家口於六月初三日度察哈爾之興安嶺最其近者由察哈爾又行十餘日

至喀爾喀阿拉布坦王所屬巴顏布拉克地方此處係興安之上有一帶石山產金桃皮樹此蓋內興安嶺之橫亘而西者也又行二日至西拉布里度又行一日至瀚海南界阿里哈林圖枯布爾又行一日至瀚海適中朱爾輝又行一日至瀚海北界哈囊布拉克又行三四日至那拉忒赤勞錄言地皆曠野惟此有山一處則瀚海中無山可知又行三日至達布蘇台又行三日地勢漸下七月初三日自鄂什欣布里度地方下興安嶺北界至汗山東邊枯爾布里度地方蓋卽汗山之東所謂東庫倫者也此蓋外興安嶺由肯特山西行者山脈再進而西則土拉河鄂爾渾河色楞格河皆出其北進而又西則與杭愛山相連不復名興安嶺矣又行二日始至土喇河又行十日始至喀爾喀北界博拉地方色楞格河環繞山北又行一日至兩國接壤之蘇布克圖此蓋今之恰克圖附近地再北行二日始至俄羅斯之楚庫柏興皆不復言興安嶺蓋外興安嶺循黑龍江北岸爲中外之界至肯特山以西則外興安嶺轉在內地而嶺北之色楞格河庫倫等處爲我喀爾喀土謝圖汗游牧地別以喀倫爲界不以外興安嶺爲界也且色楞格南岸卽元之和林故地元時設嶺北行中書省正指外興安嶺以北而言嶺北水皆北流入北海乃瀚海北之大界限也近刻瀛環志略繪圖自東海直至科布多皆以外興安嶺爲俄羅斯界是不知外興安嶺祇可爲黑龍江省之北界其土謝圖汗以西唐努山烏梁海及科布多等地接壤俄羅斯皆以他山爲界不得概目爲外興安嶺也至異域錄又云阿玉奇汗游牧地方西北兩面有佛兒格卽厄濟兒河其厄濟兒河之西岸自薩拉托付以至滕紀斯湖又有俄羅斯屬之西喇喀穆什察里次噶喇斯諾岳爾綽爾那雅爾阿斯塔爾漢諸人柏興自城池柏興以至馬努托海地方西

南一帶皆興安山嶺或疑此卽外興安嶺橫亘而西直至西海也臣秋濤謹案阿玉奇汗游牧處在裏海之北所謂滕紀斯湖卽裏海厄濟兒河卽窩瓦河窩瓦河東有烏拉河源出烏拉嶺烏拉嶺自蔥嶺分支北抵冰海嶺東之水東北流嶺西之水西南流烏拉河窩瓦河皆在烏拉嶺西皆西南流入裏海窩瓦河西之西喇喀穆什城卽內府圖之錫拉哈米斯和屯也察里次噶喇斯城卽內府圖之達里特薩拉斯和屯也諾岳爾綽爾城卽內府圖之阿噶鍋和屯也那雅爾城卽內府圖之揚噶拉和屯也阿斯塔爾漢城卽內府圖之阿斯達拉干和屯也凡此諸城悉在極西其西南山脈與高加索山相連與黑龍江之外興安嶺相距在二萬里外何由相接哉或曰然則異域錄何以有興安山嶺之稱臣秋濤曰此正足證興安非山名乃滿洲語邱陵之名也土爾扈特阿玉奇汗本蒙古別部故呼裏海爲滕紀斯湖蒙古語稱湖皆曰滕紀斯也圖理琛本葉赫人則其稱西喇喀穆什以西之山曰興安嶺無足怪者明乎此則分界碑文石大興安之語可以渙然冰釋已○附考格爾必齊額爾古納二界碑○臣秋濤謹案方略言立界碑於格爾必齊河諸地則不止一處矣今與圖共載二處其在格爾必齊河東岸者則○大清一統志盛京通志皆載之其在額爾古納河南岸者則○欽定皇朝通志載之具錄其

道里方隅於後○大清一統志曰分界石碑在齊齊哈爾城西北二千五百里黑龍江城西北一千七

百九十里格爾必齊河口東岸○盛京通志曰分界石碑在吉爾巴齊河口東岸臣秋濤謹案吉爾巴

也與圖云安巴格爾必齊河志云大格爾必齊河○欽定皇朝通志金石略云○御製與俄羅斯定約分界碑文康熙二十九

年○國書行書俄羅斯蒙古捷提諾五種書額爾古納河摩崖臣秋濤謹案額爾古納河在齊齊哈爾

餘里入黑龍江河之北岸卽俄羅斯界○附分界盟約清文○西清黑龍江外紀曰格爾畢齊河源一統志通志不言有分界石碑蓋遺漏也

出興安嶺南入黑龍江河口東岸有石勒清漢蒙古及俄羅斯喇第諾五體字康熙二十八年所立分

界碑也余嘗從土人得分界盟約清文較世傳界碑漢文微有異同○昭代掌故所關譯出以備參考

其文云中國○大聖皇帝欽差分界大臣議政大臣領侍衛內大臣索額圖內大臣都統一等公舅舅

佟國綱都統郎談都統班達爾善鎮守黑龍江等處將軍薩布素護軍統領瑪喇理藩院侍郎溫達會

同俄羅斯察罕汗使臣俄昆尼等在尼布楚地方公議得一將自北流入黑龍江之綽爾納卽烏魯木

河附近之格爾畢齊河爲界沿此河口之大興安嶺至海凡嶺陽流入黑龍江之河道悉屬中國其嶺

陰河道悉屬俄羅斯惟烏地河以南興安嶺以北中間所有地方河道暫行存放俟各還國察明後或

遣使或行文再行定議臣秋濤謹案理藩院則例俄羅斯事例云一烏特河等處地方暫置爲兩邊公

烏底中地方均不得侵佔居住查此條係雍正五年議定烏特河卽烏地河也亦名一將流入黑龍江之額爾古納河爲界南岸屬中國北岸屬俄羅斯其南岸墨里勒克河口現存

俄羅斯廬舍著徒於北岸一雅克薩地方俄羅斯所築城垣盡行拆毀居民諸物悉行撤回察罕汗處

一分定疆界兩國獵戶不得越過如有一二宵小私行越境打牲偷竊者拏送該管官分別輕重治罪

此外十人或十五人合夥執仗殺人劫物者務必奏聞卽行正法其一二人誤犯者兩國照常和好不

得擅動征伐一除從前一切舊事不議外中國現有之俄羅斯及俄羅斯國現有中國之人免其互相

索還著卽存留一兩國旣永遠和好嗣後往來行旅如有路票聽其交易一自會盟日起逋逃者不得

收納拏獲送還一兩國大臣相會議定永遠和好之處奉行不得違誤○附記界碑附近山川雜事○

龍沙紀略曰艾渾在墨爾根東三百四十里鎮城在黑龍江西岸江之東有舊艾渾城相傳元黑龍衛城也自鎮城西北千一百里爲雅克薩城舊址過此而西又千餘里今邊界立有界碑又曰按輿表黑龍江將軍境北至俄羅斯三千里據卜魁言也俄羅斯自西北表延至正北爲域甚廣今界碑在西北昂班格里必齊河之東而北有山爲限○又曰黑龍江在俄羅斯境內河之自西而東入江者九曰巴爾稽曰阿哈楚曰他爾巴哈泰曰圖魯泰曰他拉巴爾集曰特楞曰俄克碩曰俄倫曰昂衣德河之自南而北入江者三曰撲拉訶集曰圖里格曰温多其自界碑橫而東也河之由西北而南入江者九曰阿集格格里必齊曰卓爾克奇曰昂班格里必齊曰俄羅曰倭爾多昆曰烏里蘇曰博倫穆達曰額爾格曰必勒覃自南而北入江者四曰鄂爾姑納河曰末河曰厄牧勒河曰旁庫河鄂爾姑納爲俄羅斯界河故其名獨著○附記黑龍江巡察邊界事略○龍沙紀略曰五月謂每年五月三城各遣大弁率百人巡邊三城謂卜魁城墨爾根城艾渾城也臣秋濤謹案卜魁即齊齊哈爾城艾渾即黑龍江城至鄂爾姑納河臣秋濤謹案即額爾古納河分界處也河以西俄羅斯境察視東岸沙草有無牧痕防侵界也往返各五六十日卜魁往者渡諾尼江臣秋濤謹案即嫩江指西北過特爾姑爾峯與安嶺臣秋濤謹案此內與安嶺涉希尼客河開拉里依木等河草路瀟漫無轍迹辨方而行劊大樹皮以識歸路墨爾根往者亦渡諾尼江西北過與安嶺盤旋層嶂中其路徑爲易識艾渾往者從黑龍江湖流北上折而西過雅克薩城故墟至界碑○黑龍江外紀曰黑龍江與俄羅斯分界處歲以五六月間派齊齊哈爾墨爾根黑龍江協領各一員佐領驍騎校各二員共兵二百四十名分三路至格爾畢齊額爾古納默里勒克楚爾海圖等河巡視謂之察邊格爾畢齊額爾古訥一河齊齊哈爾卓帳處也

墨里勒克河墨爾根卓帳處也。楚爾海圖河黑龍江卓帳處也。每齊齊哈爾協領與墨爾根協領會墨爾根協領與黑龍江協領會各書銜名月日於木牌瘞山上。明年察邊者取歸以呈將軍副都統。又各瘞木牌以備後來考驗。此為定例。○又曰察邊之事歲於七月內咨報理藩院而邊界清謚例於年終專摺奏。○聞至將軍惟新任者察邊餘不爾。○龍沙紀略曰路多蝥如蜂其長徑寸天無風或雨後更熾行人嘗虛廬帳以納蝥而宿於外。帶十數齊下人始得食。螯馬牛流血身股盡赤。馬軼覓深草間見蝥高如邱知其必斃棄不顧矣。此以下五條皆述巡邊時旅次之事○又曰囊餼糧於樹歸時取食之近頗為捕生者所竊乃埋而識之。○又曰渡河伐樹為筏馬馱水以過。○黑龍江外紀曰扎哈小船也較威呼尤輕捷。裁

受兩三人相傳墨爾根察邊者猝遇江漲協領那里勒泰以馬革為扎哈徑渡其後預以樺皮為之。猶那遺法。○又曰圖窪探路兵也官遠行如察邊之類例有圖窪為前導其精幹者馬上望之能測數里外有無泥水是否當迂路行亦一長也。圖窪哨望之謂切讀成一字乃合。○龍沙紀略曰興安嶺一曰新安嶺或曰葱嶺之支絡也盤旋境內數千里襟帶三江之左右為眾流發源由卜魁至墨爾根艾渾置驛嶺上巡邊者波諾尼江西北數百里則陟降取道松柞數十圍高窺目力穿林而行午不見日石色斑駁若趙千里畫幅間物有石洞洞中几榻天然如琢行者開草得之藉少憇焉。臣秋濤謹案此指內興安嶺又曰察哈巖峰在黑龍江東北隅山形如剖壁面西南背東北峭削千尋根插江底土色黃赤無寸草腰巨兩帶深黑火光出帶間四時騰熾不絕大雨則煙煤入雨氣中延罩波上巡邊者舟過其下續長竿取火為戲兩帶相去數丈許竿止及下帶也山背萬木葱鬱藍翠異狀雖窮冬不凋。臣秋濤謹案察哈巖峯在黑龍江城

北九百里志乘不言其
爲火山得此可補其闕

○黑龍江外紀曰察邊者既至格爾畢齊河瑪玉爾先來謁待以賓禮明日請

我官過其地盛設酒肴極款洽意屋不甚高敞四面多窗無櫺皆嵌玻璃酒五色頗香清然限三爵不多進食則用匕故我官宴瑪玉爾設挂麪瑪玉爾愛之難於入口以彼俗不慣用箸也瑪玉爾俄羅斯官名○又曰瑪玉爾來或與妻偕以喇嘛爲侍從跬步不離喇嘛深目高鼻鬚髮類西洋人官兵望而遠之不與談○又曰將軍觀明初下車察邊瑪玉爾過河來謁將軍不陳甲仗召與談帳中後瑪玉爾見官兵稱將軍大人且有不名一錢我國盡知之語每官兵歸必傳語問將軍安然則瑪玉爾亦異域之解事者歟○龍沙紀略曰俄羅斯居有城屋以板爲瓦廊廡隆起層疊望之如西洋圖畫耕以馬不以牛牛千百爲羣牧於野欲食牛則射而仆之曳以歸邊卒攜一縑值三四金者易一馬煙草三四斤易一牛○黑龍江外紀曰官兵與俄羅斯問答以索倫蒙古語亦有通其語者不過數句其人衷甲佩刀髀至骭纏屬布坐皆伸足瑪玉爾冠上插物類雞毛帚或卽以是分爵秩其妻服衫甚長見蓮草花印板畫易以皮毳殊珍重官兵緣以爲利龍沙紀略曰秋盡俄羅斯來互市或百人或六七十人一官統之宿江之西居毳幕植二旗於門衣冠皆織屬爲之禿袖方領冠高尺許頂方而約其下行坐有兵卒監之所攜馬牛皮毛玻璃佩刀之類易縑布煙草薑椒糖餉諸物以去黑龍江外紀曰按今互市法我兵一手持酒與之飲一手攬其手中物酒盡物亦得或從而鞭之不則酒爲騙去然其所有不過佩刀妝鏡鐵盤樺皮斗及羔獺等皮而官兵利已三倍若墨里勒克所得遠勝此地顧其人獷悍不易制故官兵輜重皆納窖中以防竊蓋其人乃俄羅斯之得罪戍邊者○龍沙紀略曰俄羅斯來交二面一

彼國字一蒙古字貴官與商賈名悉載康熙丙申歲來文稱察罕汗一千七百一十六年蓋邈自有城

郭人民始也臣秋濤謹案此用天主教紀年耳諸家不知皆妄為之說署銜具先代官職於前重世祿也將軍以其文達兵部理藩

院臣秋濤謹案以上皆黑龍江等處與俄羅斯交涉之事故附錄於此○附威伊克阿林界碑考○楊賓柳邊紀略曰威伊克阿林極東

北大山也上無樹木惟生青苔厚常三四尺康熙庚午與阿羅斯分界○天子命鑲藍旗固山額真巴

海等分三道往視一從亭烏喇入一從格林必拉入一從北海遠入所見皆同時方六月大東海尚凍遂立碑於

山上碑刻滿洲阿羅斯喀爾喀文臣秋濤謹案此事惟柳邊紀略載之他書皆未記述檢○大清一統

志○盛京通志皆不載威伊克山之名疑當在外興安嶺極東北隅近北海處或疑康熙時本無立威

伊克山界碑之事楊賓草野傳聞未足為據臣秋濤謹案楊賓係康熙時人親至黑龍江所記必有所

本我○聖祖神靈首出威加四海格爾必齊河界碑係在黑龍江北岸額爾古納河界碑係在黑龍江

南岸皆在龍江一省之西北境其龍江省之東北隅袤延數千里斷無不立界碑之理則其勒石於威

伊克山有必然者後來龍江將弁巡邊者憚其遙遠不復巡歷故幾至湮沒失傳耳○大清一統志○

盛京通志皆止載格爾必齊一界碑而額爾古納界碑兩書皆未載至威伊克阿林界碑尤為遠地其

失載也固宜今額爾古納界碑巍然尚存豈得以志乘失載之故而疑之乎謹附錄於此以備稽考○

朔方備乘卷第九

考三

北徼條例考敘○臣秋濤謹案禹貢有要服之文說者謂要服去王畿已遠其文法略於中國謂之要服者取要約之義特羈縻之而已昔契爲司徒敬敷五教箕子治朝鮮設八條之約蓋邊裔之地治貴易簡自古然也北徼俄羅斯國在幽都極北漢唐以來或用兵撻伐或徒事羈縻從未有能設政令敷文教以治之者惟我○聖朝○深仁厚澤咸五登三舉凡海澨山陬靡不霑濡○德化自康熙二十八年與俄羅斯定黑龍江界立約七條刻於豐碑至雍正五年定喀爾喀界立約十一條合前爲十八條至乾隆五十七年○恩准恰克圖市易復立約五條合前爲二十三條二百年來該國恪奉成規小心恭順實爲從古所未有至○京師建俄羅斯館以養喇嘛立俄羅斯學以教子弟皆著爲律令永遠遵行蓋頒禁令則威倬易知易從○霈恩施則視如一家一體洵古帝王所未能盡行而創見於○太和朔治之世者也謹具錄各條例爲一卷以見○聖治之盛云

康熙二十八年與俄羅斯定黑龍江界立約七條○一將由北流入黑龍江之綽爾訥卽烏倫穆河相近格爾必齊河爲界循此河上流不毛之地有石大興安以至於海凡山南一帶流入黑龍江之溪河盡屬中國山北一帶之溪河盡屬鄂羅斯○一將流入黑龍江之額爾古納河爲界河之南岸屬於中國河之北岸屬於鄂羅斯其南岸之眉勒爾喀河口所有鄂羅斯房舍遷移北岸○一將雅克薩地方鄂羅斯所修之城盡行除毀雅克薩所居鄂羅斯人民及諸物用盡行撤往察漢汗之地○一凡獵戶

人等斷不許越界如有一二小人擅自越界捕獵偷盜者卽行擒拏送各地方該管官該管官照所犯輕重懲處或十人或十五人相聚持械捕獵殺人搶掠者必奏聞卽行正法不以小故沮壞大事仍與中國和好毋起爭端○一從前一切舊事不議外中國所有鄂羅斯之人及鄂羅斯所有中國之人仍留不必遣還○一今既永相和好以後一切行旅有準令往來文票者許其貿易不禁○一和好會盟之後有逃亡者不許收留卽行送還○雍正五年與俄羅斯定喀爾喀界會議通商定約十一條○一自定議之日始彼此各嚴飭所屬敦尙和睦遵依定界各將屬下之人嚴行管束毋許滋事○一既經和好所有往事毋庸追論以前之逃人不必索取均聽其照常住留嗣後之逃逸者兩邊均不准容留務須嚴行查拏送交各守界之人○一恰克圖之小河溝地方有俄羅斯卡倫房間鄂爾輝圖山上有中國卡倫鄂博於此卡倫房間鄂博之中間分中設立鄂博爲南北通商之地由此地起分兩邊邊界之處迤東循布爾固特依山梁至奇蘭卡倫自奇蘭卡倫至齊克泰阿魯奇都喀阿魯哈當蘇此四卡倫鄂博之基以此一路之楚庫河爲邊界自阿魯哈當蘇至額伯爾哈當蘇卡倫鄂博自額伯爾哈當蘇至察罕敖拉蒙古卡倫乃係俄羅斯屬下所佔之地與中國蒙古卡倫之鄂博將此兩間之空地照恰克圖地方分中劃界近俄羅斯屬下人所佔之地如有山河台噶以山河台噶爲界近蒙古卡倫鄂博如有山河台噶以山河台噶爲界如無山河之平明地面自正中分中設立鄂博爲界自察罕敖拉卡倫鄂博至額爾固訥河堤蒙古卡倫鄂博之外另立鄂博爲界自恰克圖鄂爾輝圖兩間爲界所立之鄂博迤西鄂爾輝圖山特們庫珠渾之弼齊克圖霍碩果貝勒蘇圖山庫克齊老圖黃果爾鄂博庸

科爾山博斯口棍替山呼他海圖山科山梁布呼圖嶺額古登昭山梁多什圖嶺克色訥克圖嶺固爾
彌嶺努克圖嶺額爾吉克塔喇噶克台噶托羅斯嶺肯哲瑪達霍尼音嶺克木克木齊克之博木沙彌
奈嶺循此山梁由正中分中劃界此間如有橫出之山河將山河橫斷分中爲界自沙彌奈嶺至額爾
固訥河堤以山之陽爲中國山之陰爲俄羅斯彼此屬下如有不肖之徒偷入游牧佔地居住及蓋房
居住者查明各令移回本處邊地之人如有犬牙相錯居住者亦查明各令收回本處肅清邊界其兩
邊各取五貂之烏梁海仍令照舊各歸其主彼此各徵一貂之烏梁海自定界之日起將各取一貂之
處永行停止○一中外既經通商其商人之數照原議之額不得過二百人間三年一次舉行伊等既
係商人其供給食物盤費之處照舊例停止買者賣者均不徵稅商人到界時預將前來緣由呈明酌
量派員迎入令其貿易如途次購買駝馬糧食僱覓人工令其自行購買僱覓其管理貿易官弁等將
屬下人妥爲管轄儻有爭端秉公辦理此隨行貿易之官弁既均係有職分之人均從重看待凡買賣
之項不得阻止彼此禁止之物不准買賣儻有欲潛行留住之人無頭目之言不准容留若病故者伊
所有之物交給各本國之人至中外通商外其附近邊界之地零星買賣在尼布楚色楞格二處擇平
妥地面蓋造住房令願往貿易者前往貿易住房週圍牆柵量與修造亦不徵稅均由官定路徑行走
如有繞道或赴他處貿易者將貿易貨物入官一體派員按名數撥兵同心守護○一京城之俄羅斯
館嗣後惟俄羅斯之人居住其使臣薩瓦所欲建造之廟宇令中國辦理俄羅斯事務大臣在俄羅斯
館建造現在京居住喇嘛一人其又請增遣喇嘛三人之處著照所請俟遣來喇嘛三人到時亦照前

來喇嘛之例給予盤費令住此廟內至俄羅斯等依本國風俗拜佛念經之處毋庸禁止再薩瓦所留

在京學藝之學生四名通曉俄羅斯拉替努字話之二人亦令在此處居住給與盤費養贍○一彼此

移送文卷印信最爲緊要中國行俄羅斯之公文仍照從前用理藩院印信咨行俄羅斯薩那特衙門

俄羅斯行中國之公文用俄羅斯國薩那特衙門及托博勒城守尉印信臣秋濤謹案托博勒城即托博爾異域錄作托波兒乃錫

伯利部總管噶噶林所駐也咨行中國理藩院衙門其餘近邊地方偶有偷竊逃亡等事行文時中國在邊之圖什

業圖汗王俄羅斯在邊之城守尉各用畫押鈐印公文爲憑由圖什業圖汗王咨俄羅斯公文由俄羅

斯咨圖什業圖汗王公文其送文之人由恰克圖一路行走○一烏特河等處地方暫置爲兩邊公中

地方均不得侵佔居住○一設立邊界頭目凡事務須秉公辦理速行完結如懷私推諉貪黷等情各

按本國刑律治罪○一兩地奉差大小使臣因公事到邊時說明因何事前來係何等人在邊候信聽

候迎接俟迎接之文到時均給予驛站廩給照看進界到時給與住房支放廩餼遇非貿易之年不得

進來貿易如有緊急事件差驛夫一二人將帶來執照給守邊官員驗明免其呈報即差人看待給與

廩餼馬匹彼此文移差人之事最爲緊要不得稍有遲誤推諉嗣後彼此移文時如有將差人勸措並

不即行令回推諉遲滯不給回文既非和議之道於遣使貿易有礙暫爲停止俟事明後方准照舊貿

易○一嗣後凡各卡倫遇有持軍器強劫者無論傷人未傷人一經拏獲務將被獲之人嚴究其由何

處出卡倫同夥幾人審明暫行看守由本卡倫章京等一面將所供出之卡倫踪跡交查外並將未獲

賊名交付查拏一面呈報各管卡倫之扎薩克台吉俄羅斯頭目等卽會同扎薩克頭目卽赴該處審

明出具緣由呈報辦理邊務大臣出派賢能品級較大之員遣赴該卡倫會同該扎薩克頭目等覆審仍呈報辦理邊務大臣強劫屬實無分首從係中國人報理藩院斬決係俄羅斯人報薩那特衙門斬決將此應斬人犯拏赴各邊界處斬首示衆賊騎之馬匹鞍轡軍器給拏獲賊犯之人以示鼓勵所竊牲畜馬匹物件給付失主外仍一倍罰十倍如當時未能弋獲先將踪跡咨明將彼此坐卡倫之章京等調齊詳驗失事處所及屍傷並生傷傷痕各書手記卽著落該卡倫章京予限一月查拏迨限不獲各呈報辦理邊務處將應罰之馬匹牲畜物件卽於承緝不力之卡倫章京兵丁名下一倍罰取十倍如有未帶軍器行竊者當時拏獲鞭一百示衆賊騎之馬匹鞍轡給拏獲賊犯之人以示鼓勵其所竊馬匹牲畜物件給付失主外初次一倍罰取五倍二次者一倍罰取十倍三次者卽照強盜例辦理如當時未獲查其踪跡係由某卡倫之處或給文書或給號記其承緝賊犯卽著落某卡倫之章京兵丁緝捕予限一月弋獲時鞭一百示衆所竊馬匹牲畜物件之數目照現時拏獲賊犯之例以次罰取卡倫官兵逾限未獲應罰馬匹牲畜物件卽於承緝不力之卡倫官兵名下按一倍五倍罰取兩邊之人收得逸失馬匹牲畜卽取和交還各該卡倫如當時未獲查看逸失馬匹牲畜踪跡或行文或給號記五日內尋得此馬匹牲畜按原色給還若逾限收留隱藏不給或後來將遺失馬匹牲畜畜內認出一二各卡倫章京呈報辦理邊務處行文領取將原失牲畜給付外仍一匹罰取二匹如無文憑持械越邊者雖未行竊未殺人一經拏獲所帶器械鞍馬均給拏獲賊犯之人以示鼓勵如越邊打牲被獲所得牲畜器械鞍馬並給拏獲之人以示鼓勵該犯鞭一百示衆如未帶軍器越邊被獲時卡倫章京頭目

詢明若實係迷路者各卡倫章京頭目即派人送原卡倫處交明如在樹林山窪隱藏形迹可疑率獲時馬匹鞍轡並給原鞏之人以示獎勵仍鞭五十示眾凡人犯應責者中國人照例鞭責俄羅斯人杖責○一此次議定互相給與之憑文使臣薩瓦用俄羅斯文字兼書拉替努文字鈐印畫押交中國大臣存貯中國大臣用滿洲文字兼寫俄羅斯拉替努文字鈐印畫押交俄羅斯使臣薩瓦存貯將此文刷印通諭在邊人等知之○乾隆五十七年遵○旨與俄羅斯定約五條○一恰克圖互市於中國初無利益○大皇帝普愛眾生不忍爾國小民困窘又因爾薩那特衙門籲請是以○允行若復失和罔再希冀開市○一中國與爾國貨物原係兩邊商人自相定價爾國商人應由爾國嚴加管束彼此貨物交易後各令不爽約期即時歸結勿令負欠致起爭端○一今爾國守邊官皆恭順知禮我游牧官羣相稱好爾從前守邊官皆能視此又何致兩次妄行失和以致絕市乎嗣後爾守邊官當慎選賢能與我游牧官遜順相接○一恰克圖以西十數卡倫爾之布里雅特哈里雅特不法故致有烏喀勒咱之事今爾國宜嚴加禁束杜其盜竊○一此次通市一切仍照舊章已頒行爾薩那特衙門矣兩邊民人交涉事件如盜賊人命各就近查驗緝獲罪犯會同邊界官員審訊明確後本處屬下人由本處治罪爾處屬下人由爾處治罪各行文知照示眾其盜竊之物或一倍或幾倍罰賠一切皆照舊例辦理

俄羅斯事例臣秋濤謹案以下諸條見理藩院則例又按則例內尚有俄羅 增纂○恰克圖部員回
斯交界通商各條例即雍正五年所定之十一條也茲不復載

賞俄羅斯禮物准其覈銷○一俄羅斯致送恰克圖部員禮物其回禮准酌量彼處應用顏色綢緞賞給仍呈明庫倫辦事大臣查覈報銷臣秋濤謹案此條 增纂○獎懲卡倫官員兵丁○一喀爾喀四

部落在俄羅斯邊界駐守卡倫之扎薩克參領章京驍騎校等如經歷三年巡防妥善該卡座並無盜

賊事故各賞給紀錄二次五年期滿時再各賞加一級其統稽邊卡之扎薩克等五年期滿如果統稽

嚴密各卡座並無事故各賞加一級科布多烏里雅蘇台之駐卡官兵年滿時該管卡座如無盜賊等

事亦各賞給紀錄二次若遇有盜賊之事將該員等應得加給紀錄扣抵其四部落駐卡兵丁於三年

內巡防妥善者每名賞亮梭布一對每對作價銀一兩磚茶二塊每塊作價銀二錢黃烟一包每包作

價銀一錢如三年內遇有事故將玩誤之卡倫官員兵丁併扎薩克記檔停其賞賜治罪此項賞需於

公務之便由口北道庫支領銀兩在庫倫恰克圖購辦分賞至每年應賞俄羅斯瑪玉爾等級正等物

應用銀三十九兩六錢亦由口北道庫支領統造具細冊移咨戶部查覈臣秋濤謹案此條嘉慶十五年奏准○增纂○

俄羅斯偷竊馬匹奏明請○旨○一俄羅斯男婦私行逃出越界經沿邊地方拏獲後訊無別情遣人

送回儻有夥眾偷竊馬匹等事奏明請○旨臣秋濤謹案此條乾隆四十五年定例○增纂○恰克圖卡倫十年巡查一

次○一恰克圖東西兩邊所設卡倫自嘉慶八年為始責令駐劄庫倫辦事大臣每屆十年輪流親往

稽查一次往查之時豫將肅清邊界查驗鄂博各緣由詳明曉諭俄羅斯人等稟遵臣秋濤謹案此條嘉慶七年定例

○增纂○內地與俄羅斯交界○一黑龍江與俄羅斯地方相近以格爾必齊河為界自大興安嶺至

海山之陽為內地地界山之陰為俄羅斯地界臣秋濤謹案此條康熙二十八年定例已見前○增纂○內地民人與俄羅斯

分界居住○一俄羅斯人所居近山河者以山河為界無山河之空地設立鄂博為界自東邊之額爾

古納河以內至額爾白爾哈當蘇卡倫外空地從中平分如有偏出偏入交錯居住之人彼此查明令各

移於界內居住以齊邊界臣秋濤謹案此條雍正五年定例○增纂○俄羅斯交界黑龍江所屬卡倫官兵分班更換

○一內地與俄羅斯連界之珠爾台等十二卡倫駐劄官兵作為三班三月一換臣秋濤謹案此條乾隆三十八年議准又

案珠爾台即珠爾特依卡倫也○增纂○俄羅斯私越邊界拏獲治罪○一俄羅斯私越邊界潛至精奇里烏拉等處

捕犯行走者行文尼布楚城守尉查拏治罪如城守尉查拏不嚴行文該國外併將城守尉治罪臣秋濤謹案此條康熙三十二年覆准

○增纂○俄羅斯等准其在恰克圖貿易○一俄羅斯等除在恰克圖地方交易外其

霍尼邁拉呼卡倫俱不准通商若由薩訥特衙門行文時即將原文報明理藩院聽候辦理臣秋濤謹案此條嘉慶二年

○增纂○查驗貿易執照○一內地商民出邊與俄羅斯互相貿易至卡倫時查驗部給執照

覈其車輛駝隻數目相符另給執照至恰克圖時該駐劄司員再行查驗如無執照不准入市交易臣秋濤謹案此條乾隆四十五年議准

理藩院則例○軍政○舊例○軍器等物不准賣與俄羅斯等處○一內外各扎薩克蒙古等不得將

盛甲弓箭軍器賣給俄羅斯及額魯特回子人等若有偷賣并遺送親戚或被獲或被入拏獲首告者

已未管旗王貝勒貝子公扎薩克台吉塔布囊等罰俸一年無俸台吉塔布囊罰馬五十四匹平人為首

者擬絞監候籍沒其產畜為從者鞭一百罰三九牲畜抄罰之產畜俱賞給拏獲首告之人若奴僕首

主令其出離主家臣秋濤謹案此條係乾隆七年議准

理藩院則例附錄○司員筆帖式外差○恰克圖管理買賣事務司員一員每日庫給銀一兩由院咨戶部支領三年更換

庫倫管理買賣事務司員一員每日庫給銀一兩由院咨戶部支領三年更換○庫倫管理印房事務司員一員筆帖式二員

司員每日廉給銀一兩由院咨戶部支領筆帖式一員事畢旋京不駐○右駐劄司員均由院揀選擬定正陪帶領引見補放筆帖式由堂官僉派○司員筆帖式內差○俄羅斯館監督一員○俄羅斯學提調官一員○均係堂官僉派○俄羅斯館助教○一俄羅斯學生到京時令其在俄羅斯館居住咨取國子監滿洲助教一員漢助教一員在館教習清漢文字○考試八旗俄羅斯學生文義○一八旗學習俄羅斯文義學生考試等第作爲五年一次考列頭等者作爲八品官考列二等者作爲九品官考列三等者交該學勤加教誨由八品官復行考列頭等者作爲七品官由七品官考列頭等者作爲主事分部學習行走遇缺卽補○領催出差○一庫倫辦事大臣處設立領催三名管理商民事務司員衙門設立領催一名恰克圖司員衙門設立領催一名均由院出派三年更換○一駐京俄羅斯之達喇嘛學生等每屆十年換班派領催一名隨同筆帖式送至恰克圖往返照料其俄羅斯不服水土送回木處毋庸出派領催前往○司屬職掌○一典屬清吏司承辦俄羅斯來往事件駐京俄羅斯學生支領衣服銀兩庫倫恰克圖等處駐劄司員筆帖式等任滿更換○一司務廳承辦挑補俄羅斯館館夫等事○更役定額○一本院俄羅斯館除揀派領催輪班到館照料外額設館夫二名專承應看守館門不准閒人濫入等事缺出招募挑補

朔方備乘卷第十

考四

北徼喀倫考敘○臣秋濤謹案尙書有慎固封守之文周官有掌固司險之職漢制邊郡皆設亭障此卽○國朝邊境安設喀倫所由昉也更番候望之所以臺○國語謂之喀倫亦作卡倫又有稱卡路喀龍者皆繙譯對音之轉也北徼喀倫之設始於雍正五年郡王策凌伯四格侍郎圖理琛等會同俄羅斯使臣薩瓦勘定疆界並設喀倫五十九座極東之十二喀倫就近屬黑龍江將軍統轄輪派索倫官兵戍守迤西之喀倫四十有七以喀爾喀四部屬下蒙古按其游牧遠近每喀倫安設章京一員率領兵丁皆令攜眷戍守其對面俄羅斯亦一體安設喀倫所有兩面喀倫適中隕地蒙古語謂之薩布石堆曰鄂博凡薩布處所皆立鄂博爲界間有叢林無可堆石卽削大樹鐫記是時庫倫尙未派駐大臣凡喀倫事務俱係辦理夷務之喀爾喀王統轄至乾隆二十七年始設○欽差大臣駐庫倫專理恰克圖貿易事自是以後喀爾喀四十七喀倫分屬於庫倫烏里雅蘇台而烏梁海平後科布多增設喀倫準噶爾平後塔爾巴噶台伊犁增設喀倫一如前制且加派侍衛分駐巡查所以固封固而昭慎重也謹考各處喀倫後多添設如○盛京通志載黑龍江另設之十五喀倫所以防禦俄羅斯來路蓋已增於十二喀倫之數其他添置之處皆關繫北徼防維不可或略至若新疆等處開齊布克申之制尤爲周密蓋我○國家威靈遠振版圖日見式廓則規制日覺精詳謹臚列於篇以備覽觀云

黑龍江將軍所屬各喀倫○珠爾特依喀倫黑龍江外紀作珠爾特伊在額爾古納河東岸喀倫北有伊穆河西北流入額爾古納河額爾古納河卽呼倫湖之

委其上源實 ○錫伯爾布拉克喀倫 圖作西伯爾布拉克外紀作希布爾布刺克 ○巴延珠爾克喀倫 克魯倫河也 一作巴彥珠爾克在錫伯爾布拉克西南 在珠爾特依西南其西北臨額爾古納河 ○巴延珠爾克喀倫 一作巴彥珠爾克在錫伯爾布拉克西南 ○烏雨勒赫齊喀倫 圖作烏裕勒和齊外紀作烏雨爾齊

流 ○巴雅斯呼朗溫都爾喀倫 圖作巴雅斯呼蘭圖外紀作巴雅斯呼朗圖在烏雨勒 ○巴圖魯和碩 處 圖作巴圖魯和朔外紀作巴圖魯碩 在巴雅斯呼朗圖在烏雨勒 ○巴圖魯和碩 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

喀倫 圖作巴圖魯和朔外紀作巴圖魯碩 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯 碩有磚城方數里址猶存及肩者其磚式 ○庫克多博喀倫 圖作庫克多博外紀作庫克多博在巴圖魯

爾河按開拉哩河在齊齊哈爾城西○温都爾額塔蘇喀倫一作開拉哩河温都爾額塔蘇一作翁庫
北六百九十里源出西北興安嶺

十○烏蘭昂阿喀倫一作烏蘭網安○布拉克圖舍哩喀倫一作布拉克圖○摩該圖舍哩喀倫一作墨
里

托勒輝圖舍哩喀倫一作拖○鄂勒圖舍哩喀倫一作俄爾托○以上十五喀倫係在呼倫貝爾城東

北此從黑龍江外紀○盛京通志則云在游跨拒俄羅斯來路隸呼倫貝爾副都統專轄每處駐防官

一員領兵設守每月一更○特穆德赫喀倫一作特穆得黑在齊齊○温托輝喀倫一作温托昏在特

五里喀倫南有温托昏伯臣秋濤謹案黑龍○多鼐喀倫一作多奈在温托○塔勒哈喀倫一作塔爾

江外紀載此喀倫屬布特哈或同名異地也○烏蘭諾爾喀倫二處在古魯西南○托馨喀倫一作

西南七十五里喀○古魯喀倫一作庫魯在塔勒○烏蘭諾爾喀倫在古魯西南○托馨喀倫一作

倫南有塔爾哈泊○諾爾西南四十五里○四家子喀倫詳里至○阿拉克泰喀倫通志云蒙古語阿拉克泰○拜塔拉

喀倫通志云國語拜塔○以上十一喀倫係在齊齊哈爾城境內臣秋濤謹案此十一座設有官兵

駐防統於黑龍江將軍○拉哈鄂佛羅喀倫詳里至○温德亨喀倫詳里至○蘇克台蘇蘇喀倫通志

國語蘇蘇籍貫○以上和倫部喀倫三處均在齊齊哈爾城境內臣秋濤謹案此三座見設有官兵駐

防統於黑龍江將軍○莽鼐喀倫三合清文鑑云莽鼐蒙○綽羅喀倫通志云綽羅勒山在呼倫貝

博爾齊勒喀倫詳里至○以上三喀倫亦在齊齊哈爾城境內臣秋濤謹案此三座○盛京通志不載

與等十二喀倫蓋臺站隸齊齊哈爾城副都統專轄○諾敏河巴延和羅喀倫西興安嶺東南流五百餘里

亦稱喀倫也此不具錄餘里入嫩江喀倫在諾敏○甘河商和哈達喀倫入嫩江喀倫在甘河旁有商和哈達山處

餘里入嫩江喀倫在諾敏○甘河商和哈達喀倫入嫩江喀倫在甘河旁有商和哈達山處○伊拉喀

河旁有巴延和羅山處○喀穆尼喀倫一作喀木尼喀在博○博爾多喀倫一作博多爾在

喀倫東北至墨爾根城七十里○喀穆尼喀倫一作喀木尼喀在博○博爾多喀倫一作博多爾在

里○拉哈喀倫一作喇哈在甯○甯年喀倫一作甯尼顏在塔拉○塔拉爾喀倫在齊齊哈爾城○以

上八喀倫係在墨爾根城境內臣秋濤謹案此八座見設有官兵駐防隸墨爾根城副都統專轄○塞

楞額山喀倫臣秋濤謹案塞楞額山當即會典之古甯阿山○喀穆尼峯喀倫在黑龍江城東○以上

和倫部喀倫二處係在墨爾根城境內臣秋濤謹案此二座見設有官兵駐防隸墨爾根城副都統專

轄○庫爾爾河喀倫庫爾爾河在黑龍江城東南一千一百○諾敏河喀倫通志云諾敏河在齊齊哈

興安嶺東南流五百餘里入嫩江此與呼蘭所屬之諾敏河同名異地○喀布齊勒峰喀倫通志云喀

布爾札木喀倫外紀未詳里至○以上五

喀倫亦在墨爾根城境內臣秋濤謹案此五座○盛京通志不載今依黑龍江外紀隸墨爾根城副都

統專轄○巴拉畢喇昂阿喀倫通志云巴爾河在齊齊哈爾城東七百五十○伊瑪畢喇昂阿喀倫通

云伊瑪河在齊齊哈爾城西北一千八百五○精奇哩江喀倫一作淨溪里江源出北興安嶺南流會

龍江或作淨烏魯蘇穆丹喀倫一作烏魯蘇木丹在黑龍江城○科洛爾喀倫一作和羅爾在墨爾

喀塔奇喀倫一作喀爾塔爾吉在科○庫墨勒喀倫奇東北八十五里○額葉爾喀倫一作額裕

勒東北三以上八喀倫係在黑龍江城境內臣秋濤謹案此八座見設有官兵駐防隸黑龍江城副

都統專轄○紐勒們河喀倫外紀作牛曼河口即牛滿河在黑龍江城東北一千六百里源出○遙河

口喀倫外紀作孫河口按孫河源出西興○訥默爾河源喀倫外紀作訥墨爾按訥墨爾河在墨爾根

嫩江○以上和倫部喀倫三處係在黑龍江城境內臣秋濤謹案此三座見設有官兵駐防隸黑龍江

副都統專轄○烏魯蘇灣喀倫在黑龍江城西北三百二十里即黑龍江中流環繞之灣也○畢喇拉

河口喀倫即畢拉河在黑龍江城東北一千二百二十里又通志云布特哈○黑龍混同兩江會口喀

倫在黑龍江城東南兩江匯流處黑龍江自西北來混同江○以上三喀倫亦在黑龍江城境內通志

案此三處○盛京通志不載今依黑龍江外紀補入隸黑龍江城副都統專轄○喀爾開圖喀倫通志

外紀尚有牛曼河口等三喀倫已見通志茲不復載隸黑龍江城副都統專轄○喀爾開圖喀倫通志

東三百五十里即此○烏爾布齊喀倫臣秋濤謹案外紀云布特哈有土城因山起伏西去數千里

○吉爾吉哈諾爾喀倫吉爾吉哈諾爾乃布特哈○溫托輝喀倫臣秋濤謹案通志溫托輝河在齊齊

輝池在城南三百里是同名異地之顯證志載溫托輝喀倫臣秋濤謹案此五處○盛京通志不載今從黑龍江

屬齊齊哈爾而外紀載布特哈有此喀倫今兩存之以俟考○喀喇山喀倫臣秋濤謹案外紀云齊齊

屯蓋屯因○以上五喀倫係在布特哈駐防境內臣秋濤謹案此五處○盛京通志不載今從黑龍江

而外紀亦未言其所以互異之故今附錄六喀倫之名以備參考曰烏魯蘇穆丹喀倫曰巴拉畢喇昂

阿喀倫曰伊瑪畢喇昂阿喀倫曰庫爾喀倫曰諾敏河喀倫曰科卜齊勒喀倫以上各名有與外

紀所記他城所轄之喀倫同名者疑有移設改隸布特哈總管專轄○珊廷富勒哈喀倫詳里末○綽

隸而外紀未之詳也今亦不敢臆定謹識於此

羅河口喀倫通志須羅河在呼蘭城○諾敏河口喀倫臣秋濤謹案黑龍江省境內水名諾敏者有數

北其水南流○布勒噶里喀倫外紀未○以上四喀倫係在呼蘭城境內通志不載今從黑龍江外紀

入呼蘭河○補隸呼蘭城守尉專轄

附載黑龍江與喀爾喀車臣汗分界各喀倫 喀卜齊哈圖喀倫通志關郵門作喀布齊哈圖會典作

海圖在霍○阿拉勒圖喀倫一作阿喇爾圖在○扎拉喀倫一作扎喇布爾奇勒一○布爾克圖喀倫一作布拉克一作布喇克一作布○和爾哈圖喀倫一作瑚爾哈圖一作關爾海圖一作呼○哈薩圖

喀倫一作哈沙圖一作海沙圖在和爾哈圖南○音辰喀倫一作音沁一作音撒在哈薩圖東南○阿魯布拉克喀倫一作阿魯布拉克在音辰東○穆敦

哈薩圖喀倫一作墨敦哈沙圖一作莫端海沙圖在西北隅○扎穆呼都克喀倫一作扎密霍都克一作查末在穆敦哈薩圖北

喀倫東臨○貝爾布隆德爾蘇喀倫一作布爾布隆德爾蘇一作布伊爾布隆德爾蘇一作貝爾布隆德爾蘇

鄂爾遜河○蘇爾布隆德爾蘇喀倫一作蘇爾布隆德爾蘇一作蘇爾布隆德爾蘇一作蘇爾布隆德爾蘇

山○鄂爾遜河烏蘭昂阿喀倫一作鄂爾遜河烏蘭昂阿喀倫一作鄂爾遜河烏蘭昂阿喀倫

流注於呼倫湖○額布都克喀倫在鄂爾遜河烏蘭昂阿喀倫○拉們罕布爾都哩喀倫一作拉們罕布爾都哩喀倫

西林瑚都克在額布都克東○烏默克依布拉克喀倫一作額布爾布刺克一作額布爾布刺克

南喀倫西南有喀爾喀河○納爾蘇喀倫一作納爾蘇圖在烏默克依布拉克東南○以上十六喀倫係在呼倫貝爾西南說本黑龍江外紀黑龍江與喀爾喀車臣汗分界處每二處駐防官一員每處派兵設守一月一更臣秋濤謹案此十六喀倫雖不與俄

羅斯境壤相接然地距邊界甚近實為北徼要衝故特設喀倫以示防微杜漸之義茲附載於此以備

檢閱○臣秋濤謹案○盛京通志曰黑龍江徼外境壤牙錯地無邊牆各處俱設喀倫所以防禦俄羅

斯每年四五月間經將軍派協領三員佐領六員驍騎校六員兵二百四十名分三路前往楚爾海圖

句默哩納克句格爾畢齊河口額爾古訥河口等處巡察遇有越境之俄羅斯即行捕送將軍請○旨

辦理觀此定制用昭我○聖朝慎固疆圉戢兵安民之至意敬附識於此其巡察邊界之事仍詳載界碑考

庫倫辦事大臣所屬各喀倫臣秋濤謹案庫倫以西各喀倫名載在會典事例內府輿圖及各書者往

亦有互異者均○枯布勒哲庫喀倫一作科博爾集庫一作庫布勒哲庫東與黑龍江屬○蒙克托羅

蓋喀倫一作孟克托羅海一作孟克陀羅○哲格勒它音喀倫一作哲格勒圖西至孟格

十四喀倫均在敖嫩河之西恰克圖之東臣秋濤謹案恰克圖亦作必齊科圖在貝勒蘇圖山之東係南其西臨色楞格河北與俄羅斯之都爾班喀倫為界

喀爾喀土謝圖汗部所設有專管喀倫扎薩克一員喀倫以外係俄羅斯界自敖嫩河迤西一帶多山

且多叢林僅有恰克圖為通衢大路自恰克圖至庫倫連亘八百餘里一路扼要有色楞格大河東岸

聯岡自此迤南直至袞圖達巴罕其間或有峽溝或有叢樹諸險皆屬天然洵要鎮也臣秋濤謹

案車臣汗土謝圖汗兩部喀倫事務屬庫倫大臣管理仍派有總管兩部喀倫之蒙古扎薩克一員由

庫倫北行十一站至恰克圖為俄羅斯與中國互市處約有八百餘里前庫倫大臣松筠曰俄羅斯久

沐○皇仁可信其永遠恭順況各扎薩克屬下額兵俱善圍獵鎗箭本其所長俄羅斯馬少且無習射

者固不敢入即其或入亦不足當沿途一圍耳臣秋濤又案恰克圖邊外迤東有哈木尼罕部落習

俗與邊內哲布尊丹巴胡土克圖屬下打牲之哈木尼罕同又有柰瑪爾部落習俗與邊內巴爾呼同

皆隸俄羅斯為之防守邊境核其地域當在以上二十八喀倫之外附記於此

烏里雅蘇台將軍所屬各喀倫○察罕烏蘇喀倫一作察漢烏蘇一作查罕烏蘇東至恰克圖九十五里西至哈拉呼

几爾喀倫一作哈拉胡集爾一作哈拉呼集爾西北至○哈布塔海喀倫一作哈博塔克西北至濟爾

勒圖○濟爾格岱喀倫一作集爾格特一作集爾格忒一作几爾格代西至鄂爾○鄂爾多果喀倫一作

鄂爾多和西至特穆倫七十五里喀倫○特穆倫喀倫一作特木倫西南至額林沁拉○額林沁拉木

喀倫一作額林沁西北至阿勒昆博勒○阿勒昆博勒喀倫一作阿拉渾博勒西至鄂依拉噶一

○鄂依拉噶喀倫西至達爾沁西有鄂依拉噶河○達爾沁圖喀倫一作達爾秦吐西南至庫克托羅蓋八

烏梁海二○庫克托羅蓋喀倫一作庫克陀羅蓋一作庫克它羅蓋西南至哈特○哈特呼勒卜木
佐領牧地呼勒卜木一百五十里喀倫南有庫克陀羅蓋河

喀倫一作哈特呼爾西南至博爾特斯二百里喀倫北有庫蘇古爾泊西與南皆臨額爾赫河○以上十二喀倫均在恰克圖迤西係喀爾喀賽

音諾顏部所設有專管喀倫扎薩克一員喀倫以外東偏係俄羅斯界西偏係烏梁海二佐領游牧

外接俄羅斯界○博爾特斯喀倫一作伯爾圖斯一作博爾圖斯西北至察罕布隆八十五里喀倫北有章哈山山北為扎薩克圖汗所屬烏梁海一佐領牧地○

察罕布隆喀倫一作察漢布隆一作查罕布籠西至阿噶里一百五十里喀倫北有烏梁海四佐領牧地○阿噶里喀倫一作

里一作阿噶里西南至灑巴利二百一十里喀倫北有○灑巴利喀倫一作錫巴爾一作錫巴里西

德勒格爾河又北有唐努山山南北皆烏梁海牧地○齊噶勒喀倫一作齊噶爾西至哈起克○哈起克喀倫西至巴彥布

有唐努山南有○齊噶勒喀倫八十里有喀倫北有唐努山南有特斯河○哈起克喀倫西至巴彥布

桑錦達賚泊喀倫北有唐努山○巴彥布拉克喀倫一作得爾古烏占巴顏布拉克依保依喀倫迤西接○以上

七喀倫均在唐努山迤南係喀爾喀扎薩克圖汗部所設有專管喀倫扎薩克一員喀倫以外係唐

努山烏梁海及哲布尊丹巴胡土克圖所屬烏梁海扎薩克圖汗部所屬烏梁海賽音諾顏部所屬

烏梁海各游牧境之廣狹自數百里至千餘里不等游牧以外方接俄羅斯界○臣秋濤謹案賽音

諾顏扎薩克圖汗兩部喀倫事務屬烏里雅蘇台將軍管理仍派有總管兩部喀倫之蒙古扎薩克

一員又案自恰克圖邊外迤西有布哩雅特部落習俗與邊內喀爾喀相似蓋蒙古別部也布哩雅

特部迤西有哈哩雅特部落習俗與邊內唐努山烏梁海同蓋烏梁海別部也皆隸俄羅斯為之防

守邊境核其地域當在以上十九喀倫之外附記於此

科布多參贊大臣所屬各喀倫○近吉里克喀倫一作津濟里克一作金集里克西南至額爾遜五十里喀倫北有納林河○額爾遜喀倫

一作特斯卓額爾孫呢博爾齊爾喀倫一作額爾沁西至薩木○薩木噶勒台喀倫一作色墨爾特衣

噶勒台八十里喀倫東臨野克額爾孫尼河今稱額爾沁河○齊齊爾噶那喀倫一作齊齊爾噶納

至阿拉克鄂博一百十里○阿拉克鄂博喀倫喀倫西臨古爾班錫博爾克河南臨特爾斯河○鄂爾濟

喀倫東臨塔爾拉克沁河○齊齊爾噶那喀倫一作齊齊爾噶納

呼布拉克喀倫齊齊爾噶那和布拉克一作額爾得呼孫河○漢達蓋圖喀倫吐一作罕達該圖一作漢達蓋

棲棲爾噶那西北至漢達蓋圖一百四十里喀倫臨得西南○齊齊爾噶那喀倫吐一作罕達該圖一作漢達蓋

羅沁格格圖七十里喀倫東臨托○博羅沁格格圖喀倫一作博羅伊齊格特衣一作汗達格圖西南至博

爾和里克河南流入烏布薩泊○博羅沁格格圖喀倫一作博羅伊齊格特衣一作汗達格圖西南至博

十里喀倫東○博陀羅尼霍壘喀倫烏魯克諾爾一百四十里喀倫東臨薩克里河○烏魯克諾爾喀

倫一作鄂魯克淖爾西至齊格爾素台一百三○齊格爾素台喀倫里雅蘇台六十里喀倫北有根德

克圖泊南有布克薩小泊○哈翰烏里雅蘇台喀倫一作哈叨烏里雅蘇台西至哈克諾爾一百五里

泊南即明阿特旗牧地○哈克諾爾喀倫西至索果克六十里喀倫西有戴舒爾泊東臨烏里雅蘇圖河西南流

入科布○哈克諾爾喀倫西至索果克六十里喀倫西有戴舒爾泊東臨烏里雅蘇圖河西南流

多河○哈克諾爾喀倫西至索果克六十里喀倫西有戴舒爾泊東臨烏里雅蘇圖河西南流

索克郭爾博爾齊爾噶倫西至衛霍爾一百○衛霍爾喀倫一作尾古爾淖爾一作謂火爾西至噶嚕

四十里喀倫西南有索郭克衣喀拉烏蘇水○衛霍爾喀倫圖一百里喀倫南距尾古爾淖爾約百里

許○噶嚕圖喀倫一作噶嚕圖淖爾依一作噶爾吐西至烏○烏科克喀倫一作烏克克西北至沁達

克河源在喀倫○沁達垓圖喀倫吐西至烏爾魯魯一百二十里喀倫南臨沁達噶圖河○烏爾魯喀

南遠流其東○鄂爾魯衣鄂烏蘇西至昌吉○昌吉斯台喀倫西至那林一百十里喀倫西有需圖拜山臣秋

倫一作鄂爾魯衣鄂烏蘇西至昌吉○昌吉斯台喀倫西至那林一百十里喀倫西有需圖拜山臣秋

海甯奏稱昌吉斯台卡座投到俄羅斯男婦五十九人據稱俱係巴爾納郭城居民因俄羅斯舊例

首俱以二指後改三指實屬忌諱遂率領戶口逃出巴爾納郭城居民因俄羅斯舊例

但在二國之間殊非久遠之計不若投入大國圖水○皇恩請即安插科布多城○那林喀倫設一

南欽奉○高宗純皇帝訓旨按戶賞給盤費好言撫諭節令同策即此客倫也○那林喀倫設一

納林色欽喀倫西至庫爾阿吉爾噶一百里額爾濟斯河○塔木博勒濟爾喀倫斯台之南喀倫東

烏庫爾烏蘇河源出喀倫之東逕其北西入額爾濟斯河

南有納齊庫河發源南
入額爾齊斯河上游 ○庫蘭阿吉爾噶喀倫 夏季安設一作胡拉阿爾吉噶 一作枯蘭阿吉爾 噶 勒濟爾巴什喀倫 冬季安設在塔木博勒濟爾西南額爾齊斯河上 ○和尼邁拉虎喀倫 夏季安設一

呼一作和尼邁拉和 西臨額爾齊斯河東喀倫 西有塔爾巴哈爾河 ○瑪尼士噶圖勒喀倫 冬季安設在噶勒濟爾巴什西額爾 河與輝邁拉虎相望喀倫北接俄羅斯界 ○均屬科布多參贊大臣管理由喀

爾喀四部扎薩克選派台吉章京帶領兵丁分駐戍守一年一換官給錢糧所有總管喀倫侍衛由 ○

又西有阿爾泰烏梁海各游牧牧遊迤北方接俄羅斯界

塔爾巴哈台參贊大臣所屬各喀倫 ○輝邁喇虎喀倫 一作輝邁拉虎 一作輝邁拉呼在宰桑淖爾之

季安設之和尼邁拉虎喀倫東西 ○札哈蘇淖爾喀倫 西南至策克德 北臨額爾齊斯河西岸與東岸科布多所屬夏

相望西南至札哈蘇淖爾八十里 ○喜泥烏蘇喀倫 在策克德果勒西南自喀倫西行二十里 ○策克德克果勒喀倫 喜泥烏

餘里 ○韋湖為阿布塔爾謨多河所匯自 ○哈喇布拉克喀倫 爾霍七十里 ○特穆爾綽爾喀倫 西南至哈

喀倫東南行至哈喇布拉克所匯自 ○哈喇布拉克喀倫 爾霍七十里 ○固爾班烏里雅蘇圖喀倫 南至博洛呼

里 ○哈達蘇喀倫 喀倫外西向哈薩克台吉罕巴爾索討安集延人口伊犁將軍晉昌遣協領哈芬布前

往查辦哈芬布出喀倫外數十里安設帳房捕傳俄羅斯安 ○固爾班烏里雅蘇圖喀倫 南至博洛呼

集延頭目數人面為開導令兩造公議償還即此喀倫也 ○哈瑪爾達巴罕喀倫 在板廠溝西烏

○博洛呼濟爾喀倫 西南至板廠 ○板廠溝喀倫 在博洛呼 以上十三喀倫均係夏季安設

烏里雅蘇圖喀倫 在塔爾巴哈台城北七十里自喀倫東北行三十里 在額爾齊斯河上游南岸宰

倫布拉克一 ○鄂倫布拉克喀倫 西南至烏里雅 ○烏里雅蘇圖喀倫 與夏季安設之喀倫同名異地

百二十里 ○俄棟果勒喀倫 西南至烏蘭布拉克喀倫 ○烏蘭布拉克喀倫 西南至布爾噶 ○布爾噶蘇合喀倫 西南至俄棟

果勒六十里 ○博勒濟爾喀倫 西南至錫伯圖 ○錫伯圖喀倫 西南至塔爾巴 ○以上八喀倫均係冬季

至博勒濟 安設是為塔爾巴哈台東路喀倫隸領隊大臣專管 ○秋濤謹案夏季所設之輝邁喇虎喀倫北面

徽外與俄羅斯接界蓋沿額爾齊斯河西岸以達彼境也其附近塔爾巴哈台城各喀倫西徽外均與

哈薩克接界然哈薩克並無城郭越哈薩克境即俄羅斯計距綏靖城所屬內地不過四五百里之遙

斯譏察防閑兼及羅剎固不僅以控臨蘇對設此戎索已

附載塔爾巴哈台西南各喀倫 ○巴克圖喀倫 在塔爾巴哈台城西七十里 ○瑪呢圖喀倫 西南至沙拉

里 ○沙拉布拉克喀倫 西南至察罕 ○察罕托海喀倫 西南至額爾 ○額爾格圖喀倫 西南至巴爾

里 ○巴爾魯克喀倫 西南至莫多巴 ○莫多巴爾魯克喀倫 西南至阿魯沁 ○阿魯沁達爾喀倫 在莫多巴

南自此南至伊犁所屬之哈 ○以上八喀倫均在阿拉克圖古勒淖爾之東踰淖爾即哈薩克游牧哈

薩克之外則俄羅斯也是為塔爾巴哈台西路喀倫以專理游牧領隊大臣一員兼管焉凡塔爾巴哈

台所屬喀倫由 ○京師派侍衛管理三年更代

附載伊犁將軍所屬各喀倫 ○沙喇布拉克喀倫 春季添冬季撤在惠甯城西北一 ○塔勒奇喀倫 常

東北至千珠罕 ○千珠罕喀倫 屬之碩博圖六十里 ○庫庫哈瑪爾喀倫 春季添冬季撤在惠 ○畢齊

克圖喀倫 春季添冬季撤在庫庫 ○庫庫鄂囉木喀倫 春季設冬季移開里沁在惠甯城東北一百

鄂博勒齊爾北達巴罕喀倫 春季設冬季移博羅布爾 ○固勒札渡口喀倫 常設在惠甯城東南三十里伊犁河北岸 ○博

羅布爾噶蘇喀倫 冬季由鄂博勒齊爾北達巴罕 ○闕里沁喀倫 冬季由庫庫鄂羅木移設在惠甯城東北三十餘里 ○以上各

喀倫均係惠甯城領隊大臣所轄內常設喀倫三座 京派侍衛管理 移設喀倫二座 按移設喀倫隨時

處實止一喀倫也故此處添撤喀倫三座 ○固爾班扎海喀倫 常設一作固爾班托海在惠遠城 ○安

總數只計二座後仿此 ○沙巴爾托海喀倫 春季設秋季移察罕托 ○托里喀倫 春季設夏季移額

達拉喀倫 常設西至沙巴 ○沙巴爾托海喀倫 春季設秋季移察罕托 ○托里喀倫 春季設夏季移額

季移托賴圖西至瑪 ○瑪哈沁布拉克喀倫 春季設夏季移額里音莫多西至春稽八十里 ○春稽喀倫 常設西

哈沁布拉克五十里 ○烏里雅蘇圖喀倫 夏季添秋季撤東北至沙巴爾托海 ○額木訥察罕烏蘇喀倫 夏季由托

木哈八 ○烏里雅蘇圖喀倫 夏季添秋季撤東北至沙巴爾托海 ○額木訥察罕烏蘇喀倫 夏季由托

至輝圖察罕 ○輝圖察罕烏蘇喀倫 設西至塔木哈六十里 ○塔木哈喀倫 春季設秋季移察林河

烏蘇六十里 ○察罕托海喀倫 秋季由沙巴爾托海移設西南至沙巴 ○托賴圖喀倫 秋季由額木訥察罕烏蘇移

○沙喇托羅海喀倫 秋季添冬季撤西南至 ○額哩音莫多喀倫 秋季由輝圖察罕烏蘇移 ○頭勒克

喀倫 秋季設春季移厄魯特營之巴噶塔木哈夏季移塔木 ○察林河口喀倫 秋季由塔木哈移設

哈色沁東南至春稽九十里西南至察林河口四十里 ○察林河口喀倫 秋季由塔木哈移設

塔木哈色沁喀倫 夏季由巴噶塔木哈移 ○大橋喀倫 常設在惠遠城東 ○以上各喀倫均係錫伯營

領隊大臣所轄內常設喀倫四座移設喀倫五座添撤喀倫二座 舊霍爾果斯安達拉喀倫 春季添

在惠遠城西北一百二十里西 ○齊齊罕安達拉喀倫 春季添冬季撤西北 ○霍爾果斯喀倫 常設北

在伊犁 ○奎屯色沁喀倫 冬季添夏季撤西北至 ○以上各喀倫均係索倫營領隊大臣所轄內常設
河北岸 博羅呼濟爾二十里

喀倫六座 均係由○京 添撤喀倫四座 ○千珠罕布拉克安達拉喀倫 春季添冬季撤在惠遠城東北
派侍衛管理

七十 ○烏蘭布喇喀倫 常設東至綽倫古 ○綽倫古爾喀倫 春季添冬季撤東至 ○達爾達木圖喀倫
爾一百二十里

常設北至札克 ○札克鄂博喀倫 常設西北至哈 ○哈布塔海喀倫 常設東北至音 ○音德爾圖喀倫
鄂博八十里 布塔海八十里 德爾圖四十里

春季添冬季撤西 ○烏柯克喀倫 常設西至沁 ○沁達蘭喀倫 常設西至索達 ○索達巴罕喀倫 常設
至烏柯克六十里 達蘭六十里 巴罕五十里

沖庫克 ○沖庫克喀倫 常設西至喀喇烏 ○喀喇烏珠爾喀倫 春季添冬季撤西至阿 ○阿爾齊圖哈
四十里 珠爾一百二十里 爾齊圖哈瑪爾四十里 春季添冬季撤西

瑪爾喀倫 春季添冬季撤西 ○木魯喀倫 春季添冬季撤西至 ○沙喇布魯克喀倫 春季添冬季撤西
至木魯四十里 沙喇布魯克三十里

蓋八 ○察奇爾圖呢蓋喀倫 春季添冬季撤西南 ○庫庫托木喀倫 常設西南至察 ○察罕烏蘇喀倫
春季添冬季撤東 庫庫托木一百里

春季添冬季撤東南 ○雅瑪圖喀倫 春季添冬季撤東至鄂托克 ○鄂托克費哩安達拉喀倫 春季添
至雅瑪圖八十里 費哩安達拉一百四十里

東至碩博 ○碩博圖喀倫 春季添冬季撤東南 ○以上各喀倫均係察哈爾營領隊大臣所轄內常設
圖四十里 至千珠罕六十里

喀倫九座 有五座由○京 添撤喀倫十二座 ○特穆爾哩克喀倫 春季添冬季撤鄂博圖渡口在惠遠
派侍衛管理 添撤喀倫十二座

渡口九 ○特穆爾哩克渡口喀倫 冬季添夏季撤西至雅 ○雅巴爾布拉克喀倫 冬季添夏季撤西
十里 巴爾布拉克六十里

鄂博圖喀倫 冬季添夏季撤西南 ○鄂博圖渡口喀倫 冬季由特穆爾哩克移設東至雅巴爾 ○額爾
至額爾格圖四十里

格圖喀倫 冬季添夏季撤西南 ○札拉圖喀倫 冬季添夏季撤東南 ○哈爾干圖喀倫 夏季添冬季撤
至札拉圖五十里 至哈爾干圖六十里

圖五 ○齊齊罕圖喀倫 夏季添冬季撤東 ○庫圖勒喀倫 夏季添冬季撤東北至特穆爾 ○格根喀倫
十里 至格根六十里

鄂爾果珠勒七十里 ○鄂爾果珠勒喀倫 夏季添冬季撤西南 ○哈爾奇喇喀倫 夏季添冬季撤東
至鄂爾果珠勒七十里 至哈爾奇喇六十里

鄂爾果珠勒七十里 ○鄂爾果珠勒喀倫 夏季添冬季撤西南 ○哈爾奇喇喀倫 夏季添冬季撤東
至鄂爾果珠勒七十里 至哈爾奇喇六十里

里 ○沙喇雅斯喀倫 夏季添冬季撤東南至 ○特克斯色沁喀倫 常設東至敦達哈 ○敦達哈布哈克

喀倫 常設東至伊克哈 ○伊克哈布哈克喀倫 常設東至察 ○察察喀倫 常設東至那林 ○那林哈勒

噶喀倫 夏季添冬季撤東與 ○巴噶塔木哈喀倫 春季添夏季撤東北至錫伯 ○察林河渡口喀倫 冬季添

添夏季撤東北至錫伯營 ○察林河察罕鄂博喀倫 冬季添夏季撤南至 ○格根西哩克喀倫 冬季添

所轄之頭勒克五十里 ○銅廠外喀倫 夏季添冬季撤在惠 ○烏努古特喀倫 春季設冬季移昌曼在惠

惠遠城三百餘里 ○博爾柯阿滿喀倫 夏季添冬季撤在崆吉斯河北 ○昌曼喀倫 冬季由

特四 ○那喇特喀倫 夏季添冬季撤東北至 ○博爾柯阿滿喀倫 夏季添冬季撤 ○昌曼喀倫 冬季由

特移設東北至烏努古特五十里 ○綽羅圖喀倫 秋季添冬季撤西南 ○博托木喀倫 秋季添冬季撤西南

十里西南至綽羅圖八十里 ○拜布喇克喀倫 秋季添冬季撤西南 ○埃爾巴特喀倫 秋季添冬季撤與 ○以上各喀倫均係厄魯

特營領隊大臣所轄內常設喀倫四座移設喀倫四座添撤喀倫二十四座 ○伊犁河口喀倫 常設在

南伊犁 ○達爾達木圖喀倫 春季添秋季撤在錫伯營所轄 ○以上各喀倫均係伊犁營務處專轄內

河北岸 ○常設喀倫一座添撤喀倫一座 ○臣秋濤謹案伊犁塔爾巴哈台地處極邊分設喀倫所以控制邊內

外游牧諸部也然邊內之土爾扈特和碩特厄魯特等涵泳 ○聖化共安熙皞即邊外之哈薩克布魯

特等歲納租馬供調遣亦與內地藩部無異惟俄羅斯地在哈薩克以外勢漸強盛其距我喀倫雖尚

有千數百里遠近不等而哈薩克諸部皆無城郭遷徙不常是以俄羅斯人竟可直至喀倫之外如嘉

慶年間有俄羅斯向哈薩克人索取安集延人口之事即係至塔爾巴哈台喀倫之外由伊犁將軍奏

朔方備乘卷第十一

表五

北徼形勢考敘○臣秋濤謹案中國之北古稱幽都難以詳考禹貢冀州不言北界說者謂其北境大抵以沙漠爲限然無確據至秦漢以後北築長城則沙漠之南且不能有無論漠北也遼金雖起自龍江吉林之境然北境未能及大興安嶺其西如黠戛斯之屬皆爲屬國則喀爾喀以北亦同羈縻元代建設藩封地屆冰海而尾大不掉日尋干戈至明人力弱地狹不能及遠更無論已惟我○聖朝○德隆萬古○化洽九垓東至莫曳西迄碎葉舉鴻荒以來不賓之地悉入版圖北邊萬里與俄羅斯爲鄰馨感○聖化恭順逾常所謂守在四夷也更何須效漢唐諸儒區區講地利論形勢哉惟是邊防之事有備無患謹考北邊鎮戍之大者自最東迄於最西曰吉林省曰庫葉島曰三姓曰黑龍江省曰黑龍江城曰呼倫貝爾曰庫倫曰烏里雅蘇台曰車臣汗曰土謝圖汗曰三音諾顏曰扎薩克圖汗曰唐努山烏梁海曰科布多曰塔爾巴哈台曰伊犁凡十有六處各詳論其形勝而以俄羅斯形勢考二篇附於後庶言邊務者有所考焉

吉林省形勝○吉林爲東三省之一在○京師東北二千三百餘里古肅慎氏地漢挾婁北朝勿吉隋斯鞠唐燕州等爲渤海所據遼甯江州金肇州信州及率賓等路地元海蘭府明分設各衛所後屬○本朝初設將軍於甯古塔後移吉林而別設吉林甯古塔白都訥阿勒楚喀三姓各副都統以佐其治論者第以吉林北接龍江南輔遼瀋爲東方四達之衢不知其地域廣遠東至庫葉島跨海外數千里東北至赫

哲費雅喀部落延袤三千餘里接俄羅斯境重關巨扃捍衛天府實為東北第一雄鎮不僅遠迎長白近繞松花稱形勝之美也

庫葉島形勝○東三省中吉林所轄地最廣吉林所屬中三姓副都統所轄地最廣會典分三姓所轄為二圖曰海以外圖則庫葉島地也庫葉雖一洲島幅頓千里為混同江口外大護沙其間捕牲部落

曰庫葉曰費雅喀曰俄倫春歲時貢貂皮於吉林環庫葉之島大小數十詳庫葉附近諸島考其崇山則有圖克

蘇圖音格繩之屬其名川則有博和畢郭多和之屬其地四圍皆海北控俄羅斯南控日本拱護海口

屹然為東三省保障是庫葉島之形勝也臣秋濤謹案此地隸於三姓副都統因地瘠民淳從前未專設大臣鎮守若生齒日繁似亦宜加屯戍以重邊防也○

三姓形勝○自混同江口以西溯流而上抵三姓城皆三姓副都統所屬地其北境大山老林直接俄

羅斯界凡數千里會典分為三姓所屬海以內圖蓋東北抵海西北抵外興安嶺其嶺南所出之水自

索倫河以東皆小川東入海自噶穆河以西為哈滾河恆滾河格楞河諸大川皆南入混同江其境北

控俄羅斯南接甯古塔萬山環疊雄障東陲是三姓之形勝也臣秋濤謹案三姓地界遼遠而通志敘其疆域殊未明晰如云東至佛楞窩集

六百餘里甯古塔界而不言東至庫葉島云北至吉潭河四百餘里黑龍江界而不言北至俄羅斯皆

舉其細而遺其大至云東北至威哈珠河吉林界不知三姓在吉林東北由三姓東北抵大海皆三姓

所屬地乃云係吉林界可乎惟嘉慶年間重修大清會典地圖開載詳明臣秋濤謹依以立說焉

黑龍江省形勝○黑龍江為東三省之一在○京師東北三千三百餘里古肅慎氏遺墟漢鮮卑魏勿

吉隋黑水靺鞨唐黑水府宋契丹遼上京金蒲與路元開元路明朶顏衛皆其地也我○朝初入版圖屢為俄羅斯屬部羅刹所侵掠○聖祖遣使宣諭仍負固乃發大軍由吉林水陸並進逼所踞尼布楚

城等納款乞盟以興安嶺爲界於是東南至吉林西至蒙古喀爾喀車臣汗部北至俄羅斯廣輪數千里鎮以重臣屯以勁旅以齊齊哈爾爲省會而墨爾根黑龍江呼倫貝爾布特哈呼蘭五城隸之二百餘年來與吉林奉天爲唇齒屹然稱重鎮

黑龍江城形勝○黑龍江○國語曰薩哈連烏喇初爲都會因以名省嗣將軍移駐齊齊哈爾而黑龍江城設副都統以莅其治今通稱其地爲愛呼以附近有愛琿古城轉琿爲呼也城在齊齊哈爾東北八百里所轄之境甚廣凡外興安嶺發源之溪河南入混同黑龍二江者皆其境也自恆滾河以東歸三姓副都統轄牛滿河以西如欽都河精奇哩江皆名川也雅克薩城烏魯蘇穆丹城愛琿城皆昔年要鎮也均在轄內北至俄羅斯界凡二千里其地勢則左枕龍江右環興嶺允爲東省屏藩北門鎖鑰是黑龍江城之形勝也

呼倫貝爾城形勝○呼倫貝爾一作呼倫布爾通稱海蘭兒蓋其地有池一曰呼倫一曰貝爾官軍屯駐二池間因以名地而謂之海蘭兒則指凱喇爾一河亦音轉也昔遼太祖金甌一箭定都茲土所謂上京臨潢府諸蹟雖已無存稽之史冊宋人奉使契丹固嘗往來斯地則拘墟之士動謂江塞從古不通中華其謬可知地在齊齊哈爾西北八百四十里東至吉爾起克山西南皆接蒙古喀爾喀車臣汗境西北二百二十里爲額爾古納河與俄羅斯接壤其地勢則北控俄羅斯南撫喀爾喀山河險固並重龍江是呼倫貝爾城之形勝也

庫倫形勝○庫倫在汗山之北距○京師二千八百八十里自庫倫北行凡十有二站而達於恰克圖爲

通俄羅斯互市之道乾隆二十八年始設庫倫大臣所以經理俄羅斯邊境事務繼而車臣汗土謝圖汗二部之事務皆歸統轄屹然為漠北雄藩其地本哲布尊丹巴呼土克圖駐劄處喀爾喀四部尊崇黃教咸宗仰焉唐回紇牙帳近仙娥河即今色楞格河元太祖和林故都亦在色楞格河南岸蓋自古漠北會宗之地土拉河鄂爾渾河諸水皆會於色楞格以入北海庫倫實據上游所謂扼其吭而拊其背也

烏里雅蘇台形勝○烏里雅蘇台距○京師四千九百六十里自雍正年間北路大軍由科布多移駐於此屯田積穀秣馬厲兵控制準噶爾部垂三十年至乾隆二十年以後準夷既平仍設定邊左副將軍於此以鎮撫北方繼而賽音諾顏扎薩克圖汗二部事務咸歸統轄洵朔漠之綱維邊徼之保障也其地古為薛延陀突厥諸部東倚杭愛山西倚金山濱札布堪水天下勁兵處也所轄喀倫係雍正五年所設及乾隆中闢地西北陞烏梁海諸部落悉入版圖是以各喀倫外拓地凡數千里而喀倫之制則尚仍其舊焉

車臣汗部形勝○喀爾喀四部以車臣汗部為東路凡三十三旗東起左翼前旗當索岳爾濟山之北濱臨喀爾喀河次西北為中右旗又西為左翼後末旗又西為中前旗又西為中左前旗又西為左翼左旗皆跨喀嚕倫河北至卡倫與俄羅斯為界統論全境東接呼倫貝爾西接土謝圖汗部南臨瀚海北接俄羅斯其名山則以肯特山為最高敖嫩河出其北喀嚕倫河出其南敖嫩河北入俄羅斯境又東北經尼布楚城復入中國境為黑龍江喀嚕倫河東北流入呼倫池出為額爾古納河

實爲中國與俄羅斯交界處昔元太祖始起在斡難河卽敖嫩河也其子朮赤取樹林中百姓卽沿敖嫩以東尼布楚諸地由是循謙河水而平俄羅斯東境焉明成祖用兵抵臚胸河改曰飲馬川卽喀嚕倫河也我○聖祖北征噶爾丹亦嘗勒銘於此蓋瀚海之北邊防固以車臣部爲首重矣

土謝圖汗部形勝○土謝圖汗部稱喀爾喀北路凡二十旗在肯特山之西南汗山峙其境汗山之北爲庫倫有辦事大臣治焉土拉河鄂爾坤河色楞格河縈繞旗境合流北注北抵卡倫與俄羅斯爲界自庫倫達於恰克圖爲俄羅斯互市處統論全境東接車臣汗西接三音諾顏部南臨瀚海北至俄羅斯爲自古漠北用武之地漢之浚稽山涿邪山燕然山皆在境內唐之烏德健山當與今杭愛山相近嗚昆河卽今鄂爾坤河仙娥河卽今色楞格河也蓋古匈奴故地隋唐間爲突厥所據諷利亡而薛延陀得之薛延陀滅而同鶻得之至元時復於其地建嶺北行省其形勝大略可觀矣

三音諾顏部形勝○三音諾顏部稱喀爾喀中路凡二十二旗統論全境東至土謝圖汗部南踰瀚海接烏喇特三旗及阿拉善旗額濟納旗西與北皆接扎薩克圖汗部東北至唐努烏梁海越烏梁海境卽俄羅斯也地處杭愛山之陽爲諸水發源處曰齊老圖河色楞格河之上源也曰哈綏河疑卽元之和林河也曰塔米爾河鄂爾坤河之上源也皆東北流下游匯合至俄羅斯境入北海曰札布堪河曰烏里雅蘇台河皆西流下游至科布多入阿拉克泊此外小水南流入瀚海瀆爲小泊者又不一而足焉地介西北兩路之要道康熙雍正年間準夷東犯是部尤爲兵衝起勇親王策凌奮起戎旅之間屢奏克捷遂爲西北巨防洵漠北扼要之區也

扎薩克圖汗部形勝○扎薩克圖汗部稱喀爾喀西路凡十八旗統論全境東至三音諾顏部西至科布多南踰瀚海接額濟納旗及甘肅鎮西廳界北接唐努烏梁海越烏梁海境即俄羅斯也地處喀爾喀最西濱於沙漠北境之水以特斯河為大西流潛於烏布薩泊中央之水以札布堪河為大西流潛於阿拉克泊惟東北之額赫等河東流注於色楞格河其沙漠中水多潛為湖泊渟而不流桑錦達賽泊察漢泊之屬其著者也康熙年間進征朔漠以此為西路雍正年間防禦準夷以此為北路屯戍之跡具在方策詎可以承平日久而忽之哉

唐努山烏梁海形勝○唐努山烏梁海分為四屬皆在烏里雅蘇台之北卡倫之外定邊左副將軍所屬烏梁海二十五佐領其二佐領在格勒德爾河東岸其二佐領在庫蘇古爾泊東北其四佐領當貝克穆河折西流處其三佐領當謨和爾阿拉河源其四佐領當噶哈爾河源俱北與俄羅斯為界其十佐領在西北跨阿爾泰河阿穆哈河亦與俄羅斯為界扎薩克圖汗部所屬烏梁海五佐領其一佐領在庫蘇古爾泊北其一佐領在格勒德爾河西岸其一佐領北臨貝克穆河西與南俱臨華克穆河其一佐領在謨什克河西其一佐領當扎庫爾河源三音諾顏部所屬烏梁海十三佐領俱南依鄂爾噶汗山西與科布多所屬阿爾泰諾爾烏梁海二旗接北與俄羅斯為界哲布尊丹巴呼圖克圖門徒所屬烏梁海三佐領在陶托泊北西臨華克穆河北與俄羅斯為界境內之山以唐努為大唐努山東麓之水皆入額赫河東流注於色楞格河南麓之水皆潛為烏布薩泊北麓之水曰大克穆河曰噶哈爾河曰阿努河皆北流入俄羅斯界注於伊聶謝河曰阿爾泰河曰哈屯河二水合流北入俄羅斯界注

於額爾齊斯河全境北控羅利南衛卡倫峻嶺迴環巨川縈繞洵極邊之保障也

科布多形勝○科布多距○京師六千二百八十里本雍正年間屯兵地後設參贊大臣治焉所統之部落凡七曰新土爾扈特二旗在城西南南臨烏隴古河其北爲新和碩旗西臨青吉斯河其東爲扎哈沁旗西臨布爾干河明阿特旗在城北南臨阿拉克泊其東爲杜爾伯特左翼三旗輝特下後旗俱在烏布薩泊南其北爲阿爾泰諾爾烏梁海二旗當阿爾泰泊南其西南爲杜爾伯特右翼十一旗輝特下前旗其南爲額魯特旗其西爲阿爾泰烏梁海七旗南皆依阿爾泰山北皆與俄羅斯爲界境內之水分注諸泊曰阿拉克泊曰烏布薩泊曰赫薩爾巴什泊皆停而不流曰阿爾泰泊出爲阿爾泰河下游入哈屯河曰齊桑泊額爾齊斯河所濬也二水皆北入俄羅斯界而合流焉全境西倚金山北臨羅利極邊重戍雄鎮巖疆洵西北之要地也

塔爾巴哈台形勝塔爾巴哈台舊爲準噶爾游牧之地準噶爾旣平始築雅爾城設官兵駐守後經奏明遷於楚呼楚之地曰綏靖城卽今參贊大臣治所也所統之部落凡四曰厄魯特游牧曰察哈爾游牧皆在城東南曰東路土爾扈特旗游牧濱和博克河曰內附之哈薩克游牧在城西北卡倫外境內之水東北皆入額爾齊斯河濬於辛桑泊北流至俄羅斯境入北海西南皆匯於阿拉克圖古勒泊全境東接科布多西接外藩哈薩克南接伊犁北由輝邁拉虎卡倫沿額爾齊斯河西岸達於俄羅斯屬之鏗格爾圖喇城乾隆年間討阿睦爾撒納將軍兆惠遣裨將追至俄羅斯之森博羅特城卽由此道進兵也地處金山之西沙陀之北古爲五單于角逐之場三葛邏憑陵之地今設重兵更番戍守西撫

蘇對北扼羅車形勝蓋甲於西北云

伊犁形勝○伊犁在天山之北將軍所駐惠遠城距○京師一萬九里本屬城九曰惠遠城惠寧城熙春城綏定城廣仁城瞻德城拱宸城塔爾奇城寧遠城皆在伊犁河北岸其所統則天山北路之塔爾巴哈台城庫爾喀喇烏蘇城天山南路回疆之葉爾羌城喀什噶爾城英吉沙爾城喀喇沙爾城庫車城阿克蘇城烏什城和闐城賽哩木城拜城皆隸焉計新疆全境東西七千餘里南北三千餘里周圍二萬餘里各城分設參贊辦事領隊大臣而事皆統於伊犁將軍乾隆年間既定準夷旋有在俄羅斯南境游牧之士爾扈特汗烏巴錫率數十萬眾抵伊犁乞內附嗣分舊土爾扈特部居於喀喇沙爾庫爾喀喇烏蘇晶阿塔爾巴哈台地方以東西南北四路別之其新土爾扈特部別屬科布多蓋伊犁之水北流入巴勒喀什泊故伊犁西與北皆接哈薩克界西南至特穆爾圖泊接布魯特界由是而西為霍罕安集延諸回部皆濱納林河納林河西流入達里岡阿鄂謨即所謂鹹海也鹹海之西有大鄂謨號裏海裏海在俄羅斯國之東南凡俄羅斯國都莫斯科窪及喀山諸部之水皆匯於佛爾格河以入裏海裏海北為舊時土爾扈特汗渥巴錫等牧地裏海南為回部大國布哈爾地裏海西為俄羅斯之高加索部新藩地高加索之西為阿索富城濱黑海其灣曰阿速灣即古阿速國境元太祖伐阿羅思欽察各部由阿速進兵即其地也今土爾扈特既東徙內附而布哈爾亦為俄羅斯所攻日益微弱何安集延等部俄羅斯亦有索取人口之事由哈薩克部落可直抵伊犁卡外是俄羅斯所以不敢窺伺哈薩克布魯特者皆懾我伊犁兵威也蓋天山冰嶺之間雄師重鎮實為中國之屏藩兼司北徼之衝

策固不僅建四鎮之幕府稱西域之都護也已

俄羅斯形勢考上○或問於臣秋濤曰人皆言俄羅斯爲北徼極大之邦從古不隸中國其說信乎臣

秋濤曰非也俄羅斯在古時壤地最小多爲北國附庸以故史家罕傳其事今撫其可徵者言之漢時

匈奴強盛北服渾庾屈射丁靈鬲昆薪犁諸國郅支單于北擊烏揭降發其兵西破堅昆北降丁令丁

即丁靈也按堅昆在烏孫之北烏揭之西以地理診之即今哈薩克西北之地正俄羅斯初立國處也丁令

又在堅昆之北地在北海之南即今俄羅斯西伯利部地也郅支單于留都堅昆東去單于庭七千里

南去車師五千里是俄羅斯地在漢時乃匈奴一隅耳然陳湯甘延壽矯詔發西域兵討斬郅支之首

懸於漢北闕下則知俄羅斯兵力素弱中國甫出偏師即奏大捷其明證也匈奴既衰拓跋氏帝有中

原其北有烏洛侯國遠來朝貢烏洛侯一作烏洛侯即俄羅斯一聲之轉此俄羅斯之名見於史籍之

始而即奉琛納貢至於洛陽豈得謂其從古不隸中國乎周齊隋唐之際柔然高車突厥鐵勒薛延陀

迴紇諸部遞起北方而唐書載骨利幹國處瀚海北其地北距海去京師最遠又北度海則晝長夜短

日入烹羊胛纜熟東方已明太宗時入朝以其地爲元闕州按今俄羅斯極東北牙特庫之地距北海

大洋一月程晝長夜短夜亦不甚暗雖日落夜深猶可圍碁不數刻東方已曙即唐骨利幹地也又唐

書載流鬼國在北海之北地氣互寒其君孟聶遣子可也余志以太宗貞觀十四年三譯而來朝貢又

黠戛斯國即古堅昆國亦名結骨國在迴紇西北三千里勝兵八萬南阻貪漫山多林木夏沮洳冬積

雪有水從迴紇北流貞觀二十一年其君長遂身入朝又駸馬國亦名曷刺國地近北海去長安萬四

千里有兵三萬人馬三十萬匹其土境東西一月行南北五十日行土地嚴寒與結骨數相侵伐永徽中遣使朝貢是則俄羅斯在唐時其君長及子皆身自入朝不僅通貢已也元太祖興自朔漠卽今喀爾喀科布多諸部之地創業用兵北伐欽察阿速撼合納斡羅思諸部莫不一舉蕩平或以封其子如朮赤之屬世有厥土或設立郡縣如謙州益蘭州之類載在史志以是言之俄羅斯地在元代固已建設親藩分置州縣而說者願謂其未隸中國豈非攷之未詳而輕於持論哉或曰是則然矣然同一塞外之國而古今異形前後異勢者多矣俄羅斯旣爲蒙古所滅乃後來蒙古部落中如土爾扈特者轉弱於彼而爲所役屬何也曰俄羅斯本小部落之名元太祖遣一驍將率三千兵轉戰而北遂滅其國以封長子朮赤爲大王厥後陸續征伐旁近諸部得之皆割隸朮赤故其提封甚大而遠及元政不綱順帝北走蒙古勢已衰弱然朮赤之後封於俄羅斯者猶世守厥土民無背叛元亡之後享國又二百年宗祀不斬至明世宗嘉靖年間俄羅斯土人始借瑞典之兵驅逐蒙古以復其國

按魏氏源○聖武記云俄羅斯稱汗當在元明之際故至康熙五十二年爲其國三百五十餘年也按元明之際朮赤之裔尙襲封未亡疑俄羅斯土人卽於元季自稱爲汗與元所封之蒙古王並立爭強至嘉靖時始逐去蒙古而自擅其國也

於是東西諸境凡蒙古兵力所開闢之地俄羅斯因而有之是俄羅斯壤地本小轉藉蒙古之力以成其大也至於土爾扈特原牧伊犁之北以與準噶爾不協北走額濟勒河初非服屬於俄羅斯也特以境地相鄰資其贍給遂從其征調耳自汗渥巴錫歸順後蒙古之留於彼境者諒亦無多而習俗亦與俄羅斯人相鑿不入豈得以蒙古人之強爲俄羅斯人之強哉究之其地五方雜處部族迥殊俄羅斯之君長亦不過羈縻爲治地域廣袤則誠有之至謂兵力

之強物產之富有逾他國斯不然矣其人喜讀中國書事○天朝極恭順蓋自古以來朝貢弗絕漸摩
○德化已久異乎泰西他國之曠野臣獨怪昔人之漫弗深攷也故詳論之如此

俄羅斯形勢考中○我○朝臨御九寓天戈所指莫不蕩平惟俄羅斯一國經○太宗○世祖○聖祖
三朝命將撻伐而終許其和撫以恩信夫○列聖神武威加海內所以不極兵力者蓋有故焉俄羅斯
地處極北冰厚六尺木皮三寸石田千里得之不可以爲富而迤北諸部實繁有徒自東海費雅喀大
島西至烏梁海哈薩克之屬地域相距幾二萬里其間人民有居國行國之別奉回奉釋之殊衣冠風
俗種種各異自古未有能相安無事者柔然衰而高車起突厥滅而迴紇興汗青所載前事足監俄羅
斯之撫有其眾亦不過扼其要害羈縻相安耳然既有俄人以相羈縻則足爲北徼之屏藩矣是故康
熙二十七年遣參領等官前往曉諭而俄人俛首聽命黑龍江北之雅克薩城舊爲俄人所據悉遷其
人民而歸其地於我○朝凡○聖祖之所以柔遠安邊開億萬年無疆之治者胥於是乎在○廟謨之
垂裕遠矣且我○聖祖之御極也天方遣大投艱藉殷憂以啟○神聖是故三藩之亂始於甲寅至康
熙二十年雲南始平二十二年臺灣始靖而黑龍江之齊齊哈爾等城亦以是年收入版圖及俄人來
爭僅以偏師定其經界雖屢奏克捷而終不大興師旅誠以三藩甫平瘡痍未復不宜大舉以傷元氣
也迨二十七年始與俄羅斯議定疆界而西北準部業已猖獗噶爾丹率眾犯蒙古諸部侵凌寇掠累
年不已當時以俄羅斯旣和專力進討噶爾丹用能摧破強敵永清沙漠夫○聖謨廟略誠非庸愚所
能窺測萬一今謹就其地勢觀之黑龍江地近吉林距○盛京邊界尙三千里開創之初地利固在所

必爭然地本瘠苦僻在東北一隅無關天下大局至於噶爾丹所侵之金山杭愛山漠北之地則歷代行國匈奴突厥蠕蠕韃靼之都會勢足以凌暴中原我○聖祖睿慮周詳權衡輕重於俄羅斯則撫之所謂棄所當棄也於噶爾丹則征之所謂誅所當誅也自是之後俄羅斯謹守和約東北無毫髮之警而○世宗○高宗因是得以專力西陲平定準回二部拓地二萬餘里固由天心助順○武功十全而追溯本原則實自我○聖祖仁皇帝之因事制宜貽謀深遠○聖德○神功超軼千古歷觀史冊孰是可以比隆也哉

俄羅斯形勢考下○聖祖之撫綏俄羅斯也雖不欲震耀以武功而未嘗不欲詳知其疆域以故因土爾扈特阿玉奇汗之入貢特遣侍讀圖理琛等假道俄羅斯前往土爾扈特宣諭前後凡四載始克旋歸著有異域錄一書進呈○御覽而俄羅斯山川道里靡不詳著於目中矣康熙三十五年○親征噶爾丹之役途次傳言有謂其借俄羅斯兵六萬來者○聖祖不爲動而西路兵遂奏大捷二十六年噶爾丹謀奔俄羅斯不果旋仰藥自盡朔漠遂平嚮使非撫俄羅斯於前則噶爾丹未必不借兵未必不遁入彼境也乾隆二十二年我兵窮追阿睦爾撒納至哈薩克部阿睦爾撒納徒步入俄羅斯守卡者送往其國察罕汗處○上命理藩院行文索之阿睦爾撒納患痘死俄羅斯取其屍由恰克圖送入邊蓋○聖主明見萬里威稜震疊以故號令所及靡不奔走恐後也阿逆旣殞準部遂平凡附近俄羅斯之烏梁海等國悉入版圖自古用兵朔漠拓地廣遠未有如○高宗之盛者昔漢空朔庭而不能屯戍其土於是鮮卑烏桓據其故壤矣唐滅突厥而不能保障其地於是契丹回紇踵其舊習矣皆由當時之君狃於常

勝而不爲後圖故也惟○大聖人處此則當武功極盛之時益務爲長治久安之計是故自○高宗之朝北邊軍制始益詳備統計北徼自東迄西接壤俄羅斯之處不啻萬里其最東則自海以外之庫葉大島迤而西至海以內之混同江口恆滾河源以及外興安大嶺約橫亘三千餘里我○朝設三姓副都統轄其地以吉林將軍統之其外以控制赫哲費雅喀俄倫春諸部其內以捍衛甯古塔白都訥也自三姓以西直抵牛滿欽都精奇哩諸水上源限以興安大嶺約橫亘亦三千餘里我○朝設黑龍江將軍統之其外以控制索倫達呼爾諸部其內以捍衛吉林奉天也自黑龍江以西約二千餘里爲克魯倫河諸水上游我○朝設庫倫辦事大臣統之其外以控制車臣汗土謝圖汗諸部其內以捍衛蒙古東四盟及直隸山西邊境也自庫倫以西約二千餘里爲色楞格河諸水上游我○朝設烏里雅蘇台將軍統之其外以控制唐努山烏梁海及扎薩克圖汗賽音諾顏諸部其內以捍衛蒙古西二盟及陝西甘肅邊境也自烏里雅蘇台以西約千里據額爾齊斯河上游我○朝設科布多參贊大臣統之其外以控制阿爾泰烏梁海及杜爾伯特新土爾扈特諸部其內以捍衛巴里坤烏魯木齊諸境也以上皆與俄羅斯接壤之處各有重兵形勢聯絡自科布多以西約千餘里爲塔爾巴哈台有大臣駐焉自塔爾巴哈台以西約千餘里爲伊犁有將軍駐焉其外境皆哈薩克部落受封爵納賦稅比於內地蒙古各部而哈薩克之外惟俄羅斯爲強國然則邊防所重蓋可知矣夫○國家承平二百餘年西北諸部若內蒙古若喀爾喀若杜爾伯特若土爾扈特若烏梁海若哈薩克皆我○朝所戡定而卵翼之者綢繆固結更無邊釁可虞然常宿重兵於漠北將帥大臣星羅棋布東西相望其所以防患於未然

者意至深遠乾隆嘉慶年間滿洲大臣多自西北軍營入襄綸閣樞庭之治若兆惠阿桂舒赫德等皆起自新疆軍營松筠任庫倫辦事大臣伊犁將軍前後十餘年之久慶桂以科布多參贊入輔政誠以西北塞防乃○國家根本故久其任用而峻其遷擢也恰克圖之市易尙矣而乾隆二十九年四十四年四十九年皆嘗閉關不許其市俄羅斯亦不敢以爲恨必待其執送賊犯懇○恩固請而後開市○聖主之駕馭遠夷範圍曲成類如此斯遠荒之人所以感○恩知義永違嚮化也蓋我○朝邊圉之政至○高宗而集其大成司事諸臣可不深思其故哉

朔方備乘卷第十二

考六

俄羅斯館考敘○臣秋濤謹案古制外藩朝貢皆以賓禮待之漢尙書置客曹主外國宋時置同文館以待高麗諸使明之會同館卽沿其制至我○朝始於舊會同館修建屋宇以館俄羅斯國之人良以俄羅斯自明以來阻於朔漠未通中國及順治康熙年間嚮慕○德化重譯來庭故特設邸舍以優異之也其國有貢使○有商人有來○京讀書學生有住○京喇嘛又有來學醫術之人雖事不恆見然皆以俄羅斯館爲寓居之所是皆有關掌故不可或略爰彙爲一卷至該國地遠俗殊禮節異於中土今亦詳考其見於載籍者附著卷末以皆館中所有事也若乃八旗習俄羅斯字之學生亦稱俄羅斯館則名同實異詳於俄羅斯學考茲不復出云

俄羅斯館官制○俄羅斯館監督一員以理藩院司員充由堂官僉派臣秋濤謹案四裔考載乾隆二年監督俄羅斯館御史赫慶則從前此缺亦係御史之差不知○俄羅斯學提調官一員○以理藩院司員充由堂官僉派○俄羅斯何時改定專用理藩院司員

館助教滿洲一員漢人一員○凡俄羅斯學生到○京時令其在俄羅斯館居住咨取國子監滿洲助教一員漢助教一員在館教習○清漢文字

俄羅斯館領催○領催一員○由理藩院揀派輪班到館照料○俄羅斯館館夫○額設館夫二名○專承應看守館門不准閒人濫入等事缺出由理藩院司務廳招募挑補

俄羅斯館定例○理藩院則例曰京城之俄羅斯館嗣後惟俄羅斯之人居住其使臣薩瓦所欲建造

之廟宇令中國辦理俄羅斯事務大臣在俄羅斯館建造現在京居住喇嘛一人其又請增遣喇嘛三

人之處著照所請俟遣來喇嘛三人到時亦照前來喇嘛之例給予盤費令住此廟內至俄羅斯等依

本國風俗拜佛念經之處毋庸禁止再薩瓦所留在京學藝之學生四名通曉俄羅斯拉替努字話之

二人亦令在此處居住給與盤費養贍○支領銀兩等件○理藩院典屬清吏司承辦俄羅斯學生支

領衣服銀兩○供用蔬菜○光祿寺事例俄羅斯諸國貢使每日廩給所用蔬菜據禮部劄給發○供

用羊及羊肉○光祿寺事例俄羅斯等國貢使給羊羊肉據禮部劄給發○換班護送○護送換班俄

羅斯理藩院筆帖式一員由堂官僉派事畢旋京不駐○駐京俄羅斯之達喇嘛學生等每屆十年換

班派領催一名隨同筆帖式送至恰克圖往返照料○理藩院典屬清吏司承辦俄羅斯來往事件○

俄羅斯不服水土送回○理藩院則例俄羅斯不服水土送回本處毋庸出派領催前往○俄羅斯館

總裁○康熙二十八年與俄羅斯國定界議和俄羅斯約束其邊界人等永不滋事復申請遣人進○

京學習○國書俟通曉文理後換回遇事即以○清文兼俄羅斯及西洋字話繕寫馳遞庶有印證以

免舛誤至今永為定例臣秋濤謹案此條見履服紀略原書未載年分○三十二年理藩院議准俄羅斯遣子弟來○京讀書之始

斯國貿易人不得過二百名隔三年來○京一次在路自備馬駝盤費一應貨物不合納稅犯禁之物

不准交易到○京時安置俄羅斯館不支廩給定限八日起程臣秋濤謹案此條見會典○三十三

年立俄羅斯館於京城中玉河橋西臣秋濤謹案此條見俄羅斯事輯又癸巳存稿引戶部則例云

西不知始於何年附記於此四十八年俄羅斯貿易人至○京○聖祖因馬齊管俄羅斯事復令其管理臣秋濤

條見八旗通志馬齊傳後設
管理俄羅斯館大臣仿於此
○五十一年俄羅斯商人科密薩爾稟稱俄羅斯番僧在○京師者現

有米提理一人年已老邁儻有不測則行我俄羅斯佛教之人必致斷絕若准我國送番僧前來我即

送來等語經大臣據稟奏聞○詔允所請並令伊國若有外科良醫一併交使臣圖理琛等攜帶來○

京臣秋濤謹案此條見異域錄據此知俄羅斯番僧米提理業已住○京多年○五十二年使臣圖理

琛等於七月初四日至托波兒城向俄羅斯國之噶噶林馬提飛費多爾委翅言我等事竣還朝時爾

國若將行教番僧外科醫士給發令我等帶去噶噶林曰是此等情節我科密薩爾俱會告訴番僧現

今在此預備醫士此處無甚良者已差往莫斯科窪城調取尙未曾到天使回國時可以到此臣秋濤

謹案此條見異域錄○五十四年俄羅斯達喇嘛跟隨中國使臣圖理琛來○京居住臣秋濤謹案此條見理藩院檔冊○康熙年

間俄羅斯遣人至中國學痘醫由撒納特衙門移會理藩院衙門在○京城肄業○俄羅斯有學蒙古接

骨大夫者僅康熙年一至臣秋濤謹案以上二條見癸巳存稿○雍正五年郡王策凌內大臣伯四格侍郎圖理琛等與俄

羅斯使臣薩瓦等定議修○京城俄羅斯館來○京讀書幼童及教習等官給養贍願回者聽臣秋濤謹

案此條見四裔考○是年圖理琛等奏現在住○京俄羅斯喇嘛僅止一人再請咨取喇嘛三名並學藝俄羅斯孩童

四名會俄羅斯拉提諾文字人二名均住該館並照以前來○京俄羅斯喇嘛給予庫餼俟其學有成效

再行酌量回國臣秋濤謹案此條見理藩院檔冊○是年理藩院議准俄羅斯館內設立廟宇令在○京之俄羅斯僧一

人居住並照該國所請增俄羅斯僧三人俟送到時一併給與口糧食物聽其於廟內行俄羅斯教禮拜

念經無庸禁止又使臣薩瓦及留○京學書之俄羅斯四人教習二人亦令在館居住一例給與口糧食

物臣秋濤謹案此條見會典事例又案以上三條係屬一事而諸書所載互有詳略故並錄之○是年俄羅斯國遣其官生魯喀佛多德宜宛喀喇希

木四人來學即舊會同館設學臣秋濤謹案此條見學校考○六年俄羅斯國遣陪臣子弟觀光○國學○特命即舊

會同館設俄羅斯館教之臣秋濤謹案此條見會典國子監事例又案俄羅斯遣子弟來○京讀書前已有之至是年始請入○國子監選助教等官教之蓋其國嚮○化之念久而彌

篤○是年議准俄羅斯國學生俟送到時令其在俄羅斯館居住交與國子監選滿漢助教各一人往館

教習○清漢文臣秋濤謹案此條見會典事例俄羅斯館條內○九年理藩院奏准俄羅斯買賣人來時喀爾喀土謝圖汗等報

院具奏請○旨委官一人馳驛前往恰克圖地方接沿途照看其買賣人仍依原議不給口糧食物一

應夫馬聽其自備由張家口至○京路途歇寓令官兵護送看守到○京進館後兵部奏派副都統及官

兵看守買賣人出館行走皆令護軍等伴行○特簡內大臣部院堂官數人總理俄羅斯事務其監視買

易官二人開列侍讀學士科道等職名引○見簡用○十年奏准俄羅斯貿易事畢起程時照例委官撥

兵沿途護送并開列監視貿易官等職名候○欽點一人送至邊界臣秋濤謹案以上二條均見會典理藩院事例俄羅斯互市條內○

乾隆二年監督俄羅斯館御史赫慶奏言俄羅斯互市止宜在於邊境其住居○京城者請禁貿易止令

以貨易貨勿以金銀相售在○京讀書子弟亦不可任其出入使知內地情形與圖違禁等物禁勿售與

臣秋濤謹案此條見四裔考○六年國子監奏准俄羅斯遣子弟入學習讀○清漢書本監於滿漢助教內揀選文理

明白者引○見候○旨簡用滿漢各一人令其兼管教習學生衣服飲食等項由理藩院給發○九年國

子監奏准俄羅斯學漢助教准為額外助教咨部別行銓補○十五年奏准俄羅斯學滿洲助教既非專

設之員其漢助教亦不必額外專設應行裁汰嗣後以六堂內助教兼管俄羅斯學務臣秋濤謹案以上三條均見會典國

子監○四十六年正月奉○旨據車登多爾濟等奏俄羅斯之固必爾那托爾等呈稱遵伊主之令將
事例

現在住京之俄羅斯喇嘛學滿漢話之俄羅斯學生照例派出喇嘛學生前往更換請旨允准等語俄

羅斯喇嘛學生住京已居十年著施恩即照車登多爾濟等所奏准固必爾那托爾遣人更換臣秋濤謹案此

條見四○嘉慶十六年四月奉○上諭前據羅端多爾濟奏俄囉斯固畢爾納托爾特喀斯沁懇請遣

人探望伊之喇嘛及學生並齋送盤費等語當經交該部議奏茲據該部奏稱向來俄囉斯駐京之喇

嘛並無遣人前來接濟盤費探望之例其請沿途供應駝馬路費廩給之處應不准行所駁甚是著羅

端多爾濟等咨覆該處諭以此事已咨理藩院據院駁稱事不合例本院未敢具奏即著飭回臣秋濤謹案此

條見○
聖訓

附俄羅斯禮節考○臣秋濤謹案春秋之義諸侯朝聘悉書惟白狄來介葛盧來之類但書來而不書

朝聘說者以為書其來者嘉嚮化之誠不書朝聘者恕不能為禮也唐書載大食國開元初遣使獻馬

錮帶謁見不拜有司將劾之中書令張說謂殊俗慕義不可真於罪元宗赦之使者又來辭曰國人止

拜天見王無拜也有司切責乃拜案人食國在西陲唐時已尙天主教故不習跪拜今西洋各國皆尙

天主教禮節殊異非獨俄羅斯國為然我○列聖德洋恩溥涵容感化俾其咸知禮義盛矣哉古未嘗

有也臣秋濤謹詳考羣籍摭其禮俗之異者咸著於篇○俄羅斯不習跪拜並表文不合體式○援服

紀略曰其俗不習跪拜但以指扣眉即叩首臣秋濤謹案乾隆四十八年科布多大臣海甯○張玉

書外國紀曰順治十二年十三年俄羅斯兩有使至皆以不習跪拜遣還十七年復至朝議仍應逐其

使去○朝廷寬之○命禮部諭以不遜之罪○四裔考曰順治十二年察罕汗遣使來朝貢方物○上

嘉其誠款降○勅及○恩賜令來使齋回國臣秋濤謹案此與張玉書所紀異十三年遣使奉表來朝貢方物以來使

不諳朝儀卻其貢而遣之十四年復遣使奉表進貢途經三載以十七年五月至表稱俄羅斯一千一

百六十五年語多矜夸廷臣咸謂其不遵正朔宜逐之奏入得○旨察罕汗雖恃為酋長表文不合體

制然外邦從化宜加涵容以示懷柔俄羅斯來使著該部與宴貢物查收察罕汗及其使量加恩賚但

不必遣使報書爾衙門即可以表文矜詡不令陛見之故諭而遣之康熙十五年五月察罕汗又遣陪

臣尼果賴罕伯里爾鄂維策進貢方物奏言俄羅斯僻處遠方從古未通上國臣秋濤謹案俄人自為

習禮儀之非也不諳中華文義及奏疏禮儀兩次輸誠致多缺失今特敬謹遣使奉貢仰祈矜宥得旨准其進

貢臣秋濤謹案異域錄載尼果賴來中國行止悖會典事例云康熙三十二年覆准俄羅斯察罕汗

奏文與外國奏文體式不合應將貢物奏文一併發回但該國地遠不知中國制度應將原奏不合之

處明白曉諭來使○召見時照常○恩賜帶來貨物仍令貿易嗣後該國奏文先令黑龍江將軍開看

若有不合即自邊地駁回驗明合式方准入奏到京之日先令來使於午門前跪奉黃案行三跪九叩

之禮臣秋濤謹案此事在平定羅利之後蓋懾我兵威而然嘉慶年間奉○諭旨云來○異域錄云

使至庫倫時不令行三跪九叩頭禮與此不同蓋○聖人因時制宜不執成見也

康熙五十一年四月二十二日恭請○聖訓奉○旨往返之時俄羅斯察罕汗儘遣使欲會爾等即往

相會或俱往相會或者幾人見聽其來言著阿顏圖理琛並新滿洲二人去見若彼不欲見不使人來

請則已至相見禮儀依彼國禮見之可也更須向其使言從前爾國尼果賴到中國時行止悖戾我等

斷不若此○俄羅斯事輯曰嘉慶十年今汗遣正使來至邊界議禮不合而返今汗者始以男汗治俄羅斯地遠禮別我○朝亦置不問也○康熙癸酉以後俄羅斯未遣專使進貢○異域錄曰商人科密薩爾在○京師時曾有○諭旨爾國人民雖每歲前來貿易俱係平素商賈察罕汗並未特遣人進貢所以朕亦不曾遣使此所遣使者是往阿玉奇汗處去的爾察罕汗如欲相會詢問地理情形著其中一半人前往相見

臣秋濤謹案順治二十三年二十七等年俄羅斯初與中國通使當是專使前來進貢自康熙二十八年定議立界以後二十九年尚有使臣吉里古里等至○京三十二年始定例以該國奏文不合款式一併發回蓋自是該國未遣專使進貢也○倫

正燮竟以順治年間來使皆謂是貿易商人誤矣 ○○仁宗睿皇帝聖訓曰嘉慶十五年三月奉○上

諭據蘊端多爾濟等奏伊等在恰克圖交界會見俄羅斯固畢爾納托爾據云俄羅斯人等欲遣使納貢仍請答使伊等已置之不問蘊端多爾濟即回庫倫等語俄羅斯人等性情詭詐不可深信是以節次降旨令蘊端多爾濟等於遣使之事斷不可俯就今閱蘊端多爾濟等所奏會見俄羅斯固畢爾納托爾情形現在暫不遣使仍希冀天朝先遣使臣前往此事斷不可行蘊端多爾濟等既已置之不問自應聽伊等如何呈請至此時固畢爾納托爾若遣人探問蘊端多爾濟等即云爾俄羅斯國若遣使納貢儘可呈請大部轉奏大皇帝亦必恩准不惟爾來使往返妥爲照料中國亦必格外俯賜爾來使佳品今來會時甚屬恭順爾使臣入京瞻覲自必尤爲恭順爾使臣至庫倫時亦不筵宴亦不令行三跪九叩謝恩禮爾等若不遣使呈請我等不敢冒昧具奏俄囉斯等若言及天朝遣使該國之事蘊端多爾濟即云天朝入覲納貢屬國甚多從無遣使赴外國之例此等邊疆之事王大臣等斷不敢瀆請如此曉示徑行駁飭俄囉斯等如果恭順呈請納貢遣使入覲蘊端多爾濟等一面斟酌具奏一面仍遵前旨辦理儻呈請文內

仍有答使之語卽以不敢具奏飭駁再行奏聞斷不可令其遣使也臣秋濤謹案雍正五年俄羅斯遣使

是專使至乾隆年間並無使至嘉慶十年俄羅斯新汗始遣正使來至邊界識禮不合而返○俄羅斯使

至是又以答使爲請故欽奉○訓旨明加曉諭所以宣示遠人俾恪守恭順之節意至深矣○俄羅斯使

送禮物與中國禮異○異域錄云圖理琛等欲以緞十二匹差人送與噶噶林有管待飯食俄羅斯官曰

差人餽送於我國禮不合天使大人親往之時帶去方可我等言此非佳物我等自中國遠來經過爾噶

噶林地方備承厚意故以此相酬我中國凡以物與人並無親送之禮今差人餽送於爾國禮不合若我

等親身帶去又於我中國之禮有礙以此微物豈可壞兩國大體不如停止遂公議停止餽送○俄羅斯

以脫帽去裘爲至敬○四裔考曰俄羅斯卑幼見尊者免冠立地而叩尊長不免冠平等相遇皆免冠立

地而叩男子與婦人遇男子免冠婦人立地而叩臣秋濤謹案此所謂立地而叩當是以指扣眉卽爲叩首○綏服紀略曰國人見其

汗時皆脫帽去裘以爲至敬○又松筠等因固畢爾納托爾設宴延請歸而記其事曰由恰克圖市圍至

彼約里許固畢爾納托爾豫派小頭人步行擺對遠迎時孟春雪大天寒殊甚人皆大帽重裘此次固畢

爾納托爾脫帽去裘先於門外迎立益見其感激○皇仁倍申誠敬○異域錄曰噶噶林差伊俄羅斯官

來請曰天使大人明日起行如蒙不棄今日可來一飯否於是前往噶噶林見余所帶小刀再三顧盼不

勝稱羨卽解以贈之噶噶林免冠拜受○俄羅斯使臣入○覲○俄羅斯事輯曰康熙十五年貿易商人

尼果賴等至○聖祖仁皇帝召見之○賜察罕汗書諭邊界事臣秋濤謹案此次尼果賴○召見諸書皆未載俞正燮言之甚詳當有所本○會典事例曰康熙三十二年覆准俄羅斯察罕汗奏文與外國奏文體式不合將貢物奏文一併發回但該國地遠不知中國制度將原奏不合式之處明白曉諭來使○召見時照常○恩賜其帶來貨物仍令

貿易嗣後俄羅斯奏文先令黑龍江將軍開看驗明合式方令入奏到○京之日令來使於○午門前
跪奉置黃案上行三跪九叩禮臣秋濤謹案是年不收奏文貢物而仍蒙○恩召見來使亦曠典也○四裔考曰雍正五年三月察罕汗
遣使表賀○上登極附貢方物八月遣郡王策凌等與使臣薩瓦議定楚庫河等處邊界隨○召見薩
瓦等○賞賜有差並優○賜察罕汗等遣薩瓦歸國臣秋濤謹案此次俄羅斯來使叨蒙○聖恩召見
諸書均未敘及殊為疎漏附識於此

校貢張惇德初校
舉人胡景桂覆校